

人物志九

孝義

中州土厚而民淳河郡風尤近古如廬墓割股捐粟布  
金自昔而然前志書不一書卽此數十年來孝行可述  
當道爲之式廬而孟津之民且以還金邀

曠典亦可知孝義與性而俱又沐浴於

聖化者久故有動於中輒徬徨鬱勃而不能遏前撫軍雅彰  
善錄之刻郡屬列名甚夥茲更採而益之以示風勵焉  
至于子長氏游俠傳所述劇孟之徒其言必信其行必

果已諾必誠赴士之阨困不愛其軀雖龍門有激之言  
其好義任俠有足稱者李濂通志人物傳首列之有以  
夫志孝義

漢

劇孟

史記列傳洛陽人以任俠顯諸侯孟嘗過袁盎盎善待之安陵富人有謂盎曰吾聞劇孟博徒將軍何自通之盎曰劇孟雖博徒然母死客送葬車千餘乘此亦有過人者且緩急人之所時有也夫一旦有急叩門不以親爲解不以存亡爲辭天下所望者獨季心劇孟耳今公常從數騎一旦有緩急寧足恃乎罵富人弗與通諸公聞之皆多袁盎吳楚反時條侯爲太尉乘傳車將至河南得劇孟喜曰吳楚舉大事而不求孟吾知其無能爲已矣天下騷動宰相得之若得一敵國云

祝公道

記纂淵海河南人建安中郭援破絳邑捕得邑長賈逵囚於壺關閉著土窖中以車輪蓋上使人固守方

死此中乎時公道游壺關與達非故人而適聞其言憐其  
守正危阨乃夜盜在引出折械遣去不語名姓援破達乃  
知前出己者爲公道後公道坐他事達救之力不能解爲  
之改服焉

陽雍伯

搜神記淮陽人性篤孝父母亡葬於無終山遂家焉  
山高無水公汲作義漿于坂頭行者皆飲之三年有

一人就飲以一斗石子與之云玉當生其中又語云後當  
以得婦言畢不見乃種其石數歲時時往視見石子生玉  
北平徐氏女甚有行人多求不許伯乃試求焉徐氏笑以  
爲狂乃戲云得白璧一雙來當爲婚公至所種石中得五  
雙以聘徐氏遂以女妻之天子異之拜爲大夫于種  
玉處四角作大石柱各一丈中央一頃地名曰玉田

田真

續齊諧記與弟田廣田慶共議分財生貲皆平均惟堂  
前一株紫荆樹共議破三片明日就截之其樹卽枯死

狀如火燃真往見之大驚謂諸弟曰樹本同株聞將分斫  
所以顛頽是人不如木也因悲不自勝不復解樹樹應聲  
榮茂兄弟相感合財寶遂  
爲孝門真仕至大中大夫

按真事蹟不見正史惟齊諧記云京兆人然其宅里墳墓俱在鞏李濂志書之自當載入但時代無考陸機豫章行詩中引之有三荆歡同株句似非同時人濂定爲晉人不知何據

### 南北朝

秦綿

南史孝義傳河南人遭母喪送葬不忍還鄉人作茅菴

止其中若遇有米則食粥無米則食菜而已哀號之聲行者爲之潛淚服訖猶不還家遇疾不療卒臨亡告人曰若死者無知固不宜獨存有知則大獲吾志元嘉四年有司奏旌其門

辛普明

南齊書孝義傳字文達河南人僑居會稽少就關康

之受業家貧與兄共處一帳兄亡以帳施靈座夏月多蚊普明不以露寢見色處之怡然兄將葬隣人嘉其義賻助甚多普明初受後至者皆反之贈者甚怪普明曰本以兄墓不厝故不逆親友之意今何忍亡者餘物以爲家財耶後遭母喪幾至毀滅揚州刺史豫章王辟爲義曹從

事不就年



宗承

萬姓統譜洛陽人性至孝父死哀毀骨立及葬負土作墳不役童僕一夕之間土壤自高五尺松竹生焉

趙和

北史趙剛傳洛陽人剛父太平卽陵江將軍南討度淮聞父喪輒還所司將致之於法和曰罔極之恩終天莫

報若許安厝禮畢而卽罪戮死且無恨言訖號慟悲感傍人主司以聞遂宥之喪畢除寧遠將軍大統初追贈膠州

史刺

元晞

北史元文遙傳洛陽人有孝行父卒廬于墓側而終後以子文遙貴特進開府儀同三司中書監諡曰孝

山偉

北史本傳字仲才洛陽人祖強美容貌身長八尺五寸工騎射彎弓五石爲奏事中散從獻文獵方山有兩狐

起於御前詔強射之百步內二狐俱獲位內行長父幼之位金明太守偉涉獵文史孝明初元匡爲御史中尉以偉

兼侍御史孝靜初除衛大將軍中書令兼起居後以本官復領著作卒官贈驃騎大將軍開府儀同三司都督幽州

刺史諡文貞偉弟少亡偉撫寡訓孤同居二十餘載恩義甚篤不營產業身亡之後賣宅營墓妻子不免飄泊士友

歎愍之長子昂襲爵

隋

元褒

隋書元孝矩傳字孝整洛陽人便弓馬少有成人之量十歲而孤爲諸兄所鞠養性友悌善事諸兄諸兄議欲別居褒泣諫不得家素富多金寶褒無所受脫身而出爲州里所稱及長寬仁大度涉獵書史任周官至開府北平縣公趙州刺史及高祖爲丞相從韋孝寬擊尉迥以功起拜柱國進封河間郡公邑二千戶入隋累官至齊郡太守吏民安之卒於家時年七十三

楊雍

海錄碎事洛陽人以傭販爲業少修孝敬父母歿哀慕追思敦行善事至老不衰生十男皆令德累世貴盛

唐

楊牢

唐書李中敏傳字松年河南人有至行父茂卿從田氏府趙軍反殺田氏茂卿死牢之兄蜀三往索父喪慮死不果牢自洛陽走常山二千里號伏叛壘委髮羸骸有可憐狀讐意感解以尸還之單纒冬月往來太行間凍膚皸瘵銜哀兩血行路稠人爲牢泣歸責其子以牢勉之牢絕

尹穰曰孝童牢

後擢進士第

畢栩

唐書畢構傳偃師人太子詹事構弟為大府主簿留東郡聞兄疾馳歸哀毀如大喪雖變服未嘗笑天下稱其

友悌終荆

州司馬

任仲

唐書孝友傳伊闕人  
事親居喪以至行著

杜并

舊唐書杜審言傳東都人審言子審言與州僚不叶司馬周季重與員外司戶郭若訥共構審言罪狀繫獄將

因事殺之既而季重等府中酣讌并年十三懷刃以擊之季重中傷死而并亦為左右所殺季重臨死曰吾不知審

言有孝子郭若訥誤我至此審言因此免官還東都自為文祭并士友咸哀并孝烈蘇頌為墓誌劉允濟為祭文

趙宏智

唐書本傳新安人元魏車騎大將軍肅之孫蚤喪母事父篤孝通書傳仕隋為司隸從事武德初大理卿

郎楚之白為詹事府主簿太宗時豫論譔錄勤繇太子舍人進黃門侍郎兼宏文館學士出為萊州刺史稍遷太子

右庶子父事兄宏安俸祿歸之不敢私宏安卒哀慟過期奉嫂謹甚撫兄子慈均所生永徽初入為陳王師講孝經

百福殿高宗喜曰試爲我陳經之要以輔不逮對曰天子  
有爭臣七人雖無道不失天下願以此獻帝悅賜絹二百  
名馬一四年進國子祭酒仍爲學士卒年八十二諡曰宣  
宏安亦終國子祭酒曾孫矜舉明經調舞陽主簿吳少誠  
反以縣歸徙襄城主簿賜牙緋歷襄城丞客死柳州官爲  
歛葬後十七年子來章始壯自襄陽往求其喪不得野哭  
再闕旬卜人秦誦爲筮曰金食其墨而火以貴其墓直丑  
在道之右南有貴神冢土是守宜遇西人深目而鬣乃其  
得實明日有老人過其所問之得矜墓直社北  
遂歸葬宏安墓次時人哀來章孝皆爲出涕云

元正

唐書元萬頃傳洛陽人萬頃孫修名節擢明經高第授  
監門衛兵曹叅軍舅孫遜與譚物理歎己不逮肅宗初

吏部尚書崔寓典選正以書判第一召詣京師以父詢傳  
老辭疾免河南節度使崔光遠表置其府史思明陷河洛  
輦父匿山中賊以名購正度事急謂弟曰賊祿不可養親  
彼利吾名難免矣然不汚身而死吾猶生也賊旣得誘以  
高位瞋目固拒兄弟皆遇害父聞仰藥死路人爲哭事平  
詔錄伏節十一姓而正爲冠贈秘書少監以其子義方爲

華州叅軍義方歷官虢商二州刺史卒贈左散騎常侍弟  
季方舉明經調楚邱尉歷殿中侍御史遷金膳二部郎中

號能職王叔文用事憚季方不爲用以兵部郎中使新羅  
新羅聞中國喪不時遣供饋乏季方正色責之閉戶絕食  
待死夷人悔謝結驩乃還

卒年五十一贈同州刺史

獨孤庠

唐書獨孤及傳字賢府洛陽人郁于十歲有至性聞  
呼父官及見弔客輒號慟幾絕後舉進士仕尚書丞

司馬鎧

唐書本傳河南人神龍初以中書侍郎卒事繼母孝  
奉祿不入私舍與弟銓伯父希象皆歷殿中侍御史

宋

尹楫

尹焯尹君墓誌字濟川洛陽人尚書比部員外郎仲舒  
之孫進士涓之子奉母能循家法處里閭未嘗妄交宗

族不以親疎爲間一以盡恩  
義母棄養以哀毀成疾卒

趙君錫

宋史孝義傳字無愧洛陽人性至孝母亡事父良規  
不離左右登進士以親故不願仕父每出必躬扶掖

至雜立僕從中嘗從父謁文相彥博異其容止詢  
知之語諸子令視爲法父歿始仕累官給事中

李繼成

古今孝友傳河南人母卒負土成墳晝夜哭  
不絕聲郡守上其事詔旌門閭賜以粟帛

僧僧宜陽縣志善屬文性至孝卒葬屏山之陽有碑

元

張恭

元史孝義傳偃師人以兵部符署鷹房府案牘親老辭歸侍養父喪過哀奉母馮氏尤謹歲凶恭夫婦採野蔬爲食而營奉甘旨無乏母疾恭手除溷穢喂哺飲食且嘗糞以驗疾勢天歷初西兵至河南居民悉竄恭視母病項中一劍不去母驚悸而沒恭居喪盡禮人稱孝焉詔旌其門

朱友諒

元史孝義傳河南人以篤孝稱復其門

王宗道

孫裔

元史孝義傳俱河南人居喪廬墓詔旌其門

高顏和

李福

元史孝義傳顏和河南人福澠池人皆累世同居詔表其門闕

王佐

李通志登封人居喪廬墓詔賜旌表

張思忠

歐陽元張公神道碑字誠之鞏人恩子仕高州司監不樂爲苛征棄去不復仕性孝友親疾晝夜不解帶

其兄從軍襄樊三月書不達二親憂之公徒步至丘間不避鋒鏑卒獲安耗歸寧其親一日謂其兄弟曰古人有十世共舉火者今何爲不然得非俗之不如與兄弟感其言不敢謀析處鄉鄰族黨多所周恤以子毅爲中書參議贈集賢直學士大中大夫上輕車都尉追封清河郡侯

**陳用忠**

李通志字公達偃師人儀表整肅性行溫雅鄉里有善士之目性至孝甫冠失恃事繼母無間言待弟允忠備極友愛至順間廕父官補太常禮儀院太祝轉承務郎以清白自持考滿遷奉訓大夫秘書監丞

明

**王中**

李通志登封人家業農未嘗知書而性至孝母歿廬墓三年身被衰麻日食飢粥旦夕哭奠未嘗櫛髮易衣墓側無水浚井四丈餘不得泉中環井再拜籲禱泉湧出鄉里以爲孝感洪武十六年事聞旌表

**魏敏**

中州人物考字好學鞏人進士授吏科給事中以母病謁告歸省未至而母卒敏卽之墓所哀慟水漿不入口者五日廬墓三年旦夕衰服哭奠如初喪鄉里稱其孝洪武二十六年以守臣請旌表其門

王士能

李通志永寧人父卒廬墓永樂三年旌表

王祺

李通志登封人父卒廬墓事聞旌表

杜端

李通志嵩人庠生父卒廬墓成化中旌表

章瀚

通志字文苑洛陽人官護衛軍早孤事母毛氏至孝母歿哀毀逾禮廬墓三年時有白雉遶墓事聞旌表

馮金玉

劉一魁 通志河南人 靖間皆以孝行旌其門

侯鶴齡

通志河南人 事親盡孝萬歷間以孝行旌門

賴用

通志通池人 洪武初以孝行舉任同州知州政先倫紀賢聲懋著

孟大智

通志洛陽人 庠生母卒廬墓三年嘉靖中從張孚敬議先聖像易木主洛人奉詔移像于灑濱將沉之水

大智衰經詣府哭留之乃奉聖像祀於灑水之左

通志洛陽人任驛丞一女聞鄰婦哭甚哀詢之則其



封銀數金寄其家孀遂留  
未幾其子歸闔門感之

馬從龍

通志孟津人幼孤析居時母愛少子欲倍與龍卽讓千金貲於兩弟由明經任香河令蒞政有聲罷官後

素中止俸銀二十兩幾無以  
歸從龍安貧自若卒祀鄉賢

楊崢

通志孟津人弱冠隨父渡河父墮水中崢號救不得亟投河與父俱溺死

張士益

通志字進德永寧人孝行純篤爲時所稱以子論贈通議大夫

李貴純

通志澠池人歲飢輸粟二千石助賑鄰里稱貸盡焚其券事聞旌表

康紹光

通志字誠一鞏人諸生時流賊圍城父在城酣醉負父逃行十餘里吐血數升又行十里父方醒得免于

難嘉靖己酉登鄉薦知昌黎縣因親老致仕卒祀鄉賢

李尚

通志字謙甫嵩人興子當興下詔獄廷臣交章論救尚亦伏闕上疏乞代父死明日得詔減死徙南丹尚從父

成宏治戊午中廣西舉人後尹靈壽縣

呂孔學

通志新安人母牛氏苦節撫之及母卒號踊致毀苦

虐人勸之歸不可先是母病腫瀕死孔學竊天請代感異

夢遇異人診之一昔而起兒童婦女爭傳其事皆曰呂孝

子御史邱兆麟上其狀奉詔表閩母子節

李寅

通志鞏人母喪廬墓三年有白鶴來棲之感父喪亦如

蘭芑

通志字叔禾偃師諸生性純孝母疾親嘗湯藥夜不解

甚衆野遇露骼施棺

張詠

通志潁陽庠生父母歿守墓暑雨冬雪不

鄭民怙

通志字沛蒼孟津人父夢麟司訓唐縣民怙廩生中

怙聞訃大哭曰父櫬在吾能畏死即遂五晝夜奔赴時兒

民望隨父任舍死守喪唐民感夢麟德多護佑民怙躡踊

哀愴同况

扶輓歸

黃棟

兵刃等之卒遇害某昌貢生事母亦以孝聞

武崇雅

墜溝崇雅與妻棄幼兒投溝急救竟死母妻幸無恙

妻劉封崇雅屍乃負姑去平定後劉泰姑教子尤稱孝謹年九十餘卒

董維翰

人以至孝稱之子篤行進士官副都御史

賈體心

集流亡而自安蔬布鄉人德之子之彥進士

劉宗

盡白及卒廬墓三年嘗插桔為籬復生者數十人為孝感

蔣澄一

外亡廬墓三年異烏環集鄉里稱為孝子

王朝海

祖佐孝義令歸病瞽海每日唾之行輒負之祖母病

目亦如之正德間逆賊攻城盡出所藏稿士竭力捍禦城賴以完有司旌門

馬棟

雖隆冬衣不加絮履不著襪哀慕不已有司旌門

馮啟昌

舊府志字茂賢偃師庠生純朴好學父疾醫藥弗廖昌割股食之疾尋愈鄉里稱孝

張光宙

舊府志字任久偃師人叅政蒲子蒲補滇南病瘴篤光宙隨侍時年幾五旬衣不解帶進藥嘗糞竭盡心

力蒲卒于桂陽萬里扶柩號泣哀毀終身不如葦有司旌

周一貢

曹清

張紀

舊府志俱鞏人親死廬墓一貢廬父母並繼母墓野居九年觀風使旌之

康宗文

舊府志鞏縣廩生母病自刺其股取血和藥進之病尋愈

陸坦

舊府志孟津廩生太守載子父母歿各廬墓三年制終墓上生筍二莖人皆以爲孝感有司旌之

李芬時

舊府志孟津庠生事繼母極孝父歿芬年已六十餘終日作孺子啼廬墓三載督學旌門

王本淳

舊府志孟津增生父故母老竭盡孝養鄉里無間言事兄本直尤怡怡兒好學淳力肩家務人益稱之

孫天鰲

舊府志孟津庠生家貧事親得歡心二親既歿廬墓六年邑令旌其孝

孟津

舊府志孟津庠生母祝氏苦

喬於奎

舊府志字東宿孟津庠生厥考大司寇允升弟晚年尤好禮士奎與兄弟曲體親心終老不倦鄉里感化

亢英

舊府志宜陽人母病每夜焚香告天願以身代割股和藥病頓愈以壽終

王才

舊府志宜陽人以孝稱

李憲

舊府志宜陽人夏邑訓導事親盡孝父歿廬墓三年甘旨之味未嘗入口鄉里賢之建祠以祀

王可大

舊府志宜陽庠生母死廬墓三年

馬呈圖

舊府志宜陽醫學訓科父有疾諸藥不效割股和藥飲之卽愈

陳文獻

舊府志宜陽庠生親死廬墓哀毀如禮事閭旌表

杜現

舊府志登封人性篤孝母病醫藥弗療割股以進母瘳疾已

黑志聰

舊府志登封諸生早孤事母孝母性嚴每怒輒不食志聰長跽榻前色愉始起母歿廬墓三年

劉仲倫

舊府志潁陽貢生任宜君知縣孝謹備至母病侍養晝夜目不交睫及歿廬墓三年有司旌門

王閻

舊府志登封人性至孝父故廬墓三年謝絕晏會終身戒成後奉恩給壽官章服榮身以耆賓終

王玳

胡守寅

舊府志俱登封人玳父死廬墓守寅割股醫母病卽愈

田理

舊府志字伯循永寧人甫三齡父死母魏茹荼育之事母極孝母歿廬墓三年

許尚論

舊府志永寧人善事親終身如一日二親終哀慕篤摯結廬墓側號泣三年

趙桓如

舊府志永寧人母病奉湯藥不懈及卒結廬墓側號泣不輟事聞旌孝

劉鈇

舊府志字樂吾新安庠生從尤西川先生遊潛心理學性至孝欲圖母像苦不似一夕夢母覺而圖之如生孟

雲浦紀

其事

郭价

呂維貴

舊府志俱新安諸生价廬墓旌門貴廬墓三年鄉人爲立碑

鄧漢琦

舊府志新安庠生學古子流寇將殺學古琦哀請身代不從遂大罵賊怒碎其屍並殺漢琦

東長女

舊府志新安人年十四賊至值母病人召之道不

李萬

荆禮

鄭位

舊府志俱灑池人親死負工成墳廬墓三年有司旌之

張有聲

舊府志灑池庠生父母逝哀毀骨立負土成墳廬墓三年學道旌之

張正蒙

張金榜

舊府志灑池人正蒙事親孝親死廬墓三年正蒙死子金榜亦如之有司旌一門雙孝

孟士忠

舊府志洛陽人市酒東關有客遺囊金而去忠密置樑上後客重來出還之原封如故酬之不受有司旌

李宗

李孜

李璞

舊府志俱洛陽人出粟若千石助賑旌義民

喬真

李均美

舊府志俱洛陽人正統六年各輸粟一千石助賑詔旌其門

張全

舊府志洛陽人正統六年輸粟二千石救荒詔旌其門

許詳

張秀

舊府志俱洛陽人景泰間各輸粟麥千石助賑詔旌其門

何宜發

舊府志字行義洛陽庠生舉人篋子性孝友撫諸姪如已出庭訓最嚴子圭如栢如姪玉如皆成進士

盧中倫

舊府志洛陽貢生有學行拾遺珠還婢人稱長者子從貴舉人

郭永固

舊府志洛陽貢生明末多流饑永固周急恤貧不少倦鄉里多賴之

劉永福

舊府志洛陽人值歲歉輸銀三百兩煮粥全活甚衆

劉温

郝隆

魏柔

舊府志偃師人正統六年歲饑各輸粟一千一百石賑濟詔旌其門

張清

舊府志偃師人嘉靖二十九年歲飢出銀五百兩賑濟有司旌之

丁應鍾

舊府志偃師人與兄林鍾共修墓嶺下石橋里人立碑道左

臧文光

舊府志偃師庠生家貧有守拾遺金三次各還原主酬之不受里人嘉其義

劉復泰

舊府志鞏人以濟人爲心凡遇鄉里有不能婚喪者多濟其急邑令旌之

楊金

舊府志孟津人嘉靖間歲飢施穀百石煮粥賑濟全活甚衆邑令旌之

鄭都

舊府志孟津貢生遇流民窮途嚮女都知其實出銀周之並還其女

張九明

舊府志孟津人性好施橋梁道路多所創修貧乏孤獨見之必濟鄉里德之



王鳳儀

舊府志孟津庠生有鄉人繫獄欲賣妻以贖罪對泣不已鳳儀憐之施銀完其夫婦

王起元

舊府志字魁之孟津人流寇之亂有婦女被擄賣于人者元爲訪其前夫贖還之

龔榮

舊府志宜陽人正統間輸雜糧二千一百石賑飢勅賜建坊旌表

趙晟

舊府志宜陽人成化初輸粟二百五十石授正七品散官及卒舉人元霖作詩以表之

何相

舊府志宜陽人性和藹嘗以仁讓化鄉里萬歷間以壽給冠帶孫騰蛟任清河知縣

邊守圉

舊府志宜陽貢生好施予鄉人稱之知縣紀汝清置旂善亭註一等後任確山訓導

劉守國

舊府志宜陽人有客醉失官銀百兩于其家國藏以待越三日客來取還之封如舊邑令旌之以壽終

巴應麟

姚安 舊府志宜陽人年皆耄耋公正不阿持身清介爲鄉里所推重邑令造廬存問

茹邦奇

舊府志宜陽人家貧好濟人急有客遺百金於道奇拾還之三舉鄉飲子文錦任教諭

譚一善

舊府志宜陽人樂善好施鄉評推重崇正七年蒙禮部劄給冠帶旌善人

鄭雍舊府志登封人正統中歲

飢雍捐穀千石事聞旌閭

唐義

舊府志登封人拾解尸三鎊呈縣給主

景養育

舊府志登封人性孝值土寇肆掠倡義結砦聞鄰砦被圍育率衆救之中斃死衆賴以安里人義之

王之蕃

朱繡

于河躍

郭維益

舊府志俱新安人皆輸粟助賑

耿俞

舊府志新安庠生性孝友喜施濟明末輸粟救荒鄉里稱之

姚宣

舊府志澠池人五世同居家規嚴整事聞旌表

李紳

舊府志澠池人性淳樸得遺金訪還之後子瓠歲薦孫一原鄉魁人謂盛德之報

李友

舊府志澠池人性樂施賑荒焚券捐修學宮子景明亦以義稱有司旌表

張振

舊府志澠池人有廉使託重貲于振無知者值使暴卒柩歸振一一還之子鈿舉人孫信民知懷隴縣

劉廷甫

舊府志澠池人嘉靖間歲飢賑粟八百石事聞詔旌門

董養心

舊府志澠池人性樸實道旁拾遺金俟日暮還原主酬以金不受子連秀貢生孫謙吉進士

秦尚英

舊府志澠池人中途拾銀五十兩給還本人監司旌之

王俊

舊府志澠池人成化十八年大旱俊出粟三千石全活鄉里事聞旌表

戴損

舊府志澠池庠生性孝友好善樂施捐價還田邑令扁旌

董政

舊府志嵩人性樂施予家素饒族黨待以舉火數十家歲飢出粟萬石為賑事聞帝璽書褒之

賜坊時稱萬石坊縣志政弟在正德間亦以輸粟賑荒得賜璽書為卽陽縣丞有惠政

屈登

舊府志嵩人歲饑開倉賑濟有遠不能得賑者登出錢數百千賑之辛店澠河行旅苦之登修橋船終老不輟

焦銀漢

舊府志字克明嵩人嘉靖七年大飢漢輸粟千石為賑次年春復出五百石以賑全活甚多

李任

舊府志嵩人戶部主事李蛟貞僕時蛟貞被賊追迫任以身蔽力鬪而死蛟貞得脫收任葬之銘曰義僕墳

王復禮

洛陽縣志以孝弟稱洪武十三年徵為知縣

趙景星

鞏縣志字端卿舉人天性敦實力行孝友弟早卒撫養孀孤里人賢之知獻嵐二縣有惠政祀鄉賢

趙延亨

鞏縣志父紀力行善亨繼其志歲飢輸粟千石全活甚衆舉鄉飲賓

魏進忠

鞏縣志萬歷間輸粟一千石賑濟邑令申請旌表

曹俊英

鞏縣志天啟間廬父墓三載巡按邱經其廬羣鳥環遶不去訪知其事巡按遂詣其廬且禮題請旌閭

趙允賓

鞏縣志事親孝樂善好施年百有一歲舉鄉飲賓又十七年卒

謝廷獻

鞏縣志廩生性好義明季盜起盡出財粟濟貧困大修壁壘結寨救援六年內耕桑不輟里人賴之

趙燧

鞏縣志甫六歲卽以孝聞父病躬親湯藥偶假寐聞父呻吟聲輒驚起問故父歿葬祭不讌客不作佛事鄉人

之化

李九敘

孟津縣志字槐野任潞城丞陞指揮歷官有能聲善事父母與弟九疇共養至老無間言凡十與鄉飲

李九疇

孟津縣志字少野任宣府經歷事兄六十年如一日會大疫贈榘以百計里人爲之語日前有槐野人不

可犯後有少野人不可遠與鄉飲者七

王本仁

孟津縣志字梅園增主性和而恕口不言人過父喪盡鬻產勤墓事每斷餽粥無悔以子鐸貴受封冠至

頌贊繕城饗土里

中德之年八十卒

閻和羹

孟津縣志字鳳梧弱冠入庠性孝以大母病堅不就試未幾早世入皆惜之孫廷謨官監司

李以豫

孟津縣志字淑公事父母色養兼至父歿教弟四人皆以文學顯母病躬湯藥不懈由明經司訓延津

李如標

孟津縣志字連霞際期父年十三補邑庠旋食饑父母歿辛巳大疫有一門七人相繼亡

者悉爲具棺恤困周急里人多賴焉

吳引疎

孟津縣志字堯衢幼失怙無昆弟事母孝年未冠卽能文萬歷乙卯舉人卒年甫二十餘

陳日望

孟津縣志字介石中丞惟芝子性孝父總南漕時適沾疾併日走金陵侍湯藥一切部書悉捧讀榻前請

剖斷國事由之不廢以明經授安定令闖寇逼城躬擐甲胄率衆守禦城恃以完

王玉宜陽縣志成化三年歲飢輸粟

李壽高縣志字叔仁興弟事親以孝著成化末歲大飢出粟助賑授七品官鄉人負租者遇券悉焚之

劉得義高縣志萬歷間聚糧萬石歲飢盡散以賑貧民有司上其事授鹽大使職

喬確偃師志性勤儉樂善好施值萬歷間歲飢斗米千錢確捐粟賑濟全活甚衆後復飢確復捐賑有司屢旌其門

張時中偃師志字龍田博覽羣書足跡不履城市教子其平以名顯生平濟困扶危廣行善事誥贈大中大夫

劉鳳偃師志字介肅監生妻卒終身不娶有司以聞詔建坊旌之

楚瑢宜陽志字和玉舉人闖寇破宜欲授瑢偽官且予銀三千兩逼令濟貧安民瑢曰此賊所掠卽賊也遂以銀送

左良玉營助兵餉而自挈家徒懷慶闖寇再至宜思前恨焚其宅

耿節登封志字惟貞性好施值歲飢出粟濟貧乏一時賴全活者甚衆有司旌其門舉鄉飲

周元易新安志字尚時事父孝父歿茹素廬墓三年後從尤西川劉西塘諸人游咸器重之

陳明英

新安志字內修廩生方正敦厚成黨窮者常待舉火庚辰歲祲出資濟荒全活甚衆

蕭志定

高縣志字以道廩生早孤事母稱孝母喪泣血三年嘗推所有以卹族人爲族子弟延師授讀有司表閭

賈璉

高縣志家貧甚晨出必市食物啖其母時物先登者跪進之母常溫飽而璉與妻每枵腹鄉黨稱焉邑令旌之

楊大興

高縣志字時遇貢生事繼母如所生父故田產悉予異母弟事聞旌之任榆次教諭

張鷟

洛陽志字月鹿郡庠生當流寇破洛時鷟將避亂河陽悉棄所有獨攜家祠神主盛一布囊中肩負以行道遇

暴客劫之出視神主歎曰此孝子也釋之子伯麟字子公亦庠生以孝友聞賑飢掩骼人尤德之

杜濬

洛陽志字星波敦弟之弟歲貢生官梧州府判幼孤事孀母孝居官寬平有循聲著有各賢考祀鄉賢

姚瑋

洛陽志與弟琮瑛咸以孝友聞明季遭變率鄉勇守城著勞績因母老避居青牛河以耕讀終會孫象謙進士

李春蕃

舊府志字西園永寧庠生天性孝友學問淵邃父鯨以鄉闈高等仕至寧國府同知綽有聲譽春蕃承其

志于園中構堂曰繼先後以貢授故城知縣

李通

石刻偃師人正統六年歲飢出穀一千二百餘石助賑邑人立碑以旌之

張宏基

鞏志歲貢生督學以德行表其門任儀封訓導陞河陰教諭兩邑士子沐其教者風爲一變

賈崇真

宜陽志字還吾副貢生任漢中府通判陞同知再秦泰府長史以母老致仕歸曲盡子職巡按邱兆麟旌

其門

國朝

王鏞

通志字仲和孟津歲貢仕至金衢道明末寇至難民數千人阻河不得渡賊兵追急鏞以已般渡至夾灘全活

甚衆庚辰歲歉人多

飢死鏞出麥賑之

劉芳

古今孝友傳永寧人洛水暴漲漂竹木蔽河而下衆爭入水取之芳父爲巨浪所壓流去如矢芳追哭一里許

躍身入其父聞人語云急抱吾馬腋可渡父如戒比

達洲則所抱者芳脛也父子俱不死有司表其閭

姜人龍

通志嵩人庠生年十二喪母事繼母何至孝何病盲醫藥罔效龍以舌朝夕舐之目重明父歿廬墓三年



有雙蛇馴擾白鵲飛鳴

之異雍正三年彙題

孔聞澄

通志宜陽貢生邑舊有浮糧民多賂累澄條列事  
宜呈請額甫蠲而澄以奔走瘁死宜民感之

張所修

通志字子揚洛陽貢生性孝友樂善好施嘗兩  
舉孝廉不起子雄文庠生性孝母亡一慟而卒

翟世有

通志孟津人性醇樸業農因陸田拾白金一百七十  
兩歸語婦曰此必客所遺失之恐不能歸吾家雖  
貧無用此銀世有然之即求失金者盡還之客以  
其半酬堅不受縣令上狀以額獎其門雍正六年

題奉

特旨給與七品冠帶賞銀百兩

史洞

舊府志字亦元偃師庠生有隱德因母疾習醫以  
孝聞著有脉訣傷寒論纂增補壽世保元行世

張一星

舊府志偃師人母疾醫治不愈聞靈山神賜藥膝行  
乞之回至義井或言割股可愈星如其言病果瘳道

府扁

漿

傅挺

舊府志字玉衡孟津舉人家貧事二親色養兼至  
孺慕五十餘年弗懈因母病精製黃母病遂瘳

傅之恕

舊志商弼子性孝友博雅有聲庠序尤好施予以子世舟貴贈御史卒後里人舉孝行賜旌祀鄉賢

寧之愚

舊府志孟津庠生有孝行按院旌

李騰達

舊府志孟津庠生性孝友奉侍二人終身不懈母病早夜湯藥經年始愈鄉里稱之

馬一龍

舊府志宜陽庠生割股救親不令人知經二十餘年始有知者邑令扁旌

金有聲

舊府志宜陽恩貢事繼母如親母待堂弟無異同胞督學江扁旌孝友

邢大邦

舊府志嵩人事親以孝聞及親歿廬墓三年事聞旌之

蘭楠然

舊府志字恬如偃師廩生嗜學尚義邑東有郭溪可灌田楠鑿石開渠延印麓數里許不藉一力而功成

自是田無旱災一方之人咸賴之郡守旌門

張煜

舊府志字葵旭偃師庠生其平子好學篤行和愉率諸弟以謙謹當流賊初渡河煜慮城難守乃

資修城浚濠製火器犒士卒數年之內賊不犯境煜之力也里人感之爲勒石紀功

王道成

舊府志儂師人樂施予修書室二十餘間延貧士肄業其中重修大成殿巖宮煥然雖善嘆載其名

黃夢徵

洛陽志字錫立監生以孝友稱兩弟早卒撫孀孤有曲至生平瞻族黨矧貧乏鄉里德之子家甲進士

李永悅

舊府志字還初儂師庠生孝友裨躬存心行事謙抑自下邑人無不稱爲長者

楊守仁

舊府志字毅菴儂師人家貧嘗兩拾遺物約值百金悉還本主毫無德色有司扁旌

史彬

續通志字雲襄洛陽舉人寇陷洛人僻避彬守母柩不去羣盜義之教弟良成名友愛甚篤官高陵令陞中書

孟習歐

洛陽志字廬陵與弟習蘇字眉山俱監生事孀母李能孝兄弟同居三十載自相師友並工詩文書法

楊梓

續通志字木王儂師人父卒三年不落髮不入內不御酒肉事母益謹母歿盡哀如居父喪時

黃大申

續通志字定遠嵩縣舉人幼孤事母孝母病痿侍寢側衣不解帶積十餘年無倦母喪哀毀絕食累日

董萬山

續通志洛陽進士性孝友父歿廬墓三年祀鄉賢

張寬

續通志嵩人以貧讓其產於二弟隻身走南山賣店墾荒常不遠百里負米歸養其親所處山徑若崎嶇寬墾

石開路復築室道旁以便存旅拾遺金訪覓其  
王民居素好鬪自寬居之而忿爭息退冷難乾

劉明

續通志嵩人年十八隨父樵入山父遇虎攫之明奔撲

力擊之時衆樵驚備羣謀逐虎虎已斃其父得不死  
邑令旌之葛寨何小吾亦殺豹救父鄰人並稱之

李景泰

續通志鞏人以孝行著

黃江如

王失名續通志俱宜陽人  
二人親死廬墓

楊從政

續通志澠池人親死廬墓

李興泰

王富 鮑悅齊續通志俱偃師人  
三人割股療親疾

李有才

續通志嵩人割股療親疾

楊景賢

張戊續通志俱偃師人費乞食  
養親戊蹈火赴孀母之難

王星煥

續通志字東井孟津人少失怙侍讀書見父母字輒  
流涕失聲自壯至老事無巨細必詣壟跪白如受庭

訓明末土寇攻城圍甚急星煥毅然曰願冒死赴賊營喻解之乃縋城出對賊陳利害圍遂解鄉里義之壽九十餘終耿介爲立傳

陳璿

續通志字恩南孟津人明季居洛流寇圍城當事推璿

督率守禦及城陷賊欲降之璿勿頸幾死賊囚之子三錫九錫夜入殺守者負父出順治初以明經授教諭

董一世

續通志洛陽舉人孝事繼母田產悉讓美好者於兄弟族叔嘉孚愛其篤志勵學助良田二百畝爲膏火

資世與兄弟共之嘗設家塾戚族子弟多所成就年八十六復上公車授中書

董金甌

續通志洛陽庠生年十四喪父擗踊哭泣絕而甦者再事母以孝聞母歿哭之慟踰時而卒生平銳志於

古精書法尤工篆隸著有友漢堂篆法辨難等書

牛法

續通志嵩人家貧力穡積地百餘畝平生未嘗讀書而心竊慕之捐屋一區以爲義學地四十畝延師教同里

貧家子邑令康基淵建社學法已故子元爵猶守行之乃議還地畝而存其半以成其志

劉顯祖

續通志

洛陽拔貢生任固始教諭父櫻危疾嘗糞以

慷慨好施及卒祖承

先志尤加惠族黨

高廷綬

嵩志字金章舉人少孤事兄甚謹事必稟而後行鄉薦後兄對衆折辱綬唯唯祇受鄉里咸重之

李璋

王府志字荆石洛陽歲貢任靈寶學訓導璋遇事有疑守不妄取予與人交以至誠事親以孝聞遇歲荒家無

儋石儲婦子日一餐而拮据供甘旨不少減在靈寶

學訓士有方經其指授者多所成就致仕歸以壽終

許振

洛陽志字德又庠生父夔母張俱年九十餘振性孝母患足疾振每負之日爲滌溺器母病衣不解帶者六旬

母亡後卽與父同榻溫清維勤父歿晝夜柩旁終喪不他

適及塋振年七十二廬墓旁號泣不輟學使林旌問

趙季芳

鞏志順治辛卯亞元歲旱荒出谷麥千斛賑卹鄉里全活甚衆任園城教諭遷衛輝教授造士有方

張昱斗

鞏志明季斗懷絲赴河北易粟養親遇寇哀祈憐而釋之順治間以貢生任柘城訓導

孫之緒

鞏志字克纘貢生明季緒尙幼出構糧遇寇奪其米泣曰有母在寇曰幼子知念母孝子也還之後渡河

年十五卽餽館授徒 國初入庠食餼子三長祚隆廩生  
以孝友稱事親左右就養唯謹 仲祚廣廩生季祚遠貢生

皆以文

康晉吉

學知名 羣志明季負母避亂河北衆競渡母落水吉急投河  
救母舟人投篙乃得上兄早逝吉撫兒子如已子歲

饑人多流徙吉出所積糧

不賣券里人賴以安焉

趙朗

羣志字明陽庠生明末負父逃難備嘗辛苦供養不缺  
遇歲歉有饑寒者竭力濟之子賜琳貢生八歲受孝經

便語人曰人兒時無不愛其親敬

字最難聞者奇之及長以孝聞

李嗣白

羣志貢生幼失怙家貧負薪供  
母夜歸誦讀不輟邑令表其閭

謝託予

羣志貢生少孤事  
兄甚謹鄉人稱之

張越

羣志字伯遜舉人性孝雖家貧  
不給能得父歡心任陳州學正

于乘龍

羣志庠生順治間遞送銀兩汜水以無驛推  
御龍請上官止送汜水于署前立石記事

曹大先

（鞏志）貢生先父含雅稱孝先又以孝稱備色養任新鄭導奉上官委辦河工以勤事死

劉王輔

（鞏志）事繼母稱孝友愛異母弟迎養舅氏變具棺塋歲歉糶米賑饑全活甚衆雍正間公舉授正八品

馬駮

（鞏志）庠生事親孝處鄉黨謙謙自下或侮之若無覩遇歲荒數出粟賑親族多沾其惠

徐應奎

（鞏志）父病奎禱神祈以身代病尋愈老而益健諸弟無室者罄囊爲周全

喬見龍

（鞏志）庠生童時聞人說溫清輒曰我當爲之父璜庠生早歿見龍事大父備色養人曰璜育子璜不歿矣

邵宏緒

（鞏志）儂人有黨其孤者繕撫之爲娶妻聞其祖卒無所歸緒給銀米使歸塋

強可貴

（宜陽志）每逢朔望必省親墓不避寒暑風雨與其弟同居終身鄉黨重之

馮守華

（宜陽志）字太吾父爲闖逆所害華負父屍行千里餘葬于祖塋旁晚年舉鄉飲舉耆賓壽九十一

陳呈素

（宜陽志）拾山西張姓失銀五十兩求其入歸之妻李氏素歿撫孤子重華孫柳俱入庠郡守旌門

王依天

（宜陽志）拾芮城馮姓失金三百兩待馮還至盡還之分毫不動



黃調鼎

節呂公溥所撰傳字鹽梅洛陽人明諸生食餼郡庠讀書明大義時藩王之在洛者曰福世子由崧元妃

黃與調鼎爲兄弟以故調鼎出入藩府深爲器重崇正十四年辛巳闖賊陷洛福藩遇害調鼎年二十二奉世子啓安國寺夜半乘間奪門出賊追之倉皇伏人家豕牢中得免世子體肥不能行乃背負北走抵苗家溝賊追且及調鼎力憊不能支正徬徨間聞馬嘶聲趨視之則世子素所乘也遂疾驅渡河依鄭邸者兩年十六年癸未世子襲封王明年甲申京師陷江南諸臣方謀迎監國者調鼎適奉王來淮安馬阮輩遂就舟中迎立之卽所謂宏光者也

大軍南下城啓乃奉母妃鄒奔杭州順治八年

召授以官以疾請歸洛陽奉養王母妃於家每晨昏定省必肅衣冠不少懈又數年鄒乃卒墓之嘗語人曰調鼎所爲隱忍偷生不卽從地下者徒以是耳在江南時曾以勤政親賢選將厲兵之言進諸臣方日導以聲色宴樂故所言輒不入初其父奇瑞以指揮死洛難追贈洛中伯將以從難功令調鼎襲封辭不受乃封其兄九鼎授調鼎後軍都督同知尋晉左都督其在河北與其總兵約以舟會河干道遇寇倉卒登舟舟子憊不力乃手刃數人然後齊力挽帆乘風東下遂抵淮安家居後閉門謝客不與人事手一

卷以自娛子孫有言及舊事者輒嗚咽不能語偉幹修髯目熊熊有光年逾九十以壽終曾孫家甲進士鍾祥知縣元孫時清亦進士績溪知縣未仕而卒皆能以孝友世其家云

**董蘭**

偃師志明末寇亂蘭弟明仁妻爲散卒所虜蘭父國器控縣府斷歸卒因誣告國器奪軍人妻因緹繫國器及

明仁夫婦至京師下獄論成蘭誓以身殉貲盡奔家鬻產計程三千六百里往來僅六晝夜天寒夜涉漳水足指潰落適衝貴戚儀衛被捶幾斃卒得理如縣府讞蘭及明仁挽車載父還里鄉人稱之

**邵邦屏**

節取介所撰傳字如城登封人會明季土賊交訐遂習拳棒尤嫻大刀嘗與上寇戰於潁西斬首數十擒

其巨魁經略孫傳庭上其事授千總日練士卒繕甲杖爲守城計時賊衆猖獗諸邑多被害登以小邑被圍二

晝夜卒保完固屏之力也  
國朝中武舉任天津衛千總陞蘇州守備蘇民德之爲建祠

**郭岷鎮**

洛陽志字青城庠生讀書窮晝夜母病草率衣而泣

也自是益不敢懈事父一  
鴉備竭色養子世奇進士

武朝龍

偃師志字海泉親老家貧事之益謹有妹適王夫亡遺子在抱朝龍贍給二十餘年甥得成立妹以節著

史宏緒

偃師志字繼先庠生少醇謹事親孝居內外喪哀毀骨立建祠堂歲時祭祀如禮又設衣冠祔食二龕分

祀先世仕宦達人及無後者舉鄉飲俱賔

趙秉量

偃師志字公掄增生鄉里多所周給嘗置二僕女人具多金購爲妾堅却之爲擇配嫁之有負債者皆焚

其券

劉繩憲

王志登封諸生性孝友父歿哀毀骨立事母尤謹撫幼弟成立寸絲無私及析產讓肥取瘠邑令旌其門

閻紹

王志字衣言孟津人以父廕歷官撫州府知府至性過人母歿扶櫬由黃河歸至碭山暴風折檣危甚家人蟻

附鄰船紹抱柩長號誓與俱溺閱時舟定入以爲孝感由部郎出守撫州多惠政卒後祀忠義祠

王無伐

王志字嵩陽孟津岸生尙氣節常以田宅分給族之貧者又以山田三頃分佃貧農繼盡給之會河決田

旣淹而額徵未除衆苦賠累無伐籲於臺司凡匍匐往來數載乃得除利合邑立有義士碑記其績

梁宸採

王志字西山孟津增生繼母疾篤酷暑步禱成臯之盧醫廟凡百四十里朝往夕歸者三母疾竟瘥

劉漢柱

王志字武侯孟津舉人仕歸德府教授事父母以孝聞所得俸金悉遺諸弟沒於官祀名宦

王無愆

王志字季平孟津人文安季子例得一品廕授五品京職以二母春秋高不肯暫離膝下無意仕進石太

述夫人大耄後病卧床簀二載公手調藥餌衣不解帶居喪情禮備至書法尤能世其家學

全澤

王志字霖六孟津貢生好施德周給親族常焚券百餘兩施棺施地施粥歷四十餘年不倦里人戴之

王乃武

王志孟津人性孝父病篤取父糞嘗之而甘且嘗且泣病果不起母疾武又嘗母羹斷苦母果愈

許天錫

洛陽志家貧無妻子賣水養山能得母歡母年九十四錫年七十若嬰兒然里人稱許孝子

謝鉉

王志字子器登封副貢事老父警母曲盡色養居喪盡哀與伯父析居讓產人情所難士論尤美之

梁家芬

王志登封人康熙己丑歲飢芬出粟三百餘石賑之全活甚衆間有告貸者焚其券邑令旌其門

傅清原

王志登封監生性孝友不樂仕進急人之難慷慨有義氣深精醫理施藥療人多全活者

王朝爵（繩池志）庠生屬趾子二十五歲母故爵痛哭絕氣水漿不入口三日後其父不再娶爵遂不入私室與父

倚寢者三十餘年享年六十六每對人常有哀痛語里人咸稱孝子

趙倫性（繩池志）孝事父母及故勺水不入口墓後日至墓側負土兩筐三年未嘗少懈入目為孝子墓

韓長瞻（繩池志）貢生適永邑遇一書吏賣女斗瞻問故曰欲以償官課三百兩耳斗瞻見而憐之願為代償即歸

如數完納父女始得完聚七子緝紳

古（繩池志）性友愛析居時念伯兄家口殷繁凡家產與弟古（繩池志）得其一兒得其二獨奉父母數十年及卒卜葬

自出金購地為塋村中大橋被雨損壞車輛不通設法補修子相文拔貢生

席中允（繩池志）貢生允父庾經理義田以睦族後被族人私賣於異姓允竭力爭贖又增擴共有兩頃五十畝餘

立為奉社積社瓦礫覆祀事合族賴之尤能窮恤貧乏樂善喜施其子瑋庠生

韓縉（繩池志）庠生性孝父病縉終夜侍側父憐之令退乃潛息屋隅聞父聲急至父驚曰若未寢耶對曰適復來耳

親歿哀毀  
鄉里稱之

李化蟠

涇池志素性慷慨有靈寶訓導張廷錫到任未兩月病故靈柩至涇盤費無資蟠卽解囊以助族姪二人

少失父母蟠爲之娶妻  
各給地五十畝養之

楊立

涇池志慷慨好施康熙三十年瘟疫時行有故於道之具棺以殮及後枕死遍野亦各瘞埋立義塚約二畝

許有素識王某至其家狀甚苦問之知久  
宮逋因出銀三十五兩令歸還無德色焉

李化鰲

涇池志庠生性孝友父母歿居喪盡禮斷葷酒者三年兄弟四人析居後二兄早逝遺子三人俱幼鰲復撫姪成立長兄故子培生鰲亦爲之

娶室培植故遺腹子克信鰲復撫之

張信

涇池志增廣生賦性耿介有鄰居鄭名耀迹荒數載歸家所托運理物產絲毫不苟村東有路水淹慨然舍地

以便行人予翼翰翼翥遇知  
孫曰珩曾孫中規俱庠生

董一鶴

續通志洛陽監生事親孝嘗與劉司直來永福黃鈺周恪以性侷致學相切相生周急濟貧鄉黨稱之

程湛

舊府志字止水永寧人伊川之後以孝友稱由拔貢出  
安陸府倅入副大理寺丞歷戶部主事員外擢兵部武

庫郎居官敬慎以廉  
靜聞曾刻兩程遺書

劉起祥

宜陽志性孝友兄早逝嫂王氏勵志守節祥事嫂如  
兄數十年如一日立義塾捐館金置義塚建石橋不

吝其力鄉人  
咸推重之

吳爾定

宜陽志庠生與弟爾與友愛同爨定一子與五子  
定臨終語子析產六分之一子能繼父志里人稱之

劉持世

宜陽志廩生父歿時繼母喬氏所生弟統世年五歲  
撫育教誨備至統世亦入庠兄弟終身同爨無間言

劉堯宗

宜陽志母病目三載未嘗一刻離左  
右湯藥并不敢委之妻子人稱篤孝

陳素蘊

宜陽志廩生能以色養母侍湯藥衣不解帶又  
嘗出橐金爲同里楊光斗之子完婚不責其償

張雲

宜陽志農家子也母王氏病思肉食雲  
割股爲羹以進母病竟愈里中以孝稱

張熙良

宜陽志字景房庠生與弟貢生縉良友愛縉良病幾  
殆熙良嘗禱于神願以身代後縉良得愈而熙良卒

申名儒王志洛陽、值歲歉出谷百餘石地典二百餘金濟一村郡學匾旌又建茶菴施地十七畝至今賴焉

王任

宜陽志性孝友竭力事親生養先墓不以責之昆弟析產取其薄者不較多寡兩拾遺金還之

王獲

宜陽志義行素著嘗以麥糧贖貧窮者又造北門河口渡船以通往來邑令旌之

谷昂

宜陽志廩生事繼母以孝聞愛異母弟出入必偕朝夕親課之終身不忍析爨

吳蘭

宜陽志幼失怙恃事繼母以孝稱連昌河舊有渠口壅塞已久蘭獨力開渠三道人多利賴之

姚進祿

宜陽志仗義疎財于康熙六十年歲歉祿捐米六十餘石煮粥賑飢將稞租文券悉焚之

張超

宜陽志家貧孝事父母每食必備甘旨不以貧而懈處兄弟友愛同居不忍分析

吳廷璋

宜陽志性樂善街東深溝獨力創建石橋便人往來于康熙六十一年捐粟施粥全活多人

葉如麟

嵩志歲貢勤學好義置祠田以奉祭祀子弟多所成就弟徵麟舉人性尤醇謹任林樾諭子用中舉人

董淳

嵩志相五世孫慷慨好施族黨多矚矚大疫死者枕籍施棺葬之復捐地三頃入普濟堂事聞給入品頂帶



焦世登

嵩志居舊縣有業田嘗積粟二百餘石康熙六十年歲大飢登盡出所有酌丁口分給一方賴以安全

紀凌雲

嵩志字震仙家故貧兄國璵以力農起家凌雲得專心讀書遂入庠及析居凌雲曰兄之教我多矣此數

頃田皆兄勤苦所得弟何敢有愛焉乃盡讓之以明經授長葛縣訓導子脾成進士官成安次子助舉于鄉

楊學詩

嵩志字興菴嘗行安邑道中拾遺金四百待其主還之其人泣謝詢姓名終不語康熙六十年歲大飢傾

所有以濟鄉人全活甚衆孫天文以孝廉官潼關同知得贈典人謂盛德之報云

雷復始

嵩志少孤事母甚孝叔父早逝遺二孤教養成立子振綸舉人孫觀光進士女苦節四十餘年得旌表

董慎思

洛陽志事親孝言行不苟乾隆元年舉孝廉方正以母老不仕母歿廬墓三年

喬而棟

嵩志字子楨庠生孝事繼母兄早逝遺孤三人貧甚棟以已屋讓諸姪自棲草房訢然也里黨義之舉優

生子應

發舉人

杜惠

嵩志以勤儉起家性好義莘渠伊水通陝汝孔道商旅病涉惠獨力捐資搭橋又捐地二十畝以爲歲修之費

黃鈞

(續通志)洛陽進士世孝以親年高不赴選居恒布衣

周孝

(嵩志)恒業農有子五人孫十四曾孫十六人四世同居七十餘口男務耕耘女勤織紉分功受事藹然無間言

王嗣緒

(嵩志)字印生兄弟五人析居讓產里黨稱之

呂瓚

(偃師志)字參一增生少以孝聞及長益力學以文行有名老與諸弟友愛彌篤與人接則勸以爲善立品人多

化之年八十  
一無疾卒

裴清修

(偃師志)字學洙歲貢少孤事母孝從耿宮詹介學耿深器重常題所居曰尋樂耿贈句曰樂到孔顏豈易

尋于今濂洛有傳心蓋深相許云痛母孀居彌盡色養教子孫不逐時趨鄉黨稱之子俊偉皆諸生著有自警錄層

樓軒集  
藏于家

李肇修

(偃師志)字入紀諸生少失怙每晨在母前背孝經一

遍母有拂鬱則嬉戲以求悅晚年築室南澗教授多  
所成就著有  
南溪講義

周恪

偃師志字儼若廩生八歲讀小學輒能領會長益力學居內外喪哀毀如禮三年無間從學之士尤衆

呂纘曾

節劉自潔所撰傳字慕齋新安增廣生忠節公會孫武昌令素園子父性嚴厲纘曾侍庭闈不命之坐不

敢坐不命之退不敢退一日有客造者劇談自晏食至哺時侍立無少跛父忘有子在側客起乃顧而笑曰此子愚孝容肅然起敬嗟嘆久之母有疾日夜奉侍不懈雖嚴寒夜半猶佇立窻外問安而後去人稱其孝子衍高

呂循曾

節劉自潔所撰傳字宗率新安人纘曾同祖弟清整仲子天性最篤父歿以思親故病癩然孝於母友於

兄弟如平時博通經史洞澈大意爲文多創獲解生平利人濟物厚自期待從兄憲曾以其父司農官逋鬻產不足請於母旣割洛陽腴田以助乃標私物盡其室所有勝於門以待沽者人曰此非癩也一夕謂母曰兒將訣矣母叱之曰癩又作邪循曾痛哭不已尋卒年二十九無子妻蕭氏殉死蒙旌嗣孫嗣榮拔貢生

董萬育

節張開東所撰傳字松園洛陽拔貢副都御史篤行孫少失父事母以孝聞事諸兄如嚴父凡事必白而

後行諸兄歿督課諸子姓學業寒暑不少懈姪孫之銘成進士之銑拔貢皆萬育訓誨力也生平醇正謹飭不與門

外事賑恤貧乏飲助婚  
喪之事甚夥里人德之

**呂憲曾**

節王元所撰墓志字章範新安人司農公長子戊子  
舉人任湖南淑浦知縣性孝友事繼母王夫人先意

承歡依依膝下無異嬰孩一時  
有母賢子孝之稱著舒亭詩草

**王夢麟**

節呂宣曾所撰傳字瑞紱新安庠生爲呂司農高弟  
生平力敦古誼貢生賈澤化幼失怙恃爲人牧牛夢

麟見其聰敏攜歸讀書待如子又爲聘娶澤化亦事之如  
父及沒爲之服衰其老友王名卿偶止宿其家中夜忽卒  
夢麟以己所備衣棺斂之晚年遂于易壽八十五臨卒猶  
講乾坤二卦嗒然而逝三舉鄉飲皆辭不就子重庠生

**孟文瑾**

節新安令楊基所撰傳字璞卿新安貢生善事親歲  
饑文瑾自數百里外躬負米養親堂弟窮困無依厚

待之授之田以養前令重其行兩舉鄉飲皆固  
辭仕魯山司訓卒年七十一著碧雲樓集二卷

**呂衍高**

節陳浩所撰傳字顧天新安庠生乾隆丁巳舉孝廉  
方正賜六品頂帶早失怙事母以孝稱性聰慧博覽

經籍星卜家言莫不通曉終身里居不忍一日離  
母膝下也著有藏山集子申廩生孫秉鈞拔貢

呂公澤

節陳浩所撰傳字畏五新安庠生乾隆丁巳舉孝廉

出也生平睦族黨鄉里慎取與賑饑僅尤

爲人所稱子嗣文選拔由延津教諭陞知縣

蕭韶

酒日燕所撰傳字鳳儀新安庠生十歲父客死韶絕葷

骨數千里以歸葬後始易服事

母奉養若嬰兒終身如一日

董執

節王宇所撰傳字時中洛陽貢生知縣萬戶子幼失母

艱辛諸弟賴其撫養教誨得長成江西趙某病沒於洛

執與棺殮葬之子之銑選拔副榜之鎮增生之鏐廩生

李希藩

節師志庠生博學好義晚年遂于岐黃多所

全活合藥救人

許岳

節陽志歲貢生

喬永榮

節師志字顯聲族叔嵩瑒十二歲遊泮早卒其妻程

弟數蕩產永榮屢以己田

與之無吝色人稱其難

曹有章

採訪事實

字崇文洛陽庠生事父母以孝稱性友愛其姊歸窳氏早歿子燦幼有章視如己子親爲教授

賴以成名燦之父深感之將死特

姚如瀚

採訪事實

洛陽貢生幼以孝友稱性端方鄉人化之數十年不入城市創修書院濟貧乏完人家室里巷德

宋祺

採訪事實

字景福登封貢生植行積學築頴谷園自娛

之舉鄉飲大賓

王文彬

採訪事實

字朋野登封舉人事親孝待弟肫篤性狷介不苟取與居近穎源鄉里有爭執者多爲解釋無

不悅服雅中丞立彰善坊首旌之司鐸陽武文風一特丕振以疾歸里

張靜遠

採訪事實

永寧人生平喜周人急嘗出金贖人之賣孫者又拾遺金于路待其玉還之聞者咸義其行

張桓

採訪事實

字虎臣偃師人性孝母歿廬墓三年事父教

劇歿後廬墓如母喪邑令旌門

馬玫

採訪事實洛陽人母病痿祈禱調養備至長齋十餘年母病漸愈人謂孝感

程椿

採訪事實洛陽人家貧許國華子佩日饋飯亦以孝稱如洗嘗拾銀一封還之

朱萬年

採訪事實洛陽人曾修本庄南北大橋二座費幾二百金

翟國林

採訪事實洛陽人以拾糞爲業所居曲河素無橋梁國林苦志積錢竭力建橋貧而好義人尤難之

張振修

採訪事實洛陽貢生任正陽訓導與兄所修俱以孝友稱兄歿與姓雄圖誰才共費終身無間

王鵬

採訪事實孟津貢生任儀封教諭父病瘵竭力奉養以孝稱

姚三益

採訪事實宜陽貢生任夏邑訓導父患癱侍奉不解衣帶者數年人稱其孝

楚元士

採訪事實宜陽舉人以孝友聞兩任爲典寧長寧令多善政人建祠祀之

常偉

採訪事實宜陽人葬父後廬墓三年里人立石表孝

王燭

採訪事實登封監生親歿廬墓側寢不解帶者三年有司旌之

王朋

採訪事實登封舉人任輝縣訓導有文行親及廬墓側三年閭里稱之

弋炳

採訪事實登封監生慷慨好義獨捐社穀四百石以備倉貯奉文例給八品頂帶

趙延璧

採訪事實登封人父欲捐地潁陽書院爲膏火未果延璧體親志捐地六十畝雅中丞匾旌

韋九皋

採訪事實永寧人親歿負土成墳廬墓三年

張峻峯

採訪事實永寧人父營山田至晚未歸峻峯往尋見父死崖側遂一踴而下負尸還墓號泣不食越二日

嘔血死鄉

人稱之

朱元吉

採訪事實嵩縣諸生父母皆壽百歲吉以孝稱其先本文公十六世孫遷嵩後建文公祠于東朱村明末

兵燬元吉請于邑令新樹實捐置祭田一頃復請給祀生一贊禮生八春秋丁祭如廟儀

朱元正

採訪事實嵩縣諸生勤學以孝義稱樊川舊有朱子古祠無祭元正捐地以奉祀事

孫揖

採訪事實嵩縣貢生居蒿屏鳳庄伊水渡口僅小木橋車輜難行揖兄弟四人力建大橋鄉人稱之



王啓賢

採訪事實偃師人端方好義陝西塞某遺數百金於岳家灘啓賢拾而還之有司獎義

任士堯

採訪事實偃師庠生家世仁讓自任德普傳世經十代同居共爨士堯爲家督更立規條內外肅然一門

百口無間言子天理庠生

劉枚

採訪事實字君卜洛陽人以明經任新鄉訓導告歸有韓姓不能娶以錢二十緡助之或負金不償亦不問

董自新

採訪事實字右皇洛陽庠生少以孝友稱兄歿自新撫其孤或利孤財造離間語自新力爲維持待孤漸

長能任事財物盡付之無所私人高其義

來永福

採訪事實字萃五洛陽庠生幼失怙事母晨昏色養赴省試歸母色癘遂絕意舉子業唯以讀書悅親爲

務母病侍湯藥不解帶者累旬及歿廬墓三年

李國賢

採訪事實字振邦洛陽人少失怙事母晝夜親自扶持二十載如一日兩兄多病國賢別爲室奉湯藥人

稱孝友

商奎路

探訪事實字雲程洛陽人歲歉兄弟析爨奎路悉以家財與兄人高其義子大鵠大鸚皆以孝友稱

喬欽

探訪事實偃師庠生篤于實行嘗出已田建祠堂以合遠族子履信廉俸所餘恤貧助喪不可枚舉三舉鄉飲

衛長泰

探訪事實洛陽監生性孝友以勤儉治家同居共爨者已六世鄉黨稱為義門

郭宗周

探訪事實偃師人事繼母劉以孝稱劉愛之不異已出劉子延周見兄食指眾乃力求與兄合爨宗周不

可其母力主之終身

同居鄉人兩義之

郭繼周

探訪事實偃師庠生母年老失明繼周寢食必親侍性尤好義多周濟貧乏鄉里稱為善人

鄭曷

探訪事實字顯齋偃師人父患癰數月不痊曷口吮其膿血而愈

王坤

探訪事實字萬生偃師人性孝少喪父祖母郭母汪俱孀居曾祖國佐為諸生鯁而髦命坤就外傳對曰三世

白髮心注一孤何忍一刻離耶因日以

孝經誦於旁色養備至後舉鄉飲介賓

戴楷

探訪事實字聖木偃師增生性坦易近人篤於學居家以孝友稱晚年寄情吟咏以自適以長子書紳貴

詔封奉直大夫李

子書丹舉人

裴希伊

採訪事實字覺齋偃師人幼失怙依母膝下先意承志事三兄甚敬侍兄疾衣不解帶者累月心切濟人

尤精岐黃人有求者雖

寒暑不避愈輒忘之

楊淑蔭

採訪事實仲攢鞏人師事嵩陽耿逸菴先生居鄉以孝友稱由貢生任臨潁訓導著有餘餘集

孫炳然

採訪事實字文甫鞏縣庠生事親以孝聞取與不苟同邑諸生嘗條舉孝廉二十事於學憲已准

題請炳然聞之力拒

不可諸生益重之

張鞏

採訪事實鞏縣廩生性孝行事端方爲人所重凡邑中有大修建必推爲首以子檜榮貴贈修職郎

謝樞

採訪事實鞏人性謹厚少失怙恃待庶母及弟樸孝友兼篤樸早卒撫姪如己子生平救貧濟急未嘗有德色

杜載南

採訪事實字遂初洛陽諸生以孝行著聞於鄉黨崇務實學日整衣冠端坐讀書終歲不出門戶里人罕

得見者石屏張

太守禮重之

張世昌

採訪事實洛陽人母病中風侍湯藥數年不懈及母塋廬墓二年

盧敏寬

採訪事實字仁齋洛陽監生少孤事孀母竭盡色養尤友愛兄弟鄉黨稱之時洛南白廟村偶被水淤敏

寬有高地十餘畝村人欲於此營庄敏寬慨與之不取值性慈愛貧乏多所周恤晚以眼科賜藥歲費百金不吝也

子勲例貢生

孫殿元增生

程轍

採訪事實字天衢永寧人伊川先生二十五代孫由援貢生仁滇南經歷擢知岢嵐州有惠政行取入京補治

中尋以繼母病請歸養旋丁內艱盡哀盡禮人稱其孝服闋任敘州府尹以蜀地歲飢轍能實心賑濟民得其惠因

抱病于蜀

中途而卒

商大鸚

採訪事實字萬興洛陽監生性孝父老值歲歉大鸚拮据色養備至母病瘋與兄大鸚晝夜扶持供湯藥

不離左右者十餘年不懈人稱雙孝子序業庠生序祿太學生

河南府志卷之四十七

人物志十

隱逸

古今言隱逸者必以巢許爲首稱云雖然有堯舜然後有巢許豈若後之放廢山林徜徉詩酒者可同日語哉嵩山爲煙霞窟宅凡高蹈之士多盤旋于此故隱逸較他郡爲衆多萃錄一編是卽立懦廉頑之一助歟至孤竹二子皆古聖人而又非邑產且其孤忠別有所寄故特詳聖蹟門茲不敢濫及焉志隱逸

陶唐

許由

皇甫謐高士傳字武仲陽城槐里人也爲人據義履方邪席不坐邪膳不食後隱於沛澤之中堯讓天下曰日

月出矣而燭火不息其於光也不亦難乎時雨降矣而猶

浸灌其於澤也不亦勞乎夫子立而天下治而我猶尸之

吾自視微然請致天下許由曰子治天下天下既已治矣

而我猶代子吾將爲名乎名者實之賓也吾將爲賓乎鷦

鷯巢於深林不過一枝後鼠飲河不過滿腹歸休乎君子

無所用天下爲庖人雖不治庖尸祝不越樽俎而代之矣

不受而遁耕於中嶽潁水之陽箕山之下終身無矜天下

色堯又召爲九州長由不欲聞之洗耳於潁水濱時其友

巢父牽犢欲飲之見由洗耳問其故對曰堯欲召我爲九

巢父

高士傳堯時隱人也山居不營世利年老以樹爲巢而

寢其上故時人號曰巢父堯之讓許由也由以告巢父

不通誰能見子故浮游欲聞求其名譽汚吾犢口牽犢

上流飲之許由沒墓箕山之巔亦名許由山在陽城之南

十餘里堯因就其墓號曰箕山公神以配食五岳世奉祀至今不絕也

巢父曰汝何不隱汝形藏汝光若非吾友也擊其膺而下

之由悵然不自得乃過清冷之水洗其耳拭其目曰向聞

會言負吾之友矣  
遂去終身不相見

樊仲甫

羅泌路史巢父問棄禪出由不受逃之以爲汗也乃洗其耳池瀆樊豎力飲其牛乃驅去之恥牛飲其洗

耳之下流魏曹植三士

贊以樊仲父爲池主

方回

路史巢父方回巖  
傳皆許由之友

夏

卞隨

史記伯夷傳夏之時有卞隨務光呂氏  
春秋卞隨恥受湯讓自投潁水而死

秦

孔鮒

鄒元錫函史本傳字子魚一名甲孔子八代孫魏相子  
順子也秦并六國召鮒爲魯國文通君拜少傅始皇三

十四年丞相李斯議令燔書鮒乃與其弟子襄歸藏書壁  
中隱居嵩山之陽陳涉起爲楚王聘鮒爲博士鮒以目疾  
辭退乃蒐輯仲尼而下子思汲子上帛子  
高穿子順慎之言行列爲六卷名孔叢子

漢

董公

史記高祖本紀漢王南渡平陰津至雒陽新城三老董公遮說漢王以義帝死故漢王聞之袒而大哭遂發喪

卜城

水經注仲長統曰昔密有卜城者身遊九山之上放心不拘之境按道元謂卽鞏九山蓋密人隱于鞏者也

王元弈

齊隱筆記隱于侯山景帝每徵不屈遂就山而封侯因以爲名宋亮詩王弈拜隱侯按侯山在鞏縣南

胡昭

高士傳字孔明潁川人也始避地冀州不應袁紹之命武帝亦辟昭昭自陳本志帝曰人各有志出處不同勉

卒高尚義不相屈昭乃隱陸渾山中躬耕樂道以經籍自娛至嘉平初年八十九卒于家

周黨

後漢書隱逸傳字伯况太原廣武人王莽竊位託疾杜門建武中徵爲議郎病免遂將妻子居澠池復被徵乃

著短布單衣穀皮綃頭待見尙書及引見伏而不謁自陳願守所志詔曰明王聖主必有不賓之士伯夷叔齊不食

周粟太原周黨不受朕祿亦各有志焉其賜帛四十匹遂隱居澠池著書上下篇

种岱

後漢書种嵩傳字公祖洛陽人好學養志舉孝廉茂才皆不就後公車特徵會病卒初岱與李固子燮同徵議



郎燮聞岱卒痛惜甚乃爲上書曰故處士岱淳和達理耽悅詩書富貴不能回其慮萬物不能擾其心稟命不永奄然殂殞昔先賢既沒有加贈之典周禮盛德有銘誄之文而岱生無印綬之榮卒無官諡之號雖未建忠效用而爲聖恩所拔遐邇具瞻宜有異賞朝廷竟不能從

晉

孫登

晉書本傳字公和共人嘗住宜陽山水經注宜陽山在縣南臧榮緒晉書稱孫登嘗經宜陽山作炭人見之與語登不應作炭者覺其精神非常咸來傳說太祖聞之使阮籍往觀與語亦不應籍因大嘯登笑曰復作向聲又爲嘯求與俱出登不肯籍因別去登上峰行且嘯如簫韶笙簧之音聲振山谷籍怪而問作炭人作炭人曰故是向人聲籍更求之不知所止推問久之乃知姓名

南北朝

馮亮

北史本傳字雲通南陽人隱居嵩山雅愛山水又兼工思結架巖林甚得棲游之適宣武帝聞之給其工力令

與河南尹甄深等同視嵩山形勝之處造閒居佛寺林泉  
既奇營製又美曲盡山居之妙亮時至京師後遇疾還山  
居嵩高道  
場寺以終

隋

仲長子光

王績仲長先生傳字不羈自云洛陽人唐書王績  
傳仲長子光者亦隱者也無妻子結廬北渚凡三  
十年非其力不食績愛其真徒與相  
近子光瘖未嘗交語與對酌酒懽甚

唐

田游巖

舊唐書隱逸傳三原人初補太學生後罷歸遊於太  
白山每遇林泉會意輒留連不能去其母及妻子並  
有方外之志與遊巖同遊山水二十餘年後入箕山就許  
由廟東築室而居自稱許由東隣調露中高宗幸嵩山遣  
中書侍郎薛元超就問其母遊巖山衣田冠出拜帝令左  
右扶止之謂曰先生養道山中比得佳否遊巖曰臣泉石  
膏盲烟霞痼疾既逢聖代幸得逍遙帝曰朕今得卿何異  
漢獲四皓乎薛元超曰漢高祖欲廢嫡立庶黃綺方來豈

如陛下崇重隱淪親問巖穴帝甚歡因將遊巖就行宮并  
家口給傳乘赴都授崇文館學士令與太子少傅劉仁  
談論帝後將營奉天宮于嵩山遊巖舊宅先居宮側  
特令不毀仍親書題額懸其門曰隱士田遊巖宅

**武攸緒**

唐書本傳武后兄子也恬淡寡欲好易莊書變姓名  
賣卜得錢輒委去尋授太子舍人遷大都督府長史

后革命封安平郡王固辭官願隱居后遣其兄攸宜致諭  
卒不起盤桓龍門少室間冬居茅椒夏居石室所賜珍貴  
器塵積不御也市田潁陽使家奴雜作自混於民中宗初  
以安車召苦祈還山詔可尋又以璽書迫之既至帝敕有  
司卽兩儀殿設位行問道禮攸緒至山帳葛巾更衣冠就  
常班再拜賜予無所受尋還山俄而諸韋誅武氏連禍惟  
攸緒不及睿宗復詔拜不就  
仍賜嵩山舊居合州縣存問

**王希夷**

唐書本傳徐州滕人家貧父母喪爲人牧羊取蒲以  
葬隱嵩山師黃蘗喜讀周易老子年七十餘刺史盧

齊卿就謁問政答曰已所不欲勿施於人此言足矣明皇  
東巡狩詔州縣敦勸見行在時九十餘帝命張說訪以政

事宦官扶入宮中與語甚悅拜國子博士聽

還山敕春秋致凍帛酒肉仍賜帛衣一副

武平一

唐書本傳名甄以字行潁川郡王載德子也博學通春秋工文辭武后時不與事隱嵩山屢詔不應中宗

立復詔爲修文館直學士時外戚強盛平一請抑母黨推遠時權以寓風諫公主各立黨帝以訪平一因上書會宴內殿告以輯睦若未已則抑慈示嚴帝美其忠切不能用後宴兩儀殿夸人唱合生歌言淺穢平一諫宜罷遣不納開元末卒

盧鴻一

舊唐書隱逸傳字浩然本范陽人徙家洛陽少有學業頗善擗篆楷隸隱於嵩山開元初遣幣禮再徵不

至五年下詔鴻一赴徵六年至東都謁見不拜宰相遣通事舍人問其故奏曰臣聞老君言禮者忠信之所薄不足可依山臣鴻一敢以忠信奉見上別召昇內殿賜之酒食詔曰盧鴻一應辟而至訪之至道有會淳風爰舉逸人用勸天下特宜授諫議大夫鴻一固辭又制曰昔在帝堯全許由之節緬惟大禹聽伯成之高則知天子有所不臣諸侯有所不交遯之時義大矣哉嵩山隱士盧鴻一抗迹幽遠凝情篆素隱居以求其志行義以達其道雲卧林壑多歷年載傳不云乎舉逸人天下之人歸心焉是乃飛書嚴穴備禮徵聘方竹獻替式宏政理而矯然不羣確乎難拔

靜已以鎮其操洗心以激其流固辭榮寵將厚風俗不降  
其志用保厥躬會稽嚴陵未可名屈太原王霸終以病歸  
宜以諫議大夫放還山歲給米百碩絹五十匹充其藥物  
乃令府縣送隱居之所若知朝廷得失具以狀聞將還山  
又賜隱居之服并其  
草堂一所恩禮甚厚

元丹邱

李白元丹邱歌元丹邱愛神仙朝飲潁川之清流暮  
還嵩岑之紫烟三十六峰長周旋長周旋躡星虹身

騎飛龍耳生風橫河跨海與天通我知爾遊心無窮又題

元丹邱潁陽山居并序丹邱家于潁陽新卜別業其地北

倚馬嶺連峰崑邱南瞻鹿臺極目汝海雲巖映鬱有佳致

焉白從之遊故有此作仙遊渡潁水訪隱同元君忽遺蒼

生望獨與洪崖羣卜地初晦跡興言且成文却顧北山斷

前瞻南嶺分遙通汝海月不隔嵩邱雲之子台逸趣而我

欽清芬舉跡倚松石談笑迷朝曛益願狎青鳥拂衣棲江

濱又題嵩山逸人元丹邱山居詩故人契嵩頰高義炳丹

蘄滅跡遺紛囂終言本峰壑自矜林湍好不羨朝市樂

偶與真意并頓覺世情薄爾能折芳桂吾亦採蘭若

裴圖南

李白送裴圖南歸嵩山詩君思潁水緣忽復歸嵩岑  
歸時莫洗耳爲我洗其心洗心得真情洗耳徒賣名

謝公總一超  
相與濟蒼生

張彪

全唐詩傳 穎洛間人 天寶末將母避亂 杜甫詩所稱張山人者是也 杜甫寄張山人彪詩 凡三十韻 中有句云

獨卧嵩陽客 三違潁水春 又有靜者心 多妙先生藝 絕倫草書 何太古詩 興不無神 曹植休前輩 張芝更後身 數篇吟可老 一字賣堪貧 等句 蓋穎

洛靜者有道而隱者也

張誣

王維贈張五弟詩 張弟五車書 讀書仍隱居 染翰過草聖 賦詩輕子虛 閉門二室下 隱居十年餘 宛是野人野

時從漁父漁 秋風自蕭索 五柳高且疎 望此去人世 渡水向吾廬 歲晏同攜手 只應君與予 又王維酬張誣詩 序故人張誣工詩 善易卜 兼能丹青

草隸 頃以詩見贈 聊獲酬之

楊山人

高適送楊山人歸嵩陽詩 不到嵩陽動十年 舊時心事已徒然 一二故人不復見 三十六峰猶眼前 夷門

二月柳條色 流鶯數聲 淚沾臆 鑿井耕田不我招 知君以此忘帝力 山人好去嵩陽路 惟余眷眷長相憶

顓頊山人

劉滄贈顓頊山人詩 浩氣含真玉 片輝著書精 義入元微 洛陽紫陌 幾曾醉少室 白雲時一歸 松雪

月高唯鶴宿煙嵐秋霽到人稀知君濟世有長策莫問滄浪隱釣磯張喬寄中岳顓頊先生詩先生顓頊後得道自

何人松栢早於壽兒孫老却身夜窗峰頂曙寒澗洞中春戀此逍遙境雲間不可親

李蒙

錢起經李蒙頰陽舊居詩同心而早世天道亦何論獨有山陽宅平生永不諼青溪引白鳥流涕弔芳蓀蔓草

入空室叢篁深毀垣舊遊還在眼神理更忘言唯見東山月人亡不去門

元延祖

唐書元結傳河南人亨子三歲而孤仁基敕其母曰此兒且祀我因名而字之逮長不仕年過四十親媪

疆勸之再調春陵丞輒棄官去曰人生衣食可適飢飽不官復有所須每灌畦掇薪以爲有生之役過此吾不思也安祿山反召結戒曰而曹逢世多故不得自安山林勉樹名節無近羞辱云卒年七十六門人私謚曰太先生子結

蕭居士

皇甫冉和鄭少尹祭中嶽訪蕭居士詩肅寺祠靈境尋真到隱居夤緣幽谷遠蕭散白雲餘晚節持僧律

他年著道書海邊曾狎鳥濠上正觀魚寂靜求無相淳和觀太初一峯綿歲月萬性任盈虛籬隔溪鐘度窗臨澗木

疎謝公懷舊壑

迴駕復何如

郭仙舟

唐詩紀事嵩山隱人元宗徵爲諫議大夫仙舟投匭獻詩勅曰觀其文理乃崇道法宜從所好

張海仙

舊志新安人天寶末隱居不仕終日惟杜門守靜漁獵經史而已

宋

郭延卿

東軒筆錄洛陽人居水南少與張文定公呂文穆公遊二公相繼作相更薦之未嘗出仕葺林亭藝花竹足跡不及城市至是年八十餘矣一日文僖率僚屬訪之去其居一里外卽屏騎從輿蓋不告名氏洛下士族多延卿未始出蓋莫知其何人也但欣然相接道服對談而已延卿曰陋居罕有過從平日所接之人亦無如數君者願少留於是以前尊果蔽進文僖愛其野逸爲引滿不辭既而吏報申牌牙兵列庭中延卿徐曰公等何官而從吏之多也尹告之曰留守相公也延卿笑曰不圖相國肯顧野人遂相與大笑旣又曰尙能飲否文僖欣然從之又飲滿數杯日入辭去延卿送之門顧曰老病不能造謝希勿訝也文僖登車茫然自失翊日語僚屬曰真隱者也彼視富貴爲何等物



董五經

王氏塵史隱嵩山程子聞其名謂亦窮經之士特往造焉五經平日未嘗出是口不值還至途中遇一老

人負茶果以歸且曰君非程先生乎程子異之曰先生欲來信息甚大某特入城置少茶菜將以奉待也程子以其意誠同至其室

語甚欵而歸

种放

宋史隱逸傳字明逸洛陽人沈默好學與母俱隱終南山以講習爲業從學者甚衆淳化初陝西轉運宏惟幹

言其才行詔使召之其母患曰常勸汝勿聚徒講學身既隱矣何用文爲果爲人知而不得安處我將棄汝入深山矣放稱疾不起太宗嘉其節詔京兆賜以緡錢使養母不奪其志咸平元年母卒兵部尚書張齊賢薦於朝詔徵不至明年復召至京師以幅巾見帝命坐與語大悅即日授左司諫直昭文館未幾乞還山命館閣官宴餞于瓊林苑帝親製詩送之放性喜幽僻終身不娶景德大中祥符間屢召至闕下俄復還山暮年乞徙居嵩山天封觀側帝因命內侍就興唐觀基起第賜之及卒詔贈工部尚書

李瀆

宋史隱逸傳字長源洛陽人淳澹好古博覽經史不求仕進嘗往來申條山中不親產業所居木石幽勝談唐

室以來衣冠人物歷歷可聽真宗時使使召見辭以卒疾不起遣內使勞問令長吏歲時存撫天禧三年卒詔贈秘書省著作佐郎仍勅州縣存卹其家

**郭雍**

宋史隱逸傳字子和洛陽人父忠孝官至大中大夫師

谷間號白雲先生乾道中以陝守任清臣湖北師張孝祥等薦于朝旌召不起賜號冲晦處士孝宗稔知其賢每對輔臣稱道之命所在州郡歲時致問後更封顯正先生

**王忠民**

宋史隱逸傳潁陽人幼通經史自靖康以來數言邊

功即不授避地南下遇商鞏鎮撫使董先于內鄉留軍中事以師禮時劉豫僭立忠民作九思圖及定亂四象達之金主乃鏤板印圖散于偽境以明天下之義紹興三年翟宗薦之朝特授宣教郎忠民上疏辭官言臣憤金人無道故三上書乞還二帝本心報國非冀名祿上不許忘民以誥寘牘中藏七寶山下力懇求去遂不出

**閔交如**

溫公詩話交如好治經所爲奇僻自謂得聖人微旨先儒所不能到貧無妻兒不應舉嘗寄食僧舍僧亦

不厭苦之始居龍門山猶苦游久往來多徙居萬安山屏  
絕人事專以治經爲事凡數十年用心益苦而去人情益  
遠衆非笑之交如不變益堅雖非中行其志亦可嘉也遷  
庭錄嵩山隱者閔交如閔戶著書不接世事忠宣造其居  
嘗有字

說解

穆廷秀

仙東通志流寓河南人遷居章邱明黃老不樂仕進  
鄉里稱重熙寧間卒年七十三洛陽王壽卿題其墓

程忘吾

谷音字自修洛陽人性孝友讀書城東門翰林元  
裕之上其言行除禮部郎中自修閭之棄家南去

金

薛繼先

金史逸民傳字曼卿南渡後隱居洛陽西山課童子  
書事母盡孝與人交謙遜和雅所居化之年已老狀

貌如少者子純孝字方叔有父風容見者輒不知其爲曼  
卿以爲方叔或詐爲父書就取物輒與之鄉人石玠爲御  
史行部過曼卿不肯見親鄰皆勸之往謝答曰君但未之  
思耳凡今時政未必盡善舉劾未必盡公一與往來後有  
所舉劾將謂自我發之善者未必報惡者立  
受其禍其畏慎皆類此壬辰之亂病沒宜陽

河南府志

卷之四十一人物志

隱逸

高伸振

金史逸民傳字正之遼東人其兄領開封鎮兵嘗依之以居既而盡付家業挈妻子入嵩山隱居博極羣

書尤深易與皇極經世安貧自樂不入城市山野小民亦知敬之嘗與其弟子張潛王汝梅行山谷間人望之翩然如仙或以爲得遇異人執以養生術嘗終日燕坐骨節憂憂有聲所談皆世外事有扣之者輒不語潛字仲升武清人隱嵩山從伸振受易年五十始娶魯山孫氏亦有賢行天興間挈家避兵少室山不食七日孫氏亦投絕澗偕死

杜時昇

金史逸民傳字進之信安人隱居嵩洛山中博學知天文不肯仕進承安泰和間宰相數薦可大用因語

所親吾觀正北赤氣如血東西亘天不久大亂天下南北當合爲一消息盈虛循環無端察往考來孰能違之時風俗侈靡紀綱大壞以伊洛之學教人從學者甚衆

元

杜瑛

元史儒學傳字文玉時昇子金將亡避地緱氏山中元初文物周喪瑛搜訪諸書盡讀之古今事如指諸掌教

授汾晉間元世祖召見瑛從容陳對帝悅曰儒中乃有此入乎心賢瑛命從行辭以疾中統初召徵復辭以宣撫張

文謙薦奏爲提舉學校官又遺書辭或勸之出則曰吾不能隨時俯仰以赴機會將焉用仕於是杜門著書將卒遺命其子處之處慙曰表吾墓爲綠山

杜處士天恩中贈翰林學士諡文獻

何靜業

說嵩自號野鶴子隱居嵩山壘石爲居叅政李質爲結廬於甘露臺側雍容簡雅與談疊疊道理扣其邑

里家世俱不對後不知所往

李貴

嵩縣志字懷德元末居三塗山下日以琴書自娛不求間達結亭山側名曰懷德亭間里高其行今猶以德亭

名保

明云

焦復亨

登封志字陽長幼孤事母以孝聞生平讀書鄙章句以詩古文辭自適崇正末徵隱逸士邑令具狀應詔復亨固辭不赴自稱箕顛外臣閉戶讀書至老不倦嘯歌嵩麓頽湄間年八十三卒著有登封縣志缶音緱籟若

卷千

王作

孟津志諸生性好儉恥機械讀書一過不忘好爲古文

辭不應制科試人勸之作曰古人爲文必博青紫耶邑幸馮深慕之然亦不得數

見馮有文集一卷行世

程戴洙

復師志字參斗博學嗜古能吟詩明末貢士

國初

除廣東新寧知縣不就築斗室讀書其中足不踰闕

鄉人高之

河南府志卷之四十八

人物志十一

藝術

藝術者道德之餘也龍門以龜策名篇蔚宗爲方術立傳誠以測隱遠定猶豫神而明之伎也而進乎道矣河南自叔服伶州鳩以下以術名者間亦有之其見於載籍者悉著于篇書繪亦六藝之一端也故并識之志藝

術

周

叔服

周大夫左傳文公元年春王使內史叔服來會葬公孫敖聞其能相人也見其二子焉叔服曰穀也食子難也

收子穀也豐下必有後  
子魯國註後皆如其言

伶州鳩

周樂官左傳昭公二十一年春天王將鑄無射伶州鳩曰王其以心疾死乎夫樂天子之職也夫音樂之

輿也而鐘音之器也天子省風以作樂器以鐘之輿以行之小者不窳大者不樞則和於物物和則嘉成故和聲入于耳而藏于心心億則樂窳則不咸樞則不容心是以感感則生疾今鐘樞矣王心弗堪其能久乎註明年言驗

漢

虞初

文選註河南人武帝時以方士侍郎乘馬衣黃衣故號黃車使者小說醫巫厭祝之術九百四十三篇張衡西

京賦云小說九百本自虞初是也

麴聖卿

後漢書方術傳河南人爲丹書符劾壓殺鬼神而使命之

龔寬

畫史洛陽人元帝時同毛延壽陳敞劉白陽望樊育六人畫苑延壽畫人物美惡咸得其真龔寬並工牛馬

三國



杜夔

魏志方伎傳字公良河南人漢靈帝時爲雅樂郎以疾歸後曹操薦爲軍謀祭酒叅大樂事因令創制雅樂夔

素善鐘律聰思過人至是研精遠考備作樂器紹復先代古樂夔之力也入魏爲太樂令協律都尉嘗思鑄鐘與柴

玉更相毀操令取所鑄鐘雜錯更試然後知夔爲精而玉爲妄也

張忝

桑馥

邵登

魏志杜夔傳俱河南人皆以師事杜夔研精樂律文帝時各官太樂丞

趙達

吳志本傳河南人少從侍中單甫受學用思精密謂東南有王者氣可以避難故脫身渡江治九宮一算之術

窵其微旨是以能應機立成對問若神孫權行師每令達推步皆如其言權問其法達終不語由是見薄祿位不至初有人難達術爲妄者達令取小豆數升播之席上立定其數驗覆果信嘗過故知爲具食謂曰倉卒乏酒又無佳肴如何達因取盤中箸再三縱橫之笑曰君家東壁下有酒一斛鹿脯三觔何以辭無主人慚謝曰以君善射覆故相試耳後達死孫權索書不得發棺視之亦無所得其術遂絕

晉

孟欽

晉書藝術傳洛陽人有左慈劉根之術百姓爭赴之欽堅召至長安惡其惑眾命苻融誅之俄而欽至融留燕

酒酣目左右收欽欽化為旋風飛去頃之有告在城東者融遣騎追之垂及忽去或有兵眾拒戰或前有溪澗騎不得過遂不知所在堅末復見於青州苻朗尋之入于海島

### 南北朝

陰貞

魏書藝術傳河南人家世為醫與周澹並受封爵

邱阿奴

魏書藝術傳洛陽人工握槊

### 唐

明崇儼

唐書方技傳洛州偃師人梁國子祭酒山賓五世孫少隨父恪令安喜吏有能召鬼神者盡傳其術乾封

初應岳牧舉調黃安丞以奇技自名高宗召見甚悅擢冀王府文學試為窟室使宮人奏樂其中召崇儼問何祥邪為我止之崇儼書桃木為二符刺室上樂即止日向見怪龍怖而止盛夏帝思雪崇儼坐頃取以進自云往陰山取

之四月帝憶瓜崇儼索百錢須臾以瓜獻曰得之  
人圍中帝召老人問故曰埋一瓜失之  
正諫大夫帝命入閣供奉每謁見陳時政多託鬼神為言  
至為武后作厭勝事又言章懷太子不德儀鳳四年為盜  
所刺於東都好事者為言崇儼役鬼勞苦為鬼所殺而太  
后疑太子使客殺之故贈侍中謚曰莊擢子珪為秘書郎  
命御史中丞崔謐等雜治誣服  
者甚眾及太子廢死狀乃明

張文仲

唐書方技傳洛陽人仕武后時至尚藥奉御特進蘇  
良嗣方朝疾作仆廷中文仲診曰憂憤而成若脅痛

者殆未可救頃告脅痛又曰及心則殆俄心痛而死文仲  
論風與氣尤精后集諸言方者與其著書詔王方慶監之  
文仲曰風狀百二十四氣狀八十治不以時則死及之惟  
頭風與上氣足氣藥可常御病風之人春秋末月可使洞  
利乃不困劇自餘須發則治以時消息乃著四時輕  
重術凡十八種上之度縱官侍御醫慈藏光祿卿

李處縱

唐書方技傳洛陽人官侍御醫慈藏光祿卿與張文仲並以醫名

宋單父

異人祿洛陽人能詩善種植之術牡丹變易千種紅  
白間色上皇嘗召至驪山植萬本色各別無委棄者

賜千金歸宮  
人呼爲花師

杜宗

圖繪寶鑑河南  
人王佛經變相

殷文亮

朝野僉載洛州人爲縣令性巧好酒刻木爲小兒衣  
以繪酌酒行觴皆有次第又作木妓唱歌吹笙皆能

應節飲不盡或小兒不肯把杯飲未  
竟木妓歌管連催莫測其神妙也

于僧翰

陶宗儀書史會要河南人工八分與貝冷該俱擅各  
江左冷該學元宗書無足取者僧翰師韓擇木叅用

篆法故  
勝之

張微

書史會要洛陽  
人善書學張旭

王知敬

書斷洛陽人官至太子家  
令工草及行尤善章草

李懷琳

書史會要洛陽人國初時好爲贗跡  
嘗做嵇叔夜絕交書續帖中有其跡

釋亞酒

書史會要洛陽人喜作字得張顛筆意每論顛云世  
走知張之顛而實非顛也觀其曰謂吾書不大不小

得其中道若飛鳥出林驚蛇入草則果顯也耶此亞栖所以獨得而世俗未必知也

### 五代

袁義

宣和畫譜登封人爲侍衛親軍善畫魚窮其變態

張圖

圖繪寶鑑字仲謀洛陽人朱梁時將軍少頴悟而好畫青善潑墨山水皆不由師授自致神妙尤長於大像畫用濃墨麓筆如草書顫掣飛動勢極豪放至於服飾儀物則用細筆輕色無一畝仄自成一家法

僧智蘊

繪事備考河南人工畫佛像人物雜中天堂寺毘盧像廣愛寺定光佛像福先寺三災變相皆其蹟也周廣順中進舞鍾馗圖于朝賜以紫衣

### 宋

王處訥

宋史方技傳洛陽人少遇一老父煮洛河石如麵令食之又夢人持巨鑑星宿燦然納腹中覺而心胸開悟因留意星歷深究其旨漢時召爲司天夏官正出補許田令擢國子博士與周祖厚及入汴遽命訪得之因問劉

氏祚短事對曰人君未得位嘗務寬大既得位卽思復讐嗜殺所以運祚不長周祖蹶然太息適將誅蘇逢吉劉鈗等家遽命止之廣順中遷司天少監世宗命定舊曆差舛成而未上會王朴作欽天歷以獻私語之曰此歷不久卽差因指以示朴深然之建隆二年欽天歷果誤受詔別造新歷經六卷御製序名應天歷又以漏刻無準重定水稱及候中星分五鼓時刻俄遷少府少監太平興國初改司農少卿判監事六年又上新歷二十卷真拜司天監卒

王熙元

宋史王處訥傳處訥子習父業開寶中補司天歷筭端拱初改監丞遷太子洗馬兼春官正加殿中丞景

德中授司天少監奉詔纂陰陽事十卷真宗製序賜名靈臺秘要作詩紀之授監正卒

張贊

圖畫見聞錄洛陽人工畫佛道人物雜中有寺壁

李祐

圖畫見聞錄河南人工畫花竹翎毛各盛一時

邱訥

圖畫見聞錄雒陽人工畫山水體近許道寧筆氣不逮而用墨過之

任誼

書史會要字寸仲洛陽人官至澧州通判隸書學蔡邕

宋道

宣和畫譜字公達洛陽人擢第爲郎善畫山水以幽澹簡遠取重於時惟興至寓意而已故傳世者絕少

宋迪

宣和畫譜洛陽人與兄道同榜進士道善畫山水迪亦能之或覽物得意或寫物創意而運用高妙如騷人墨

客登高覽賦當時推重往往不以名字顯咸

謂之宋復古又喜畫松枯槎老枿森然欲動

范坦

宣和畫譜字伯履洛陽人以蔭補官長於吏事所至皆以明辨稱善丹青作山水其筆法學關仝李成

武宗元

宣和畫譜字總之河南白波人官至虞曹外郎善丹青長於道釋造吳生闡奧行筆如流水神彩活動大

抵如寫草

書高作也

王瓘

宣和畫譜字國器洛陽人工畫釋道人物深得吳法世謂之小吳生子端世其學

王兼濟

宣和畫譜字道子洛陽人工畫釋道鬼神學吳道子得其餘趣

呂漸

宣和畫譜字洛陽人工畫佛像威儀雄偉尤善山水窠石深得位置

馮曠

宣和畫譜字河南人工山水體製不類前人自成一家筆墨蒼老馳名熙寧間

韓若拙

圖繪寶鑑洛陽人善翎毛

張永

浙江通志方技傳洛陽人爲翰林醫學太醫令李會通

同時出其方與會通無異但改煎爲散耳散疾遂愈扈  
從高宗南渡因家餘姚後登進士至  
禮部尚書所著有衛生家寶行世

金

李慶嗣

金史方技傳洛陽人少舉進士不第棄而學醫讀素  
問諸書洞曉其義大德間歲大疫廣平尤甚貧者往  
往闔門卧病慶嗣携藥與米分遺之全活甚衆慶嗣年八  
十餘無疾而終所著傷寒纂類四卷活人書二卷傷寒論

三卷針經一

卷傳於世

元

郭敏

圖繪寶鑑字伯達河南人畫人物山水喜武  
元直師其意花卉墨竹亦臻神境官至知州

程彥澤

徐一夔洛下遺民傳明道後裔元末自稱洛  
下遺民遊五湖得異傳隱于術以神醫名



董倫 書史會要字安常河南人淹該經術善屬文篆宗周丞

李好古 書史會要河南人官至陝西行省郎中工大字

賈策 繪事備考字治安河南人工畫禽鳥得飛鳴翔集之狀嘗爲仁和尹有能名

明

何宜健 通志洛陽舉人仕阜城知縣以病歸遂究心岐黃之術其效如神凡診視無不立判死生

畢宗義 洛陽縣志中丞亨少子精堪輿常過新墳歎曰此地甚凶後禍纏綿矣主人聞之召地師相質師曰地似

卧牛山水皆合局何以云凶畢曰地形誠如所言奈牯牛性好舐觸何問其驗曰去穴數步下三尺許有異物去此則無事矣如其言掘之果得二石卵衆皆歎服

梁璿 孟津縣志字叔珍孟津諸生少聰慧百家技藝一寓目若素習初學蘇趙書法後學魏晉諸家得其妙處尤工

花卉翎毛見者嘆賞

趙玉璧

洛陽縣志精醫術彈指決生死皆中郡邑車馬伺其門者絡繹不絕

馮國鎮

洛陽縣志通幼科與趙齊客年九十餘尚健步壯者追之弗及子三錫孫松皆痒生世其業著痘疹規要

煙霞子

宜陽志姓高氏失名幼得異書知未來事有奇驗其術能役鬼神驅盜賊縣治南鉄藻溝山極幽靜愛而

居之又鑿石室竹木陰翳終老不出將終浩歌而逝同邑馬驥傳其術

陳周史

永寧志生員研究方術靈寶未變之前占天象語所親曰殺運方行人皆無首聞者驚以爲誕未幾果驗

王昇

孟津志朴素好文章善大書晚年尤工

王儁

孟津志字靜字書法得晉人筆意明末隱于詩酒以諸生終

梁朴

孟津志字素軒諸生博古善書楷法尤古勁識者方之山谷

梁允直

孟津志字圖南廩生嗜古博學以書法擅名一時

甯復雅

孟津志字大雅以恩貢令瑞安好學喜臨池精漢八分書尤工鐵筆山水遊覽多所題咏

閻衍

孟津志字公遠弱冠餽于庠善草書

梁能

孟津志字五游性豪邁由國學授鴻臚寺序班終光祿錄事喜文詞尤精書法嘗共喬司寇諸人爲續耆英會

國朝

陳騰桂

孟津志字肇多舉人寄情筆墨所寫名山十雪平津八景諸圖爲時所稱

梁宸朴

孟津志字又趙貢生力學好臨池作水墨畫尤工蘭蕙與邑中王叅議仲和陳孝廉肇多齊名

雷雲程

孟津志字鵬九性耿介家無儋石泊如也書法摹大小歐陽求書者或餽遺之不受以諸生終

王石麟

孟津志字玉書廩生工書法築浣書堂日摹帖數本尤好右軍書至今鄉里猶藏其墨本者詩一卷

王良策

洛陽縣志字鳳池由山右奉母遷洛工醫效如神翟某患背痛三十年矣良策曰是有物須出之爲傳藥

拔箭鏃少許翟不知何自來也其他妙驗皆類於此

王琮

新安志字瑞字工岐黃性嗜酒病家賃酒以待至則診之痛飲大醉病必痊若揮杯而去病必不起人呼神醫

劉有德

新安志字慎先庠生精醫試輒效生平活人無算人以其媿美王琮亦以神醫呼之

祝堯民

虞初新志字巢夫洛陽諸生少以文名明亡遂棄制藝爲醫自號薛衣道人得仙傳瘍醫凡諸惡瘡傳藥

少許卽愈或有斷脛折臂者延治無不效人比之華陀更有被賊斷頭未殊者其子知其神急請堯民至堯民撫其胸曰頭雖斷尚有生氣有生氣則尙可治急以銀針紉其頭于項旣合傅以藥熨以炭火少頃煎人參雜他藥啟其齒灌之須臾鼻有微息復以熱酒灌之逾晝夜則出聲進以糜粥七日而創合半月活如故舉家拜謝願以產之半酬之堯民不受後人終南山不知所終無子其術不傳

河南府志卷之四十九

人物志十二

仙釋

司馬溫公資治通鑑繙閱舊史既嚴且博而旁採小說  
間及神異者所以資聞見補逸遺也二氏之學儒家或  
不言然蟬蛻汙泥超遊物表有足傳者况王喬馭霍白  
馬馱經其名勝尤表表在人耳目間者乎惟是方外衆  
多不能盡載節錄大概亦溫公作史之遺意歟志仙釋

陶唐

五老

羅泌路史堯將禪舜於是修壇河洛擇良讖沉仲月辛  
日物明禮備榮光出河休氣四塞越歲仲春率百工沈

壁于洛且告禮事陞首山道河渚遇五老而濟焉論語比  
仲尼曰帝堯率舜等遊于首山觀河渚有五老游河  
渚一曰河圖將來告帝期二曰河圖將來告帝謀三曰河  
圖將來告帝書四曰河圖將來告帝圖五曰河圖將來告  
帝符有項赤龍銜玉苞舒圖刻版題命可卷金泥玉檢封  
盛書戒曰知我者重童也五老乃爲流星上入昴黃姚視  
之龍沒圖在堯等共發  
曰帝當樞百則禪于虞

### 周

宋倫

列仙傳洛陽人厲王甲辰歲疑神慕道事老聃授之上  
道能飄然飛步凌波涉險或化麋鹿或爲鳩鶴弋獵者

自不能近或爲蟲癩之人與病者寢處  
自然疾瘥宣王丁巳歲遂上昇爲僊

王子喬

列仙傳名晉周靈王太子生而神異好吹笙作鳳鳴  
遊伊洛間道士浮邱公接上嵩高山三十餘年去之

后復至其山見桓良曰告我家七月七日待我緱氏山頭  
至日果乘白鶴駐山巔望之不得到舉手謝時人而去

浮邱公列仙通鑑姓李居嵩山脩道白日飛昇嘗作原道歌

拒諸子學飛仙狂迷不得任左右得君臣四物相念  
護乾坤法象成自有真人顧又著相鶴經王子喬傳

祝鷄翁

搜神記洛人居尸鄉北山下養鷄百餘年鷄有千餘頭皆立名字暮棲樹上晝放散之欲引呼名卽至賣

鷄及子得錢千餘萬輒棄去之吳作養魚池後昇吳山白鶴孔雀數百嘗止其傍云

鬼谷子

集異記姓王名詡楚人嘗入雲夢山採藥得道顏如少童居清溪之鬼谷蘇秦張儀嘗問道三年辭去鬼

谷曰二子輕松喬之永壽貴一旦之浮榮惜哉鬼谷處人間數百歲後不知所之或曰嵩高之陽城亦有鬼谷

蘇林

神仙通鑑字子元中嶽仙人也兩目瞳子正方自言生於衛靈公末年少得鍊身消災之術後遇仇公教以服

習之法還神守魂之事乃學於涓子教以守一之法曰洞真曰妙經曰素靈一則消除萬害一則形體不敗乃地

仙之美術長生之真法也林受之遊翔名山數百餘年後自稱黃泰

劉奉林

神仙通鑑一云姓婁周人學道於嵩高山服黃精以得不死積四百年三合神丹徒委羽之山能閉氣三

日不息於今千餘年矣

施存

神仙傳春秋時齊人自號婉盆子人稱胡浮先生師黃  
盧得三皇內文遁變化景之道役御虎豹之術先居南  
嶽石廩峯出則乘白豹後常在中嶽少室往  
有壺公者卽其人也晉永康初乘豹升天

秦

丁實

集異記多游洛陽自稱嵩山隱人髮白如系面若桃華  
色或問曰君想百歲何時隱嵩山實曰我秦時露士以  
坑儒時逃遇老叟授一九藥吞之至於今不記多少歲也  
仙人俱白日昇天我非神仙但得長生駐顏之道不得乘  
虛御氣之理故不能昇仙也實每歲春必至洛陽數十年  
人皆識焉唐天寶末祿山反實謂人曰我須避胡言訖而  
去不復

再至

古丈人

香案牘嵩華松下古丈人一女子二曰老人秦之役  
者二女宮人合爲殉幸脫驪山之禍匿此數百年矣

毛女

神仙傳字玉姜傳梅嵩書曰秦時宮人得道遍體生毛  
能飛空乘霧往來嵩華之間嘗憩於嵩洞洞在法王寺



河上公

抱朴子不知姓氏文帝時結廬河濱時帝好老子書有未解者遣使問之公曰道尊德貴非可遙問於是

帝遂枉駕問之授老子章句二卷曰熟研

此其疑自解今有河上公廟在陝州北

劉根

後漢書方術傳潁川人隱居嵩山中諸好事者自遠而至就根學其術太守史祈以根爲妖乃收執詣郡數之

曰汝有何術而誣惑百姓若果可驗則生否則死根曰無他能頗能役鬼耳祈曰促召之根于是左顧而嘯有頃祈之亡父祖及近親數十人皆面縛向根叩頭曰小兒輩無狀分當萬坐顧而叱祈曰汝爲子孫不能有益先人而反累亡靈邪祈惶懼悲哀頓首流血請自甘罪根默不應忽然俱去不知所在

薊子訓

後漢書方術傳不知何許人建安末至洛陽有神異公卿以下候之者恒數百人皆爲設酒脯終日不匱

後因遁去有人於長安東霸城見與一老人共摩娑銅人相謂曰適見鑄此而已近五百歲矣

周栖野

神仙傳中嶽人着破衣隱其姓名如風狂嘗往來長安狂歌曰巾金巾入天門呼長精吸元泉鳴天鼓養

泥丸人皆異之莫有喻者留侯微服往謁約後

期會於嵩山小有洞天張良成功後竟從之

王興神仙傳陽城人居壺谷中武帝幸嵩山見仙人言石上

菖蒲服之長生採服二年煩悶不快乃止從官亦多服

之然莫能持久惟王興聞仙人

之言採服不息後白日昇天

摩騰

高僧傳本中天竺人解大小乘經明帝夜夢金人以問羣臣傳毅曰臣聞西域有神其名曰佛陛下所夢將必

是乎乃遣中郎蔡愔等往天竺尋訪因見摩騰要還中國於洛邑西門外立精舍以處之遂譯四十二章經後卒於洛陽中國有沙門自騰始

竺法蘭

高僧傳中天竺人誦經論數萬章爲學者師與摩騰同入中國其言皆有徵信蔡愔所得西域經多蘭所

翻

晉

佛圖澄

晉書藝術傳西域人永嘉中來洛陽善念神呪能役使鬼物言事無不驗左乳旁有一孔通腹內時以絮

塞之遇夜拔絛一室  
勃石虎甚敬事之比  
死之日有人見於流沙虎既殮澄疑

其不死因發墓開棺  
死之唯見一石  
未幾虎死

阿羅竭

神僧傳未詳氏  
以誦經二百萬言獨宿山野在武帝  
時嘗至洛陽時患疫竭爲呪治十瘞八九元康初止

婁至山石室中去水甚遠竭以左脚碾石壁墮陷水

出比卒闍維之焚爍累日尸不煨燼乃移還石室

耆域

神僧傳天竺人周流華戎人莫能測惠帝末嘗至洛陽  
時南陽滕永文寓滿水寺足躡屈不可行域取淨水楊

枝呪之永文起行如故一日辭還天竺洛中沙門數百人

各請域食域皆許往明日五百舍皆有一域已而行衆皆

送至城外域徐行追者不能及也是日有從長安來者見

域在彼寺中賈客胡濕登又謂是日將暮逢域於流沙計

九千餘

里云

### 南北朝

跋陀

傳燈錄天竺人一稱佛陀學務靜攝博通經法孝文帝  
一見敬禮隨遷定都伊洛勅設靜院居之陀性愛幽棲

可百千

卷之二 人物志

仙釋

林谷是託屢往嵩嶽擬謝人世未幾帝勅就少室山爲之造寺今之少林是也連度二沙門慧光慧稠年老移寺外

一善神常隨擁護將終手書神像于門壁于今尚存

**慧光**

傳燈錄長盧人姓楊氏年十三隨父入洛從佛佗佗令誦經度而出家所習經典便爲人說辭既清靡理亦高

華時人號爲聖沙彌佛佗更授以律復參禪學論說之美聲颺趙郡會佛佗住少林寺主譯翻十地諸經光乃命章

開釋華嚴涅槃維摩十地等並書其奧旨遇旱光於嵩嶽池邊請禱尋卽流霑後卒於鄴郡此中國人度僧之始

**僧稠**

高僧傳姓孫氏係出昌黎性度純懿一覽佛經渙然神解當任嵩嶽寺僧百人泉冰僅足其用忽一婦坐階

上聽經衆不知爲神也乃呵遣之婦怒以足蹋泉水立枯竭身亦不現衆懼告稠稠呼優婆夷者三婦乃出稠曰衆

僧在此神宜擁護婦復以足撥於故泉水卽上涌衆嘆異之後詣懷州西主屋山聞兩虎交鬪咆響震巖乃以錫杖

中解各散而去

**流支**

說嵩居少林翻經臺譯梵王經伽藍記稱支解佛義知名西土號羅漢曉華言及隸書翻十地佛伽及諸經論

達磨禪師

魏書釋老志南天竺婆羅門種神慧疎朗聞皆曉悟梁武帝普通初至廣州刺史表聞武帝遣使詔

迎至金陵帝親問曰朕卽位以來造寺捨經度僧不可勝數有何功德師曰並無功德此但人天小果有漏之因雖有非實帝曰如何是真功德師曰淨智妙圓體自空寂如是功德不以世求帝問如何是聖諦第一義師曰廓然無聖帝曰對朕者誰師曰不識帝不省師遂去梁折蘆一枝渡江北趨魏境尋至維邑初止嵩山少林寺終日面壁而坐九年逝焉葬熊耳山魏宋雲奉使西域迴遇師于葱嶺見手携隻履翩翩獨逝雲問何去曰西天去又謂曰汝主已厭世雲聞之茫然別師東邁暨復命明帝已登遐矣迨孝莊卽位雲具奏其事帝令啓墳視之惟空棺草履存焉

慧可

高僧傳虎牢人姓姬氏造少室師事達磨晨夕參承盡得其傳師將示寂乃告之曰昔如來以正法傳伽葉展

轉傳受以至於我今傳汝當護持并授袈裟以爲法信可跪受其衣今稱二祖云

善惠

北朝竺業姓傅氏名翁義烏人娶妻生二子遇一沙門

曰吾與汝昆婆尸佛所同誓今兆率官衣鉢現今在何

日歸乎因命臨水觀其影見員光寶蓋惠曰鑪鞬之所多

鈍良醫之門足病人思度生何謂彼樂後于嵩山頂因雙

檇樹荆寺而居故稱雙林大士日自營作夜則行道梁武帝詔見問以真諦答臨財母苟得臨難母苟免又曰非道不安非禮不樂辭

退還雙林終焉

生公

嵩陽寺碑生禪師隱顯無方沈浮嵩嶺道風遠被德香普薰皇帝傾心以師資朝野望風而屈膝卜茲福地創

立神場云云法王寺亦傳生公說法地湧金蓮今金蓮猶茂未知是否生公之蹟

寶公

御藍記不知何許人居白馬寺形貌醜陋預觀三世胡太后問以世事對曰把粟與雞呼朱朱人莫之解迨建

義元年后爲爾朱榮所害其言始驗又有洛人趙法和請占早晚當有官爵寶公曰大竹箭不須羽東廂屋急手作

經月餘法和父沒始悟大竹者杖東廂者倚廬

曇謨最

伽藍記融光寺僧善於義學講涅槃華嚴僧徒千人天竺國胡沙門菩提流支見而禮之號爲菩薩流支

解佛義知名西土諸夷號爲羅漢曉魏言及隸書翻十地楞伽及諸經論二十三部每讀曇謨最義大乘章彈指贊

歎喟言微妙卽爲胡書寫之傳於西域西域

沙門常東南遙禮號曇謨最爲東方聖人

澄覺 嵩書會善寺本魏孝文帝離宮也魏亡爲澄覺禪師精舍

隋

洪遵

說嵩姓時氏相州人住嵩高少林寺依資雲公前後祭聽扣其關戶煥然大明自後遍訪禪林參學問法齊王

授爲斷事沙門隋時被舉仍住嵩嶽開皇七年詔詣關數與天竺僧共譯梵文

資雲

說嵩少林僧洪遵之師

靈運

說嵩梁武帝皇嗣出家少林今寺西石塔存焉

大志

傳燈錄姓顧氏初在天台出家游廬嶽建靜觀道場大業間往東都上表乞與顯三寶願燃一臂於嵩嶽詔許

之志不食三日燒鉄烙臂以刀截斷布裹蠟灌下火燃之時誦法句爲衆說法不絕臂燒旣盡下棚跏坐而卒

慧蕭

說嵩姓劉氏入嵩高山求師出家以戒行見稱

唐

一行

異僧傳姓張氏讀書不再已成誦矣師事普寂禪師出家剃染於嵩山師嘗設食於寺大會羣僧時有盧鴻者

道高學富隱於嵩山因請鴻爲文讚嘆其會至日鴻持其文至寺其師授之致於几案上鐘梵旣作鴻乃謂普寂曰其爲文數千言況其字僻而言怪盍於羣僧中選聰悟者授之寂乃令一行旣至伸紙微笑止於一覽復致几上鴻輕其踈脫而竊怪之俄而羣僧會于堂一行攘袂而進抗音典裁一無遺忘鴻驚愕久之謂寂曰非君所能教也後受天台異人數學所著有大術元圖

及義訣一卷

開元末滅度於嵩山

元奘

高僧傳姓陳氏名禪緝氏人武德中任莊嚴寺受諸經論一聞不忘後徧游荆揚等州訪諸道隣復還京輦貞

觀初往西域求經至羅賓國道險不可過裝閉室而坐久見一老僧授以心經一卷誦之遂得坦途虎豹潛跡至佛國取經六百餘部以貞觀十七年還令任王華翻譯經藏麟德初告門人曰有爲之法必歸磨滅泡影形質何得久停行年六十五必卒至期果然色貌如常葬於白鹿原初奘將往西域手撫靈巖寺松枝曰吾西求佛教汝可向西而長若吾歸卽却東廻使吾門弟子知之及去其枝年西指約長數丈一日忽東向弟子曰吾師還矣乃西迎之



果至至今稱其  
松爲摩頂松云

**慧安**

高僧傳姓衛氏支江人隋大業中開通濟渠大發丁夫  
饑殍相枕安乞食救濟及唐武后徵安待以師禮賜紫

袈裟辭歸嵩嶽年一百二十八比將寂囑門人曰吾死置  
屍林中待野火焚之如其言果野火自燃得舍利八十粒

**破竈**

潛確類書岳山廟有一竈甚靈祭享甚衆隋和尚以杖  
擊之三下云咄只是泥土合成聖從何來竈乃隨落須

臾一青衣人拜師曰我是竈神久受業報蒙  
說無生得脫此處特來相謝因號破竈和尚

**崇珪**

高僧傳姓姜氏邾城人先居南嶽慈和寺抵嵩山居嶽  
寺太和時洛都亢陽惟嵩下多雨或謂珪之德能動龍

神也卒時年八十六  
白侍郎爲撰塏銘

**華嚴**

傳燈錄學於神秀調之北祖嘗在洛都天宮寺弟子三  
百餘每日堂食齋集有夏臘者因借鉢於沙彌誤碎之

臘因怒而死遂化蛇來殺沙彌  
嚴以錫杖叩其首禁戒而去

**贊律**

全唐詩釋清江送贊律歸嵩山有  
清貧修道苦孝友別家難之句

大證

徐浩大證禪師碑嵩嶽寺後有徐浩楷書碑剝落將盡

猶可辨識者爲達磨傳慧可傳僧燦燦傳宏信信傳  
宏忍忍傳大通通傳大照照傳廣德德傳大

證

一一授手一一摩頂相承如嫡密付法印

法藏

集異記蜀僧遊嵩山路逢梵僧附書與竹林寺上座曰  
但到嵩嶽寺入石三門登逍遙臺望之山腹是也法藏

至寺登臺遂有二童來迎入寺叅禮上座投

書問次見天使持書帝釋請五百尊者齋

大誓

金石錄有碑在嵩嶽  
寺後元和二年也

晏公

高僧傳會善寺無水唐時高僧晏公講經于此龍變作  
人來聽晏公向龍乞水龍贈以泉自殿右宛轉流及山

門而沒止供寺

汲不資灌溉

乘如

五燈會元會善僧大歷二年如請允抽白馬寺僧赴戒  
壇洒掃講律具表謝帝手敕答之至維過乘如禪師蕭

居士嵩邱蘭若詩無着天親弟與兄嵩邱蘭若一峰晴食

隨鳴磬巢鳥下行踏空林落葉聲迸水定侵香案濕雨花

應共石牀平深洞長松何

所有儼然天竺古先生

普寂

傳燈錄北宗神秀門人普寂立其師爲六祖而自稱七祖

元珪

高僧傳永淳時嵩嶽閑居寺釋元珪廬嶽之龐塢一日有偉丈夫從部曲來謁曰我嶽神也請受正戒珪與講

論甚久授以五戒神言願報慈德師曰東嶽寺之障莽然無樹北岫有之而背非屏擁神能移此樹於東嶺乎神曰聞命幸無駭是夜暴風吼雷物不安所詰旦和霽則北嶽松柏盡移東嶺森然行植焉

元同

陸長源戒壇記高僧元同律師與一行置五佛正思惟戒壇

彥暉

說嵩陽武人姓孫氏於嵩山少室寺受大戒習毘尼洞達內典不畜門徒惟勞自己勤勤化道默默進修號爲

佛子明百法論所著書盛行于世

倚箔僧

宋馬純錄僧極山野衫衣藍縷居倚箔山洞中一日坐椅誦法華經俄白蛇出水中其大如梁由椅前右

繞盤于左高如椅僧怖厲聲曰龍出必欲問經僧爲龍講此一品既終龍由舊徑右繞入潭中

志操 惠瑒

曇宗

裴淮少林寺碑記太宗龍躍太原軍次廣武大開幕府躬踐戎行僧志操惠瑒

曇宗等審靈瞻之所往辨謳歌之有屬率衆以拒僞師抗表以明大順執充侄仁則以歸本朝云云曇宗爵大將軍

義淨

戒壇記少林僧同寺主義獎重結戒壇

丁居士

法苑珠林定陶人居嵩山禮事普寂得其深法將終跏趺而寂遠近諸寺鍾磬不擊自鳴人多異之

惟寬

高僧傳姓祝氏衢州人出家止嵩山少林寺元和初被召白樂天問曰禪何又說法寬曰被身爲律說口爲法

行心爲禪其教一也江淮河漢在處立名水豈二哉律卽是法法不離禪心無損傷不必要修理無垢淨一切勿念金屑雖珍在眼爲病真修者不得勤不得忘無近執着休落無明此心要也歿諡大徹

淨顯

金唐詩洛陽首座沙門善詩

王旻

神仙通鑑居洛陽青羅山鄉里見之已數百歲開元中召至京待以優禮復遣從李元靖求補僊書還請歸舊

山不復入城嘗與達奚侍郎友善後旻死猶杖履詣達奚人始知其尸解云

申泰芝

神仙傳洛陽人徙居長沙嘗遊息南嶽訪神仙之文一夕於祝融頂遇真人傳金丹火龍之術遂能乘虛

神遊隱顯出入人不能測

王元宗

碑銘臨沂人歿葬中頂石室銘其曰授詞理真率生死脫洒無礙得腐滯之氣末云風雲聚散山水虛盈

谷神不死我本長生

仙風道骨猶或見之

焦鍊師

李白詩序嵩山有神人焦鍊師者不知何許婦人也又云生於齊梁時其年可稱五六十年常胎息絕穀居

無室廬澗行若飛倏忽百里世或傳其入東海登蓬萊竟不能測其往也予訪道登三十六峰聞風有寄酒翰遙贈

潘師正

唐書本傳貝邱人師事王遠知盡以秘訣及符籙授之居嵩山逍遙谷二十餘年惟服青餹飯松葉飲水

而已高宗幸谷問師正山中何所須對曰所須茂松清泉此山中不乏命作符書辭不解明日步輦載至行宮與語

信宿勅建崇唐觀精思院處之及營奉天宮又於逍遙谷口置仙游門苑北置尋真門賜詩幾數十首甚見尊禮卒

年九十八

諡體元

吳筠

唐書隱逸傳字真節華陰人天寶初隸道士籍乃入嵩山依潘師正究其術元宗召見大同殿與語甚悅敕待

詔翰林獻元綱三篇帝嘗問道對曰深于道者無如老子  
五千文其餘徒喪紙札耳復問神仙治鍊法對曰此野人  
事積歲月求之非人主宜留意每開陳皆闕名教知天下  
將亂懇還嵩山詔于嵩山立道館與孔巢父李白相善

司馬承正

唐書隱逸傳名子微師潘師正于嵩陽受金根上

東華上清真人武后累徵不起睿宗召見厚賚遣還公卿  
多賦詩送之承正博學能文善篆隸自成一家常以三體

寫老子卒時

年幾百歲

如滿

醉吟先生傳居龍門香山寺與白  
居易善繡珠如滿香山九老之一

李筌

列仙傳號達觀子居少室山常至嵩山虎口巖得黃帝  
陰符經緘以玉匣題曰大魏太平真君二年七月七日

上清道士冠謙之藏諸名山用傳同好其本糜爛筌抄讀  
不曉其義理因入秦至驪山逢一老姥因路旁遺火燒樹  
自言曰火生於木禍發必克筌問之姥曰少年顛骨貫於  
生門命門齊於口角血腦未滅心影不偏德賢而好法神  
勇而樂智真吾弟子也出丹書符一通貫於杖端令筌跪  
受之姥於是說陰符之義數百言姥曰日且晡吾有麥飯

爲食取袖中瓢令筌取谷水水滿而瓢不能舉比還失姥所在留麥飯筌食之自比絕粒

### 李八百

傅梅嵩書唐有道士李八百鍊藥於嵩峰之下常有三百鶴飛集峰頂

### 王道士

李頎送王道士還山詩嵩陽道士餐栢實居處山花對石室心窮伏火陽精丹口誦准王萬畢術又曰出

人形廷佩金印承恩赫赫如王侯道士當亦詔對被寵者

### 靖長官

嵩書卽唐末登封令應靖也靖在縣日值黃巢之亂率百姓往保太室尋卽棄官學仙隱其姓以名行焉

### 韋善俊

唐書本傳京兆人在嵩陽觀事黃元願參佩道法有劉文兒於山內見神人長丈餘介甲而坐見善俊來

起逐之後善俊過壇墟店遇黑駝犬繞旋不去因畜之呼爲烏龍將遊少林食以齋飯僧不悅謝曰吾過矣卽乘犬

去望之愈遠犬愈大長數丈化爲龍世俗謂爲藥王云

### 田璆

鄧韶施肩吾嵩嶽記三禮田璆與其友鄧韶博學能文皆以人昧不能彰其明家於洛陽元和間中

秋之望携榼出門求望月地遇三書生邀入別莊飛泉松桂奇草異花頃見群仙相會歌詩和樂復出來時車門淮

見嵩山嵯峨比京畿已歲餘其家人招魂葬於北邙之原墳草宿矣

邢和璞

唐書本傳善筭心術凡人心之所計布筭而知之卜居潁陽石堂山之洞著潁陽書三篇復能以法活死

者有友人居白馬坡下和璞至死已踰日璞置尸於牀引其衾同卧閉戶良久起具湯沐須臾即活又崔司馬與璞善疾篤聞寢壁有穿穴聲窺之有微隙漸大見一人紫衣大冠坐車中導從甚多謂崔曰邢先生令太乙相救言訖而去疾遂愈

異跡甚多

劉道合

唐書本傳宛邱人與潘師正同隱嵩山高宗置太乙觀居之數被召屬久雨帝命道合禳禱俄霽帝將封

泰山命道合馳傳先登祈福祐賜資甚多

皆散給貧者後爲帝作丹劑既成而卒

五代

楊納

五代史有權謀機識與舒元講習於嵩陽避亂客於李貞遺納更姓李名平與舒元間道奉表求救於唐

宋



許昌齡

宋史本傳字安世蚤得神仙術潁陽石堂山石室即邢和璞算心處昌齡愛其奇卜居焉歐陽文忠公

致與語贈詩云綠髮青瞳瘦骨輕飄然乘鶴去吹笙西清詩話載文忠贈昌齡七律有雲中大吠流星過天外雞鳴

曉曰初之句可想見其人矣

賀蘭棲真

宋史本傳不知何許人爲道士自言百歲善服氣不憚寒暑往來不食或時縱游市廛間能啖肉數

斤居嵩山紫虛觀張齊賢與之善真宗作二韻詩賜之大中祥符三年卒時大雪經三日頂猶熱

賀蘭歸真

任銓談苑有奇志異術隱居嵩山景德中真宗朝懷因訪異人左右以歸真聞召對問曰知卿有點

化術可言之歸真奏曰臣請言帝王點化之術願以堯舜之道點化天下可致太平

王仔昔

宋史本傳洪州人始學儒自言遇許遜得秘傳出遊嵩山能道人未來事政和申徽宗召見賜號冲隱處

士帝因早禱雨遣使持紙求仔昔至則篆符其上乃細書焚符湯沃而洗之使者懼不敢受強之乃持去蓋帝默祝

爲宮妃洗赤日者依其言一沃立愈進封通妙先生

嵩陽叟

宋史石熙載傳熙載遊嵩陽道中遇一叟熟視之曰真太平良弼也吾幼爲唐相房元齡檢書蒼頭公酷

似房公語訖卽滅汰  
宗朝石爲左僕射

朗然子

舊志姓劉名希岳字望嵩本漳水舉人棄儒歸元端拱中居洛之通元觀多異跡一日忽辭鄉人遠行鄉

人聚送見其擁衲兀坐漸失所在衆大驚俄聞蟬聲振耳異於平時衆仰視則擁彩雲冉冉上昇也後人名其地曰

桃花坊有修真詩三十首刻今樓霞宮

劉居中

嵩書沐人少時隱於嵩山居山巔之控鶴庵二十年嘗聞石壁間讀書聲後壁摧得異書甚多又嘗聞異

香滿室經日不散不知所從來也百餘歲  
至南渡後高宗嘗召入宮號冲靜處士

張道人

馬純倚箔山錄宣和末有張道人居倚箔山洞前茅屋中其人清瘦輕強眼珠碧色舉止若兒童前人居

洞輒遇怪恐怖甚者雷雨擊置山下獨張居三年無所見惟見洞中潭水微動卽有雲生水上雲出洞必雨雨止雲

覆山有龍復歸潭嘗游諸山洞穴行大蛇背居路險亦難  
十皆不知名往往有骨積於旁深僻多不可居路險亦難

到張登石壁其上  
如飛故能深歷也

邊洞元

雋書洛陽人幼隸籍爲道士游四方貨藥自給一日登崑嶺遇書生以木簡負數冊書又携一壺同憇古

松之下旣別  
贈一卷書

韋安之

太平廣記河陽人往少室尋師遇冥司主  
典曰張道約爲兄弟同師李潛經一年

王崇祐

王成之

張若柔

元梁宜崇福宮碑宋王崇祐王成之張若柔俱有道德者也一出

於是

混沌

趙藻齊營錄太祖微日嘗與一道士游無姓名自曰混沌  
飲爛醉且善歌能引其喉於杳冥之間作清

之聲時一二句隨天風飄下惟太祖聞之御  
極後求之無踪或見於輾轅道中或嵩洛間

金

劉處元

金史本傳字通妙號長生子武官人大定十  
洛城東北雲溪洞門人爲鑿洞室忽得石井

仙釋

異處元陶車遠數尺更有二井此三生前脩煉處鑿之果  
然金主史本至道之要對曰寡嗜欲則身安薄賦斂則國

泰金主

初以故寓菴爲靈虛觀以居之

邱長春

金史本傳名處幾世爲嵩陽顯族金大定間遇重陽真君於海上傳其學至元太宗以蒲輪起於昊天觀

見上於漠北大雪山問治已平天下之道對以清靜寡  
欲愛民布德用賢及上天好生惡殺之語上命書諸策

郝講師

元好問詩長安冠蓋羅青雲洛陽車馬爭紅塵怪君掉頭不肯住寂寞來作由東鄰

泰然

洛陽志名維樂俗姓張昌平人駐錫洛之法藏寺卽今水陸禪堂僧所重建也以念豆佛爲人廊之自常拈一

豆示人人莫之知一日沐浴焚香謂弟子曰吾生世緣盡  
於此端坐而化時有白氣騰空拜禮者甚衆邑人於七里

橋見僧拈豆西行猶通寒暄如  
平日到寺僧已示寂旬餘矣

陶復朴

宜陽志號曰冲子東萊人大安初愛宜陽山水遂卜居焉後遇米真人道益振今屏山有陶公洞

元

福裕

程鉅夫裕公碑姓張氏文水人幼時目了千言鄉閭稱聖小兒依休林師祝髮元世祖命住少林屬嵩少煨燼

之餘興仆起廢訓徒說法施者如嶽來者如歸市嵩陽諸刹金碧一新經壇不輟皆裕力也世以興復嵩寺功比開

山謂之祖師皇慶元年贈大司徒追封晉國公

緊那羅

嵩書至正初有一僧至少林蓬頭裸背跣足著單裋在厨中作務數年慇勤負薪執爨朝暮寡言暇則閉

目打坐人皆異之莫曉其姓名後紅巾賊率眾突至少林欲行劫掠此僧持一火棍出變形數十丈獨立高峯賊眾驚怖而遁大叫曰吾是緊那王也言訖遂没塑像寺中遂爲少林伽藍神

溥光

說嵩仕至昭文館大學士中奉大夫爲僧於會善賜號圓通元悟禪師嘗書揀公茶榜刻石於嵩山戒壇

馬丹陽

列仙傳灑池人母夢仙入室而生首相奇偉篤嗜黃老之術謝婚辭父隱於邑東千秋鎮之南岩築室以

居能隱形異貌疑鉛鍊丹丹成凌空而去遺址尙存今人目其居爲仙岩云

明

馬之瑤

嵩書太康人居嵩山太室絕頂善吸影導氣之術雨

謂人曰吾與龍王祝爲乞雨聳身入龍潭中頃之出  
衣履不濡曰某日雨輒驗語多顛狂不經人不能測

徹空

少林寺志洛陽人手內有文成慈字少時祝髮書習釋  
典夜讀儒書天順中令僧未度者還俗空歸家父母議

婚辭之後請度參從公得曹洞真宗從公遂將僧伽黎印  
證法語手卷並拂塵付之任少林以高僧兼工詞賦詩

干文者戶外履嘗  
滿歿葬少林寺西

文載

說嵩別號月丹通州人幼戲作種種佛事祝髮後參扣  
少林闕大藏經衣不解帶暇則流覽羣書正德間祠部

署授少林寺主十  
六載門人以干計

匾匡

說嵩號無空姓陳氏禹州人出家少林寺禮梵僧爲師  
周流寓內復返少林再之峩喟行至夔州江中曰道曠

無涯逢人不盡登岸端坐而逝其徒等  
以少室爲發身之地乃歸骨建塔葬之

常潤

汪道昆潤禪師檢記號幻休俗姓出家少林黃持戒律  
凜獨覺覺羣迷口孳孳以道自任及門多人著語錄

大鞋

少林寺志不知何處人以常着大鞋人呼大鞋僧不識一字遇開講輒來聽居達磨洞冬夏惟一衲每曰下山

乞食嘗以二更時獨行歸洞如遇雨雪卽四五日不出好事者訪之見儼坐如常間有以飯飯之者固却卽留亦不

食云本欲省事恐緣此遂煩人也諸人問道隨意答語必簡而元一縉紳固叩真詮答云君輩每患口有是言心不

能然但能認真幹去便是何必他問忽一日欲去人問之曰爲人尋覓漸多恐尙有損漏也入終南不知所終

正道

畫其目道公碑字無言俗姓胡氏萬歷壬辰祠部署公任持少林領衆十有七年戒行冰潔機辨泉流升堂普

說入室小叅莫不摧彼疑城登之覺岸典型卓爾清規肅然

風高老

較耕錄偃師人幼爲舖長晝寢夢老人蹴之曰呂仙至高驚起視不見復寢夢如前起見道士自西來遂

拽其衣呼且行過孫家灣迄不放道士叱曰子風矣以手揮之高遂魔常行乞作穢屢被毆辱三年乃醒不知所終

无陽子

偃師志姓姬山東海豐人與弟挺陽同學道後修煉於緱氏山中一日同飛昇去

張道元

孟津志能縣人深明道德經宏治間來津下古里依同道金玉梁滿以居年八十坐滅移棺西臯有數鶴

徘徊其上掩土乃  
去註有道德諦釋

### 國朝

### 黃守才

僊師志字英傑僊師人生有奇徵相貌瑰異幼失怙

才取黃紙作符焚之曰沙退再行矣俄風起沙移人呼爲

活河神建廟祀之守才亦自負多談休咎值伊洛交漲民

河決金龍口詔潞王及侍郎周慶謨塞之費十數萬不克

旨封靈佑襄濟之神人皆稱爲黃犬王建廟甚夥

### 羅漢

孟津志字亞棄西域昆盧國人深眼碧睛墨面環鬚宛

國二十經途三萬餘里康熙間住錫孟津覺海寺寒暑但

寂

終



河南府志卷之五十

人物志十三

流寓

天地逆旅萬物過客萍踪鴻跡無定在也河南郡爲漢  
晉都邑唐宋陪京士大夫悅其風土老而自逸於洛者  
不可勝數香山綠野至今艷稱之星聚中天輝映河嶽  
豈非一郡增勝者乎茲錄其最著者爲一卷寓賢衆多  
不能盡詳也志流寓

漢

竇廣國

漢書外戚傳字少君年幼時爲人畧賣其家不知其  
處傳十餘家至宜陽爲其主人入山作炭暮臥岸下

岸崩百餘人盡壓死少君獨不死自卜數日當爲侯從其家之長安聞漢孝文新立竇皇后乃其姊也上書自揀驗其符信遂立爲侯廣國與土人居有節行不敢以尊貴驕人孝景帝立乃封廣國爲章武侯

韓安國

漢書本傳梁城安人後遊洛陽常受韓子雜家說於騶申生

司馬談

漢書司馬遷傳長安人先世爲周太史武帝始建漢家之封談留滯周南不得從事子遷遠遊見父於河

洛之間執手而語言史事之未竟遷伏首流涕受遺命爰次舊所聞作史記承談志也

丁寬

漢書儒林傳字子襄梁人受易田何復至雒陽從周王孫受古義號周氏傳

班超

漢書本傳字仲升扶風平陵人弟固任洛陽校書郎超隨母至任家貧常爲官傭書以供養久勞苦超投筆嘆

曰大丈夫無他志略尤當效傅介子張騫立功異域以取封侯安能久事筆硯乎永平間用薦奉使西域累建殊勲

封定遠侯永元十四年上疏乞歸詔許之還洛踰月而卒

劉昆

後漢書本傳字桓公陳留人王莽時避難河南負犢山中光武時爲江陵令反風滅火遷宏農太守虎北渡河

徵爲光祿勳後拜散騎都尉老乞骸骨歸賜洛陽第以千石祿終其身

王充

後漢書本傳字仲任會稽人授業太學家貧無書嘗遊洛陽市閱舊書一覽輒能誦通百家之言

賈逵

後漢書本傳字景伯平陵人誼九世孫自爲兒童在太學不通人間事身長八尺二寸諸儒爲之語曰問事不

休賈長頭性愷悌多智思倣儻有大節尤明左氏傳國語爲之解詁五十一篇永平中上疏獻之顯宗重其書寫藏

秘館

郭泰

後漢書本傳字林宗介休人早孤母欲使給事縣廷泰曰大丈夫焉能處斗筲之役乎遂辭就成臯屈伯彥學

學成遊洛陽李膺一見大奇之遂相友善於是名振京師卽歸衣冠諸儒送至河上車數千輛泰與李膺同舟而濟衆賓望之以爲神仙焉

爲神仙焉

郭亮

後漢書李固傳字恒直汝南人固弟子年始成童遊學洛陽乃左提章鉞右秉鈇鑽詣闕上書乞收李固屍不

許因往臨哭陳詞於前守喪不去

孔奇

後漢書孔奮傳扶風茂陵人奮之弟游學洛陽遂博通經典作春秋左氏刪

任末

後漢書本傳字叔本蜀郡繁人少習齊詩遊京師教授十餘年友人董奉德于洛陽病亡躬推鹿車載喪致其

墓所由

是知名

李恂

後漢書本傳字叔英安定臨涇人肅宗時拜兗州刺史以清約率下遷張掖太守有威重名又遷武威太守後

坐事免步歸鄉里因詣洛陽當徙居新安關下拾橡實以自資年九十六卒

尹軌

水經注字公度太原人博學五經尤明天文星氣潁洛識緯無不精微後隱居太和山太和城北左右深松列

植筠栢交蔭其隱處也

蔡邕

羊欣筆法字伯喈陳留人嘗入嵩山學書于石室內

張芝

書史字伯英嘗寓嵩山獲蝌蚪書于西巖嵩山志其地名蝌蚪巖

張伯大

鄧子敬

風俗通居緱氏城中相敬愛如兄弟以教授養聲價伯大爲議郎益州太守子敬辟

徒司

三國

王弼

魏志鍾會傳并注字輔嗣山陽人于粲族孫居偃師註釋老子尤精易學初與鍾會並知名為尚書郎年二十

四卒葬於偃後封偃師伯

晉

閻纘

晉書本傳字纘伯巴西安漢人祖圃為張魯功曹勸魯降魏封平樂鄉侯父璞嗣爵仕吳至牂牁太守纘僑居

河南新安少游英豪多所交結博覽墳典該通物理事繼母孝謹十餘年不怠官至漢中太守

皇甫謐

晉書本傳字士安幼名靜安定朝那人漢太尉嵩之曾孫出後叔父徙居新安自號元晏先生

陸機

晉書本傳字士衡吳郡人少有異才文章冠世太康末與弟雲入洛造太常張華華素重其名如舊相識曰伐

吳之役利獲二俊以預誅賈謐功賜爵關中侯時晉室將傾顧榮戴淵等咸勸機還吳機負其才望志匡世難不從

卒及于難臨刑嘆曰華亭鶴唳豈可復聞乎時年四十三弟雲及二子俱被害

顧榮

晉書本傳字彥先吳郡人與陸機兄弟同入洛稱江東三俊居數年從元帝渡江仕至散騎常侍

索靖

晉書本傳字幼安敦煌人見晉政不綱指洛陽宮門銅駝歎曰會見汝在荆棘中耳已而果然

劉宏

晉書本傳字和季沛國相人有幹畧政事才少家洛陽與武帝同居永安里又同年共研席以舊恩起家爲太

子門大夫累遷寧朔將軍假節監幽州諸軍事以勲德兼茂封宣城公太安中轉鎮南將軍都督荊州諸軍事永興

初卒於位贈新城公諡曰元

潘岳

晉書本傳字安仁滎陽中牟人父芘琅琊內史岳少以才穎見稱鄉邑號爲奇童早辟司空太尉府舉秀才泰

始中武帝躬耕藉田岳作賦以美其事岳才名冠世爲衆所疾遂栖遲十年出爲河陽令勤于政績調補尙書度支

郎遷廷尉評以公事免退而閑居于洛之浹作閑居賦

潘尼

晉書潘岳傳字正叔岳從子祖勛漢東海相父滿平原內史並以學行稱尼少有清才與岳俱以文章見知性

靜退不競唯以勤學著述爲事著安身論以明所守初應州辟後以父老辭位致養太康中舉秀才爲太常博士歷高陸令元康初拜太子舍人出爲宛令在任寬而不縱恤隱勤政厲公平而遺人事入補尚書郎俄轉著作郎歷官至中書令遷太常卿 按潘岳潘尼洛陽鞏縣俱載列人物今據史定爲流寓

**葛洪** 晉書本傳字稚川丹陽句容人以儒學知名太安中石冰作亂吳興太守顧秘檄洪爲將兵都尉冰平洪不論功賞徑至洛陽欲搜求異書以廣其學著西京雜記二卷建武故事三卷永平故事三卷

**左思** 晉書本傳字太冲齊國臨淄人家世儒學思貌寢口訥而辭藻壯麗以妹芬入宮移家京師欲作三都賦構思十年門庭藩溷皆著紙筆得句卽疏之自以所見不博求爲秘書郎及賦成造皇甫謐示之謐稱善爲之序張華見而嘆曰班張之流也于是豪貴之家競相傳寫洛陽爲之紙貴

**趙至** 晉書本傳字景真代郡人寓居洛陽值緱氏令到官至年十三與母同觀母曰汝先世非微賤世亂流離遂爲士伍爾後能如此否至感母言詣師受業聞父耕叱牛聲投書而泣師怪問之至曰我小未能榮養使老父不免勤

黃鍾甚異之年十四詣洛陽太學遇稽康寫石經徘徊觀之不能去後游鄴入吳向遼西辟幽州從事太康中以良吏赴洛而母已亡矣號憤

歐血而卒時年三十七

陳壽

晉書本傳字承祚巴西安漢人張華愛其才除著作郎領本郡中正撰魏吳蜀三國志凡六十五篇時人稱其

有良史才遷廣長太守辭母老不就職母遺言令葬洛陽壽遵其志起爲太子中庶子未拜元康七年病卒尙書郎范頴奏其遺書詔下河南尹洛陽令就家寫焉

王長文

晉書本傳字德獻廣漢人少以才學知名州府辟命皆不就著書四卷擬易名曰通元經梁王彤爲丞

相引爲從事中郎在洛出行輒著白旂小鄣以載車當時異焉後終于洛

張軌

晉書本傳字士彥安定烏氏人家世孝廉以儒學顯父溫爲太官令軌少明敏好學有器望姿儀典則與同郡

皇甫謐善隱于宜陽女儿山泰始初受叔父錫官五品中書監張華與軌論經義及政事損益甚器之永寧初出爲護羌校尉涼州刺史累官至侍中太尉涼州牧西平公卒年六十謚曰武公



張翰

晉書文苑傳字季鷹吳人有清才善屬文而縱任不拘號爲江東步兵會稽賀循赴命入洛經吳闚門于船中

彈琴翰初不相識與言談大相欽悅知循入洛便同載去而不告家人齊王問辟爲大司馬東曹掾翰因見秋風起

乃思吳中菰菜蓴羹鱸魚膾嘆曰人生貴得適志何能羈宦數千里以要名爵乎遂命駕而歸

董京

晉書隱逸傳字威輦不知何郡人也初爲隴西計吏俱至洛陽被髮而行逍遙吟詠常宿白社中時乞於市得

殘碎繒絮結以自覆全帛佳絲則不肯受或見推排罵辱曾無怒色孫楚時爲著作郎數就社中與語遂載與俱歸後數年遁去莫知所之於其所寢處惟有一石竹子及詩二篇

董養

晉書隱逸傳字仲道陳留浚儀人泰始初到洛下不干祿求榮每覽國家赦書因著無化論以非之永嘉中洛

城東北步廣里中地陷有二鵝出焉其蒼者飛去白者不能飛養聞歎曰昔周時所盟會狄泉卽此地也今有二鵝蒼者夷象白者國家之象其可盡言乎顧謂謝鯤阮孚曰易稱知機其神乎君等可深藏矣乃與妻荷檐入蜀莫知所終

王尼晉書本傳字孝孫城陽人本兵家子寓居洛陽爲護軍府軍士胡母輔之與王澄傅暢劉輿荀邃裴遐迭屬河南功曹甄述及洛陽令曹據請解之皆以制有所及不敢輔之等齎羊酒詣護軍門尼時以給府養馬輔之等入坐馬廄下與尼炙羊飲酒醉飽而去竟不見

### 南北朝

楊愔北史楊播傳字遵彥華陰人幼受詩易好左氏春秋及長能請言容止可觀有識者多以遠大許之元魏永安中拜散騎常侍愔以世故未夷志在潛退乃謝病隱於嵩山北齊神武時徵赴晉陽拜大行臺右丞未幾棄衣冠于水濱變易姓名自稱劉士安入嵩山與沙門曇謨徵屏居削迹後神武徵至復其官封華陰縣侯

徐審

北史本傳字成伯丹陽人善醫藥入居嵩高高祖車駕

次汝墳疾太漸召審治驗下詔右軍將軍徐成伯馳輪太室進療汝藩重加陟賞之語授鴻臚卿金鄉縣開國伯食邑五百戶正始元年加平北將軍光祿大夫卒諡曰靖

柳蚪

北史本傳字仲盤河東解人馮儻引爲府主簿加鎮遠將軍棄官還洛陽乃退耕於陽城累遷車騎大將軍儀

同三司蚪脫畧人間不事小節傲衣蔬食未嘗改操嘗曰衣不過適體食不過充饑孜孜營求徒勞思慮耳卒諡孝

王鎮惡

宋書本傳北海劇人猛孫年十三符氏賊流寓崑澠之間嘗寄食澠池人李方家方善遇之謂方曰若遭

遇英雄主要取萬戶侯當厚相報方答曰君丞相孫人才如此何患不富貴至時願見用爲本縣令足矣後仕宋北伐爲咨議叅軍行龍鑲將軍軍次澠池造故人李方家升堂見母厚加酬賚卽版授方爲澠池令以軍功進號征虜將軍爲沈田子所害追封龍陽縣侯食邑千五百戶諡曰壯侯配食高祖廟庭鎮惡弟康爲前將軍行參軍鎮惡被害康逃藏得免高祖卽以康爲相國求還洛陽視母尋值關陝不守康唱集義徒共保金墉城爲守戰之脩時寇盜攻逼交至康堅守六旬宋遣將救之諸寇始各奔散高祖嘉康節封西平縣男食邑三百戶永初元年卒金墉塋偃

師城西追贈

輔國將軍

李冲

魏書本傳字思順隴西人孝文車駕南伐冲以輔國大將軍統衆翼從定都洛陽遂家焉冲兄弟六人四母所

出頗相忿鬪及冲貴封祿恩賜皆以共之父亡後同居二十餘年至洛乃別第宅更相友愛累官至左僕射留守洛

陽冲機敏有巧思洛都初基安處郊兆新起堂寢皆資于  
冲勤志強力孜孜無怠且理文簿兼營匠制几案盈積制  
刷在手終不勞厭也及卒諡曰文穆墓于覆舟山近杜預  
冢高祖之意也後車駕自鄴還洛路經冲墓左右以聞高  
祖臥疾望墳掩泣久之

隋

王通文中子字仲淹號文中子龍門人董常之喪通赴洛道  
于灑池至人不授館通有饑色坐荆棘間讀易不輟正  
人聞之召舍具餐遂棲灑池講學從遊甚衆灑池道學之傳自通始

唐

李泌唐書本傳字長源京兆人開元時以奇童召對張九齡  
呼爲小友博學善治易明皇欲官之不可使與太子爲  
布衣交楊國忠惡之隱居嵩山之潁陽天寶中請闕獻明  
堂九鼎議待詔翰林供奉東宮嘗賦詩譏楊國忠安祿山  
等肅宗卽位靈武泌謁見陳天下所以成敗事辭官以容  
從入議國事出陪輿輦人指曰黃衣者聖人白衣者山人

後歷事四帝封鄴侯柳班  
稱兩京之復泌謀居多

陸贄

唐書本傳字敬輿嘉興人貞元中官中書舍人時帝遣  
中人迎其母韋至京俄宅憂客居東都諸賜遺不受惟

布衣交韋臯所致先以間詔令  
受之復遷故鄉父樞合窆洛陽

裴度

唐書本傳字中立河東聞喜人貞元初擢進士第累拜  
門下侍郎平章事討吳元濟有功進宏文館大學士知

政事太和四年出爲山南東道節度使頃之固請老不許  
八年徙東都留守俄加中書令時閹豎擅威度不復有經  
濟意乃治第東都集賢里作別墅號綠野堂野服蕭散不  
問人間事帝知度年雖及神明不衰每使臣自洛來必問  
度安否開成二年復以本官節度河東  
明年以病丐還東都卒贈太傅諡文忠

李德裕

唐書本傳字文饒趙人宰相吉甫子承先志治東都  
平泉莊亭館臺榭甲于一時園多奇石而醒酒石爲

第一形諸詩歌以洛爲桑梓邑子孫遂家焉德裕貶崖州  
子奕等俱死貶所奕子延古乾符中官司勳員外郎還居  
平泉昭宗東遷坐不  
朝謁貶衛尉主簿

李源

唐書本傳愷之子并州文水人愷官東都留守祿山之亂城陷死節時源八歲俘爲奴及史朝義敗故吏識源

于洛陽者贖出之屬代宗聞授河南府叅軍遷司農主簿以父死賊手常悲憤不仕不娶絕酒葷惠林寺者愷別墅

也源依以居終日一食佛殿乃其先寢每過必趨未始踐皆自營墓爲終制時時偃卧庭中長慶初年八十御史中

丞李德裕薦之除諫議大夫使者責手詔緋袍牙笏絹二百匹至洛宣賜源苦陳老疾不堪趨拜表謝辭竟卒于寺

李景讓

唐書本傳字後已贈太尉愷孫也性方嚴有守事親克孝雖老猶受箠責已起欣欣如初嘗爲浙西觀察

使怒牙將杖殺之軍且變母鄭氏廷責之曰爾鎮撫方面而輕用刑一夫不寧豈特上負天子亦使百歲母銜羞泉

下何面目見先大夫將鞭其背吏大將再拜請皆泣謝乃罷一軍遂定後官御史大夫致仕還東都門無雜客李琢

罷浙西以同里訪之避不見及去命廡其扁石元和後大臣有德望者以居里顯景讓宅東都樂和里世稱清德者

號樂和

李公云

白居易

唐書本傳字樂天太原人貞元中舉進士補校書郎遷翰林學士文宗時累官刑部侍郎封晉陽男作馬

翊縣侯會昌初以刑部尚書致仕歸洛陽居履道里疏沼種樹構石樓香山鑿八節灘稱香山居士常與胡杲吉啟劉真白鄭據盧慎張渾李元爽僧如滿燕集人慕之繪爲九老圖卒贈尚書右僕射宣宗以詩弔之弟行簡擢進士

敏而有辭官至

振武營田使

孟郊

唐書韓愈傳字東野湖州武康人少隱嵩山貧居苦吟性介少諧合惟與韓愈爲忘形交年五十第進士調溧陽尉日賦詩曹務多廢令白府以尉代之分其半俸鄭餘慶鎮興元奏爲叅謀後卒其友張籍私謚曰貞曜先生有

集十卷

賈島

唐書韓愈傳字浪仙范陽人累試不第遂習浮屠徙居東都工于詩韓愈教其爲文島遂去浮屠舉進士大中

末爲長江王簿

有長江集十卷

張濬

唐書本傳河間人以尚書右僕射致仕居洛長水墅劉季述亂致書諸藩請謀王室及昭宗幸洛朱全忠畏濬構他鎮兵使牙將如盜圍墅夜屠其家義士葉彥與濬善濬送子格入蜀少子播走淮南

**竇牟**

唐書竇羣傳字貽周京兆金城人叔向子累佐節度府晚從昭義盧從史從史寢驕牟度不可諫卽移疾歸東都從史敗不以覺微避去自賢位國子司業兄常弟羣庠鞏皆工詞章爲聯珠集

**盧仝**

唐書韓愈傳居東都愈爲河南令愛其詩厚禮之仝自號玉川子嘗爲月蝕詩以譏切元和逆黨愈亟稱其工

全唐詩傳仝范

陽人隱少室山

**裴無晦**

唐書裴寬傳聞喜人寬父袁州刺史齋裝以迎後生八子皆擢明經拔萃任內臺省外州刺史於東都仁和里治第八院相對甥姪

亦有名稱常擊鼓會食

**賈真**

龍城錄字師道河陽人嘗與柳宗元父同室讀書爲人謹順少調河陽尉才吏也後五十歲隱伊陽小水鄉和樂村鳴臯山下著書

二十卷號鳴臯子

**朝衡**

全唐詩集曰本人唐開元時爲校書郎寓居於洛儲光羲贈朝詩有出入蓬山裏迢遙伊水旁之句

**蕭頰**

唐書本傳字茂挺鄱陽王七世孫四歲能屬文觀書



子受業者號蕭夫子召爲集賢校理以不下李林甫諷劾作伐櫻桃樹賦以寓諷召請史館仍不屈林甫免官林甫死調參軍時安祿山寵恣賴士語柳并曰亂不久矣卽托疾游太室山已而祿山反賴士藏家書於箕穎間歷走諸鎮說之討賊比卒門人共謚曰文元先生

穆寧

唐書本傳字元休懷州河內人初授鹽山尉安祿山反以劉道元僞署景城寧募兵斬之德宗時以秘書監致仕歸東都四子贊質員賞贊爲御史中丞賢右補關員侍御史賞監察御史皆以守道行誼顯

五代

鄭珏

五代史本傳唐宰相繫之諸孫父徽爲河南尹張全義判官珏少依全義居河南第進士明宗朝官左僕射

龐式

托夢瑣言後唐清泰中進士龐式在嵩陽觀聚課生徒

張誼

宋史張去華傳字希賈襄邑人少孤好學諸父嘗命督耕徑則閱書樹下諸父怒詬辱之誼乃潛詣洛陽龍門書院讀書與宗人沆鑾湜結交名聞都下後唐長興中和凝擢貢舉擢第薦于宰相桑維翰拜左拾遺

宋

魏仁浦

宋史本傳字道濟汲縣人幼孤貧母爲假黃練製暑

以衣我乎因泣下辭母詣洛陽濟河沉衣中流誓曰不貴  
達不渡此河周世宗時官中書侍郎平章事宋進右僕射

符彥卿

宋史外戚傳字冠侯宛邱人存審子長女適周世宗  
卽宜懿皇后封魏王領天雄軍節度宋太祖建隆四

年移鎮鳳翔被病請還洛陽從之彥卿將家子勇畧善用  
兵契丹畏之呼爲符王居洛陽春月嘗乘小駟從家僮遊

僧寺名園  
優游自適

趙普

宋史本傳字則平幽州薊人父迥舉族徙洛陽普沈厚  
寡言范質薦爲軍事判官太祖嘗與語奇之時獲盜百

餘當棄市普疑有無辜者啟太祖訊鞠之全活者甚衆以  
佐命功累官樞密使檢校太保乾德二年授門下侍郎平

章事集賢殿大學士普旣拜相上視如左右手事無大小  
皆咨決焉淳化三年乞骸骨歸七月而卒贈尚書令追封

真定王諡忠獻普少習吏事寡學術公爲相每歸私第輒

之則論語二十篇也咸平初  
追封韓王配享太祖廟庭

王彥昇

宋史本傳蜀人後唐同光中移家洛陽明宗補爲東  
班承旨歷晉周官至龍捷軍都虞候建隆中累官原

州防禦使西人

畏之不敢犯塞

李若谷

宋史本傳字子淵徐州豐人少孤游學依姻家趙况  
於洛下遂葬其親于緱氏若谷舉進士補長社尉時

州葺兵營課民輸木檄尉受之而吏以不中程多退斥欲

苛苦輸者因以取賦若谷度材別其長短大小爲程置庭

中使民自輸真宗時遷知陝州盜聚青灰山久不散若谷

遣牙吏持榜招諭之盜殺其黨與自歸又知河南府累官

資政殿大學士以太子少傅致仕卒諡康靖子淑字獻臣

年十二真宗幸亳獻文奇之命賦詩賜童子出身試秘書

郎官至龍圖閣學士擢

河中府卒贈尚書右丞

范仲淹

宋史本傳字希文吳人少有志操做秀才便以天下  
爲己任貴後身敦儉約性好施予贍族樂義士多出

其門爲政尚忠孝所至有恩嘗奉真宗御容崇福宮登高

覆勝與歐陽修梅聖俞唱和焉歿諡文正墓洛陽縣西之

萬安山

文彥博

宋史本傳字寬夫汾州介休人天聖五年舉進士逮事四朝任將相五十餘年封潞國公元豐二年以大

師致仕居洛陽與富弼席汝言王尚恭趙丙劉几馮行已  
楚建中王慎言張問張勳司馬光王君貺乃用白居易故  
事就弼第置酒相樂尚齒不尙官已而圖形妙覺僧舍  
謂之洛陽耆英會光爲文序其事好事者莫不慕之

張昇

宋史本傳字果卿韓城人舉進士王曾稱其有公輔器  
歷龍圖閣學士仁宗拜御史中丞指陳時事無所回避

遷叅知政事樞密使與韓琦同決建儲之策英宗時累請  
老帝曰太尉勤勞王家詎可遽去命五日一至院進見母  
舞蹈司馬光亦疏昇忠謹清直昇求去益力乃以中書門  
下平章事太子太師致仕舊籍襍記張昇致政歸陽翟生  
計不豐短甕輕絳條然自適乃結菴於嵩陽紫虛谷每晨  
起焚香讀華嚴菴中無長物荻簾紙帳布被草履而已年  
八十餘卒

司馬光

宋史本傳字君實陝州夏縣人父池令光山生光因

相寓居洛中築獨樂園白號迂叟與邵子程子相游嘗往來陝洛間人化其德師其學法其儉有不善曰君實得無知之乎在洛凡十有五年哲宗卽位復召入相拜左僕射卒於位贈太師溫國公諡文正配享哲宗廟庭語林溫公優游洛中不屑世務元豐中秋與樂令子訪友洛汭過韓城抵登封憩峻極下院趨嵩陽造崇福宮至紫極觀尋會善寺越轍轅遽達西洛少留廣度寺歷龍門至伊陽訪奉先寺登華嚴閣觀千佛巖躡山徑瞻高公眞堂步潛溪還保應觀文富二公之廣化寺拜彌陽堂下涉伊水登香山到白傅影堂讀黃龕院倚石樓臨入節灘還伊口歸叙之以爲遊錄

呂誨

宋史本傳字獻可開封人登進士第歷官御史中丞以論王安石出知鄧州旋提舉崇福宮以疾表求致仕誨

居病困猶以天下事爲憂旣革司馬光往省之至則目已瞑聞光哭麗然而起張目強視曰天下事尙可爲君實勉之

奉

李建中

宋史本傳字得中京兆人祖稠避地入蜀建中年十四丁外職奉母徙居洛陽聚學以自給太李興國八

年舉進士累官工部郎中卒建中性簡靜恬於榮利前後  
三求掌西京留守御史臺尤愛洛中風土就構園池號曰  
藤居好吟詠每游山水多留題自稱巖夫  
有集三十卷子周道園士並進士及第

張載

宋史道學傳字子厚眉縣人年十九喜談兵謁范仲淹

程學比讀易學耨者奈之後入洛見兩程論易遂撤臯比謂  
學徒曰種某言易甚精蓋往從之居洛最久載於兩程爲  
中表父行以理學相勵還往尤密  
卒後封郿伯諡曰明從祀文廟

曾幾

宋史曾幾傳贛州人徙河南高宗時嘗三仕嶺表家無  
南物兄開忤秦檜幾亦坐廢檜死復起知台州累官敷

文閣待制  
卒諡文靖

范祖禹

宋史本傳字淳甫華陽人登甲科從司馬光修資治  
通鑑在洛十五年不事進取書成授秘書正字王安

石愛重之安國亦與友善嘗道安石意竟不往富弼致仕  
居洛罕與人接遇祖禹特厚疾篤授以密疏論安石誤國  
及新法事人皆謂

呂大臨

程子全書字與叔藍田人程子門人嘗讀書于緱氏山中

楊時

宋史道學傳字中立將樂人熙寧九年進士時程顥與弟頤講孔孟總學河洛之士翕然師之時調官不赴以

師禮見顥于頤及歸顥目送之曰吾道南矣顥死又見程頤于洛蓋年已十矣一日見頤頤偶坐時與游酢侍

立不去頤既覺則

門外雪深一尺矣

晁說之

宋名臣言行錄字以道鉅野人崇寧間居登封著嵩山集十九卷時與陳叔易同隱嵩山叔易赴召以道

爲詩嘲之後

亦徵爲郡

韓丕

宋史本傳字太簡華州鄭人隱居嵩陽與高冕田誥萬適楊樸相友善交遊酬唱殆無虛日淳化中任翰林學

士因召對上問曰卿早在嵩陽當時輩流頗有遺逸否丕以萬適楊田三人對上悉令召至闕下

田誥

宋史逸民傳歷城人隱居嵩山好著述聚學徒數百人舉進士至顯達者接踵宋維翰許衰皆其弟子也誥著

作百餘篇傳於世每構思必匿深草中絕不聞人聲

俄躍出卽一篇成矣

萬適

宋史逸民傳字縱之宛邱人自號適元子六七歲卽爲詩長喜學問精於道德經不求仕進隱居嵩陽專以著

述爲務有狂簡集等書數百卷

以韓丕薦召至闕卒於汴邸

楊璞

宋史逸民傳字契元新鄭人善歌詩士大夫傳誦與畢士安尤相善自稱東里遺民嘗杖策入嵩山窮絕處構

思爲歌詩數年得百餘篇淳化中以韓丕薦詔對於便殿不願仕賜以束帛與一子出身遣還乃作歸耕賦以見志

真宗朝諸陵遣

使以茶帛賜之

趙及

宋史本傳字希之良鄉人父的事契丹雍熙中王師北征乃歸授偃師令因家焉及和厚謙退內行尤篤舉進

士歷知數州吏民愛之

累遷至右諫議大夫

韓維

宋史韓絳傳字持國雍邱人請提舉嵩山崇福宮以太子少傅致仕轉少卿坐元祐黨降謫今祀嵩陽書院

張耒

宋史本傳字文潛淮陰進士有詩名蘇軾亟稱之家貧郡守翟汝文徵爲費公田謝不取晚主管崇福宮

李綱

宋史本傳字伯紀邵武進士累任兵部侍郎金人圍京師數敗之會金使議和遂罷綱士民數十萬人詣闕上



書乃召綱充四壁守禦使高宗欲南幸綱以去就

方爭尋罷之提舉洞霄宮復提舉嵩山崇福宮

趙野

宋史王襄傳開封人進士歷官刑部尚書翰林學士罷出為北道都總管已而落職提舉嵩山崇福宮

李邴

宋史本傳字漢老任城人進士累官起居舍人時北方用兵酬功第賞日數十百邴詞命無留難歷直學士院

徽猷閣待制久之落職

提舉西京嵩山

崇福宮卒諡文敏

有草堂集一百卷

朱熹

宋史道學傳字元晦婺源人進士除武學博士以和議不合歸屢召不起後知南康軍修白鹿書院屢疏極言

朝政上為動容嘉納

以論唐仲友忤王淮遂歸淮罷相遂入奏封事及奏除兵部郎官以足疾辭除直寶文閣王管

嵩山崇福宮未踰月

再召又辭卒諡曰文

曹彥約

宋史本傳字簡甫都昌人從朱熹講學第進士嘗作病夫議喻言理財者歸怨於兵弱握兵者歸咎於財

寡獻之歷官大理少卿

權戶部侍郎尋以煥章閣待制提舉崇福宮卒諡文簡

徐應龍

宋史本傳字允叔進士知高安縣呂祖儉謫高安死應龍經紀其喪誄詞甚為哀惋朱熹貽之書曰高安

人物志

流寓

之政義風凜然累遷至刑部尚書徙吏

部尚書提舉嵩山崇福宮卒諡文肅

劉光祖

宋史本傳字德修安陽人進士歷官侍御史改司農少卿進起居舍人侂胄相曰為偽學侂胄誅除顯謨

閣直學士引年不許提舉

嵩山崇福宮卒諡文節

許奕

宋史本傳字成子簡州人擢進士第一歷官起居舍人韓侂胄議開邊奕貽書論之忤胄遣奕使金人聞奕

名久禮送甚恭較射奕破的十有一乃卒行成還奏復

奏和不可恃累遷吏部侍郎提舉嵩山崇福宮致仕

崔與之

宋史本傳字正子廣州人進士累鎮撫西川功召為禮部尚書不拜蜀人思之肖像於成都仙遊閣以配

張詠趙林名三賢祠理宗復授顯謨閣直學士辭提舉嵩

山崇福宮俄授廣東經畧安撫使收服叛兵拜叅知政事

右丞相力辭疏十三

上致仕卒諡清獻

倪思

宋史本傳字正甫歸安人中博學宏詞科歷官兵部尚書求對極言樞臣史彌遠擅權覆轍可鑒彌遠懷恚思

請去位久之除寶文閣學士

提舉嵩山崇福宮卒諡文節

王居安

宋史本傳字資道黃巖人進士歷官龍圖閣直學士轉太中大夫提舉崇福宮卒贈少保有方巖集行世

晁詠之

宋史晁補之傳字知道鉅野人在揚州爲蘇軾所器累官京兆府司錄事提點嵩山崇福宮有集五十卷

許遵

宋史本傳字仲塗泗州人第進士熙寧間判大理出知潤州提舉崇福宮致仕

崔鷗

宋史本傳字德符雍邱人徙陽翟元祐中第進士元符末上書入邪等坐廢三十年靖康初擢右正言以疾乞

解官除直龍圖閣提舉嵩山崇福宮卒按宋時提舉崇福宮名流甚多今錄其最著者于右

席汝言

皇宋盛事錄字君從官尚書司封郎中致仕寓洛陽與耆英會時年七十七

趙丙

皇宋盛事錄字南正太常卿致仕寓洛陽與耆英會時年七十五

馮行已

皇宋盛事錄字肅之官衛州防禦使致仕寓洛陽與耆英會時年七十五

王慎言

皇宋盛事錄字不疑官朝議大夫司農少卿致仕寓洛陽與耆英會時年七十二

張燾

皇宋盛事錄字景元漢陽人第進士神宗朝歷龍圖閣直學士知成都府通議大夫提舉崇福宮致仕寓洛陽

與耆英會

時年七十

張問

皇宋盛事錄字昌言襄陽人進士起家累官祕書監給事中終太中大夫提舉嵩山崇福宮入元祐黨籍寓洛

陽與耆英會時年七十按以上六人皆流寓洛陽與耆英會者故並附入至鄉賢名宦已詳前傳者不贅錄

王拱辰

宋史本傳字君貺咸平人舉進士第一爲翰林學士初知河南府積官至吏部尚書遷太子太保卒諡懿

恪澠水燕談元豐五年文潞公留守西京慕唐白樂天九老會于是悉聚洛中大夫賢而老自逸者韓公置酒相樂凡十二人是時宣徽使王公拱辰年七十留守大名貽書二公預其數凡十三人按宣徽與潞公書云某亦家洛位與年不居數客之後願以官守不得在座爲恨願寓名其間則王之流寓于洛明矣

鎖政

宜陽志晉江人祖羽翰遊錦屏卜居宜陽傳至孫政登進士官翰林以年老致仕

金

張行信

金史張暉傳字信甫日照人登大定末進士官至尙書左丞致仕家居惟以教子孫爲事葺園池沐城東

築亭號靜隱往遊嵩山因曰吾意欲至此山後果終於崇  
福宮行信爲人純正眞率不事修飾兩登相位殆若無官  
然遇事輒發無所畏避每奏事上前旁人爲動  
色而自處坦如卒後雖素忌者亦曰正人亡矣

馮璧

金史本傳字叔獻眞定人進士官翰林  
修撰權右司諫元光間居嵩山龍潭寺

雷淵

金史本傳字希顏渾源人進士拜監察御史罷  
官寓居嵩山與元好問善探幽履勝多所唱和

程震

金史本傳字威卿東勝人進士授偃師主簿  
遂家焉子思溫舉進士其先塋亦在偃師

張巖叟

金史張大節傳字孟弼五臺人大定十九年登第累  
遷沁南節度使以年老不任邊要致仕退寓洛陽卒

劉昂

金史文學傳字之昂興州人有文名自成一家言詩得  
晚唐體尤工絕句大定十九年進士爲平涼副使遭當

塗之忌卜居洛陽有終焉之志

元好問

金史文學傳字裕之號遺山秀容人七歲能詩稱神  
童稍長淹貫經史百家詩文備衆體爲一時文宗學

者稱遺山先生嘗採輯詩篇名中州  
集累官員外郎金亡不仕號寓永寧

母受益

元好問送母受益歸嵩山詩薄俗科名賤孤生志願違正須謀獨往何暇計羣飛泌水真堪樂荊州况可

依青山吾舊隱

此日羨君歸

元

薛元

元史文翰傳字微之華陰人制行立言傑然當世搢紳尊之曰庸齋先生日與辛愿姚樞講貫古學有中庸注

聖賢心學編易解皇極經世圖說永寧志元于元初占籍永寧遂家焉以窮理爲學而不樂仕進後以郡教授累遷轉運使尋謝病退居洛西屢徵不起建義塾羣子弟教之谷授一經不數年教化大行以子友諒貴贈直學士追封

河南郡侯諡

文靖祀鄉賢

陳天祥

元史本傳字吉甫寧晉人以兄祐仕河南徙家洛陽中統三年李璫叛河南河北宣慰司承制以天祥爲

千戶屯三汭口防遏之事平罷歸居偃師南山有田百餘

畝躬耕讀書從游者甚衆其居近緱氏山因號緱山先生

至元起家從仕即郟復州等處招討司經歷累官中書左

丞議樞密院事卒贈河南等處中書省平章事追封趙國

公諡  
文忠

李俊民

元史儒學傳字用章澤州人得河南程氏之學承安中舉進士第一應奉翰林文字未幾棄官隱居嵩山

自號鶴鳴子嘗遇荆隱士授以邵子皇極數劉秉忠自以爲不可及薦之世祖召對大悅官之懇辭還山卒諡莊靜

秃忽赤

舊府志襄陵人進士爲河南省都事後居緱氏著痴藥子樂閑十詠

熊正德

舊府志衡陽人進士遊寓洛陽傳有梅花堂記

賈辛

舊府志高平人寓居宜陽元末授宜陽軍民都彈壓時邑治廢弛民各逃匿諭以耕獲二歲風淳事簡方古良

吏靡有過焉後加以正議大夫  
晉寧路總管追封武威郡侯

明

周洛

洛陽志字彥博其父僑居洛瀆故生子卽以洛名焉詞藻綺麗洪武時朱濂賦游山歌贈之

何順

偃師志字和從臨洮人進士累官辰州知府有清操卒于官子冕扶柩至偃遂塋于卬山之陽因家焉冕以拔

流寓

貢授慶雲訓導見子永  
成年九十三鄉飲耆賓

馬宣

舊府志章邱人洪武間以給事中  
言事謫洛口驛驛丞遂占鞏籍焉

吳謙

舊府志萬載人永樂間以舉人任教諭十  
二年不調遂致仕占籍於鞏博學善詩文

田和

舊府志崇信人永樂間以舉人任教  
諭占籍於鞏崇尙節操里人宗之

尹寧

偃師志字士安永樂間授安老縣簿判  
宣德六年調偃師主簿休致後遂家焉

孔思仁

舊府志曲阜人至聖五十四代孫天順中以明經任  
宣陽訓導持身教士必以聖言爲法未期年卒子幼

不能歸里諸生懷其德捐貲建塋鍾山陽又於西街置  
一宅遂寓居焉遺有家範條約嘉靖間知縣雷申建家廟

歲時享祀代  
有奉祀生

崔譽

洛陽志滕縣人任閩鄉訓導慕洛  
中山水徙居焉卒塋仰山之麓

陳棐

鞏縣志鄆陵人累官都御史嘉靖中賞勝  
伏牛山遂購別業于摘星樓山以寄登眺



趙貞吉

嵩縣志字孟靜內江人累官大學士隆慶中賞勝伏牛山下因築七松庵招隱有詩

鄒元標

新安志吉水人雲浦先生之友同講學川上書院數載始歸後官至都察院左都御史

王以悟

新安志字惺所陝州人進士儒童時聞雲浦先生講學裏糧執贊佩服德教居新十餘年

崔儒秀

新安志陝州人進士自童子時就學於雲浦先生十年以制科歷地官丁艱起兵巡僉事庚申死國事贈

大理寺卿

楊爵

孟津志號榭山富平人進士歷河南道御史以上封事放歸爲民寓津數年有弔夷齊詩云孟津河下謁夷齊

凄慘風霜遍陌衢願借首陽方丈地藏吾天地一殘軀

卞爲麒

洛陽志字圖閣蓋州舉人天啟末宦歸過洛卜居焉卒葬卍山子雲龍河南衛指揮化龍永和知縣

陳靖建

豫變紀畧蘇州人賣藥洛陽市被聞賊執不屈言大明天子在上諭賊歸順賊怒寸磔之至死罵不絕口

雷鳴臯

舊府志字舒陽廬氏人進士歷官不得志放懷山水卜永寧居焉

趙良棟

善府志陝州人歲貢潛心理學聞寇南渡借次子德易同寄澠城城陷父子挺身罵賊死焉陝澠俱以節

義聞祀  
鄉賢

國朝

鄭謫星

偃師志字無儕泰和人順治間流寓至偃工詩能文跡弛不羈以病卒藁葬城南

邵進

洛陽志字晉人餘姚人康節裔孫講良知之學兩浙名公卿多出其門晚年流寓洛陽杜門著述卒葬卽山

張無欺

宜陽志洛陽人有庄田在宜陽徐陽村念村人貧無力讀書出己田八十餘畝延塾師爲義塾一時義之

劉鉅

新安志字蘭谷永清人佐外舅佟肖若宰新勸減荒糧除浮稅新入德之遜家于新縣冷陸師爲立惠新傳

尙無尙

採訪事實名學孔以字行直隸人康熙間徙居洛陽生而伉直鮮所許可終老不娶生平喜吟詠不苟作

作亦不輕示人與洛下劉洙孫扶蒼友善童瓢屢空晏如也太守汪舟次知其賢數招之不往一日遣人贈以金無

尙堅却不受病將革以詩付友由吾無嗣此卽吾子也劉洙等殮葬之題其墓曰詩人尙無尙墓今卽山墓碣存焉

鍾國士

僊師志字爾知以字行河內人七歲就塾卽知力學家素貧奉父居綠山下聞孫徵君鍾元倡道蘇門遂棄舉子業從受學得聞伊洛淵源之旨復還嶽山構數椽題曰存心齋讀書其中甚自得也暇則與二三子弟登綠嶺坐古栢下談詩文竟日忘返俄感疾自作輓詩沐浴更衣而卒

河南府志

卷之十

十一

河南府志卷之五十一

人物志十四

列女

白子程子有餓死事小之論出而閨門益以節義爲重  
况周南風化所自始爲二程子禮義之鄉者乎我

聖朝崇獎節烈勸旌之典下黃衝茅敵矢志殉義者較前代  
爲最盛彙萃而表彰之是則有朝激揚之責也爰稽舊  
志及歷年題旌冊悉著于篇間有及賢媛者亦劉子政  
作傳之例也憲列女

洛陽縣

漢

樂羊子妻

後漢書河南人不知何氏之女羊子嘗行路得遺金一餅還以與妻妻曰妾聞志士不飲盜泉之水

廉者不受嗟來之食况拾遺求利以汚其行乎羊子大慙乃捐金於野而遠尋師學一年來歸妻疑問其故羊子曰久行懷思無他異也妻乃引刀趨機而言曰此機生自蠶繭成於機杼一然而累以聖於寸累寸不已遂成丈疋今若斷斯織也則捐失成功稽察時月夫子積學當日知其所亡以就懿德若中道而歸何異斷斯織乎羊子感其言復還終業遂七年不返妻常躬勤養姑又遠饋羊子嘗有他舍雞謬入園中姑盜殺而食之妻對雞不餐而泣姑怪問其故妻曰自傷居貧使食有他肉姑竟棄之後盜欲有犯妻者乃先劫其姑妻聞操刃而出盜曰釋汝刀從我者可全不從我者則殺汝姑妻仰天而歎舉刀刎頸而死盜亦不殺其姑太守聞之即捕殺賊盜而賜妻縑帛以禮葬之號曰

貞義

晉

愍懷太子妃王氏

晉書太尉衍女也字惠風貞婉有志節太子既廢居於金墉衍請絕婚惠風號哭而

歸行路爲之流涕及劉曜陷洛陽以惠風賜其將喬屬將妻之惠風拔劍距曰吾太尉女皇太子妃義不受辱遂遇害廣博物志王進賢爲劉曜所掠渡孟津欲妻之進賢罵曰我太子婦司徒女敢干我乎言畢投河婢六出亦投河

隋

華陽王楷妃元氏

隋書嚴之女性婉順初選爲妃未幾而楷被幽廢妃事楷愈謹每見楷有憂懼色輒

陳義理以慰諭之楷甚敬焉及江都之亂楷遇宇文化及之逆以妃賜其黨元武達初以宗族禮之置之別室後因醉而逼之妃自誓不屈武達怒撻之百餘詞色彌厲元取斃自毀其面血淚俱下武達釋之妃謂其從曰我不能早死致命將見侵辱我之罪也因不食而死

韓覬妻子氏

隋書字茂德洛陽人周大佐輔賁之女年十四適覬雖生長膏腴家門鼎盛而動遵禮度躬自

儉約年十八覬從軍戰歿于氏哀毀骨立慟感行路每朝夕奠祭皆手自奉持及免喪其父以其少而無子將嫁之

誓無異志復令家人敦喻于氏晝泣截髮自誓其父喟然傷感遂不奪其志焉因養夫之弟子世隆爲嗣身自撫育愛同己生訓導有方卒能成立自孀居以後親族有就省謁者送迎皆不出戶閔疏食布衣不聽聲樂以此終身文帝聞而嘉嘆下詔褒美表

其門閭長安中號爲節婦門

**劉景女**

齊書河南人適長孫氏之子景仕周封彭國公與文帝有舊及受禪甚見親禮其子居士數得罪帝以景

故每原之居士轉恣破其家產景年老奉養甚薄其女時寡居哀景如此每歸寧躬紡績以致甘肥後居士坐告不遜誅景亦下獄女每親調飲食詣大理餉父見獄卒長跪以進獻歛鳴咽見者傷之及景賜死女言父無罪生子以及禍情詞哀切人皆不忍聞見遂布衣疏食以終其身帝聞之嘆曰吾聞衰門之女與門之男固不虛也

唐

**于琮妻廣德公主**

唐書琮尚公主黃冠犯京師琮被禍公主曰妾李氏女義不獨存遂入室自縊

**畢某寶烈婦**

唐書河南人朝邑令畢某妻初同州軍亂逐節度使李瑋走河中令匿望仙里不知所舍乃仇



家也夜半盜入捽令首欲殺之竇泣蔽捍至中刀不解令得脫走不死賊亦去京兆聞之歸酒帛醫藥幾死而愈

宋

尹焞母

宋史焞自少師事伊川先生紹聖初應科舉發策語不善焞曰是尚可以干祿乎不對而出告伊川曰焞

不復應進士舉矣頤曰子有母在焞歸告其母母曰吾知以善養不願汝以祿養伊川聞之曰賢哉母也

种放母

宋史長安主簿翊妻性樂道簿滋味夫歿與放俱隱終南山豹林谷之東明峰結草爲壺僅蔽風雨母處

之怡如也淳化三年放被召母恚曰嘗勸汝勿棄徒講學果爲人知而不得安處放遂稱疾不起母盡取其筆硯焚之與放轉入窮僻人跡罕至太宗嘉放節詔京兆賜以緡錢使養母有司歲時存問咸平初母帝詔賜錢助喪

二程子母

本傳程大中大夫珦夫人侯氏有法不嚴而整不喜鞭笞奴婢子或加呵責必

戒之曰貴賤雖殊人在一也諸子有所以白父曰子之

所以不肖皆母蔽其子而父不知耳徐寧至于此飲史纔數歲行或踏未嘗不呵責曰汝若安食嘗置二子於座側或絮羨卽叱止之曰勿求稱欲長當

何如故明道兄弟平生於飲食衣服無所擇皆母教之使然也

**呂希哲母**

本傳申國夫人正獻公之元配也性嚴有法教希哲事事循蹈規矩甫十歲嚴寒盛暑侍立終日不

命之坐不敢坐日必冠帶見長者於父母長者之側不得去巾襪衣服無令入肆市鄭衛之音未嘗一經於耳不正之書非禮之色未嘗一接於目教誨之嚴如此故希哲德器大異于人

**張齊賢母**

齊賢拜中書門下平章事母孫氏年八十餘封晉國夫人太宗嘆母福壽賜手詔存問縉紳皆榮之

元

**趙彬妻朱錦哥**

元史天歷初朱爲西兵所掠將犯之朱度不能脫卽給之曰幸釋我舍後井旁有瘞金當

發以遺汝兵信之朱得近井卽抱三歲女躡身赴井死

**齊關妻劉氏**

元史關爲千夫長戰死劉家貧無所依有強議婚者劉祥曰吾有願償畢當從所言是日徑往

天寧寺登浮圖絕頂祝天曰妾本河南名家女夫已死不敢失節遂投地而死

明

李保兒妻牛氏

夫卒守節永樂初旌

董安妻王氏

夫卒守節成化初旌

董雄妻匡氏

夫卒守節成化九年旌

劉傑妻賈氏

嫁三年而孀撫孤成立旌

真邱郡王

伊府安惠王之女下嫁儀賓蔡昇宏治初昇卒郡王即日觸壁而死事聞詔旌其墓

黎忠妻張氏

宏治四年守節撫孤

楊璟妻馬氏

婚數月而夫卒守節事聞旌表

曹興妻龐氏

年十九夫卒子俊生甫二十日及長娶李氏俊又卒李孝姑撫孤彪登鄉榜事聞旌雙節

曹昂妻張氏

正德七年流賊犯洛陽張抱子至壕畔為賊所逼仰見昂在城上大呼曰妾義不受辱今死君

前得死所矣遂擲兒于地赴水死事聞旌里人為建祠

莊昇妻張氏

夫卒撫子守節正德中旌

王盤妻唐氏

夫卒自縊嘉靖七年旌

董維翰妻葉氏

夫故氏絕飲食死節奉旌

尚鑑妻錢氏

生子熊三月而寡守節撫熊娶于張生二子熊亦卒張撫子同姑矢志嘉靖三十一年旌表

以上見李通志

閻存姐

年少隣人強逼不從殺之父母歸氏忽附人言其狀父母自縣尹執隣人付之法建祠以祀

孫祿妻馮氏

夫故苦志守節五十八年旌

郭遵夏妻喬氏

尚書允升女夫亡守節旌

何宜繩妻金氏

年二十守節三十年訓子成立

白應冬妻張氏

青年守節撫子成立奉旌

王守身妻尤氏

夫死刺指血自誓守節終身

陳明幹妻張氏

夫故茹苦教子成立

齊鳳時妻孫氏

年十九撫孤守節四十八年旌

張文政妻秦氏

夫早死氏矢志教子蒙旌

杜正夫妻陸氏

夫卒守節終身天啟間旌

杜敦孝妻高氏

闖賊破城不屈死

舉人郭永祚妻左氏

城破人勸氏避難氏正色曰舅爲太僕夫爲孝廉分應死同子瑛妻樛投井死

庠生任忠妻李氏

早寡教子紹曾登賢書旌

庠生徐毓淳妻董氏

寇陷浴投井死

溫廷樞妻于氏

賊入城投縋自盡子熙婦金氏亦抱兒投井子死氏遇救猶生茹苦守節事闖同旌

貢生杜敦悌母陸氏

少年苦志守節蒙旌

董維貞妻李氏

賊破城投井死

張彥珩妻賈氏

寇破洛賈氏扶姑逃罵賊被害

郭留妻孫氏

年二十二守節蒙旌

貢生董景行妻郭氏

賊入城避於方家堂賊驅之行抱柱不從賊斷其手死猶抱柱不脫

庠生董維藩妻劉氏

副使廣業女夫亡撫三子以節終子昌言孫元輔相繼鄉薦人爲貞節之報

李女

旌德令與然女賊陷城女年十四拜別父母自縊死

李孕祥妻秦氏

十九歲守節撫姪成立旌

魏伯昌妻宋氏

寇破城氏隨昌走匿井旁草中賊搜得氏氏舉手北指給賊轉視遂投井死

以上見王省志

玉亭縣君

伊藩典柄女年二十四適楊仍未兩月寡撫遺腹孝奉舅姑值歲殿宗祿久缺縣君勤紡績間日而

食其子日取屋後土作坯易粟發地得錢數百每日如之尋復得石炭取以供爨焉咸謂苦節之感云

貢生曹禋妻周氏

禋卒於長安周爲守節復爲撰墓誌鄉里稱之

河南府志

卷之五十一 人物志

五

列女

孫國儒妻劉氏

夫故氏年二十五孝翁姑撫弱子以紡績供

庠生許嘉瑞妻邵氏

冠至懼辱死井

許銳妻徐氏

冠變不屈投井死

許昂妻喬氏

參議縉女昂河南南衛指揮舍人娶氏一年卒遺腹生男後襲職喬苦節三十餘年

孫整妻常氏

夫死守節教妾子琪成名年八十終

監生黃時泰妻任氏

守節五十年旌

任彰妻某氏

以完節旌氏常語守志者曰少婦居孀良非容易吾初守節時每于念頭起處輒嚙臂以制之

能辦此銖石心腸乃立得脚跟住不然勵于始墮于終矣

邵府妻朱氏

夫死守節六十年奉旌

庠生李樹勳妻劉氏

十九寡撫孤入庠旌

郭遵化妻朱氏

守節四十年奉旌

庠生青遂妻邢氏

守節五十年奉旌

王天民妻曹氏

守節五十年奉旌

解元任啟元繼妻許氏

尚書論女夫卒氏年二十三善事舅姑撫前子若己出守節承家蒙旌

生員溫廷梅妻李氏

梅卒無子氏年十七立姪為嗣撫之成立蒙旌

庠生魏光祚妻史氏

年二十一守節奉旌

庠生范引妻閻氏

年二十二守節奉旌

劉玉鑑妻尤氏

年二十守節奉旌

庠生傅國英妻王氏

少年守節蒙旌

庠生戚苑卿妻朱氏

城破自盡並幼女死

王進孝妻張氏

寇至不屈投井死

廩生張鰲吸妻翟氏

年十七守節撫孤旌

貢生邢士楷妻李氏

寇至投井殉節

廩生王之鉉妻朱氏

宗室珂封女夫故守節五十餘年蒙旌

高子坤妻司氏

年二十守節撫子岱入庠蒙旌

沈天祿妻金氏

夫故撫孤守志奉旌

庠生李時行妻劉氏

夫卒孝親慈幼旌

劉寶繼妻王氏

夫亡不食七日卒

庠生畢承祖妻邢氏

二十歲撫孤守節旌

吳福妻曹氏

二十三歲撫腹應事姑稱孝

曹王氏

夫失名庠生曹應祥子婦也崇正戊寅流寇犯洛執其姑欲殺之氏與夫妹挺身捍蔽寇曰不殺汝幸矣

何求死爲氏叱曰姑死安忍獨生殺則俱殺耳寇並殺之

訓導董正妻王氏

遇寇不屈投井死節

潘原湛妻劉氏

夫故無子子極前自縊奉旌

徐平妻吳氏

平卒氏年二十一守節終身

生員吳姓妻何氏

崇正辛巳城破時省母家居泣告母曰兒爲吳氏妻應死吳門送歸抱子投井而死

廩生張懋忠妻陳氏

苦節撫孤入庠奉旌

孔印樟妻楊氏

寇變仗節投井死

馬仁妻常氏

早孀撫遺孤成立復亡又撫孫陞閣入庠學道旌門

叅政張以謙繼室程氏

守節終老蒙旌

莊永昇妻沈氏

夫故守節蒙旌

庠生劉大業妻荀氏

十九守節五十年旌

孫高擢妻李氏

城陷夫被賊害自縊殉節

秦名卿妻潘氏

適秦僅十月夫故守節三十餘年題旌遇寇變投井死時稱真節烈云

庠生王任賢妻杜氏

年二十夫亡子際昌幼績紡事舅姑撫之有成孫維翰登進士

廩生王之鈇妻陳氏

撫嗣守節有司旌門

劉若淵妻葉氏

守節五十八年蒙旌

熊健妻宋氏

青年守節歷四十九年而終子慶兆亦早死媳和氏年十九守節至老遇賊殉難蒙旌



李村姐

旌德令滋發女闖賊至女年十四飲鴆死

按省志

載興然女疑一人然父各各別且死亦異姑兩存之

姬仁妻焦氏夫死家貧有欲奪其志者氏指井誓曰井移吾志乃移撫孤元禮入庠奉旌人稱井曰誓節井

行人陳心傳妻某氏

撫孤珥守節三十年

庠生徐觀光妻鄧氏

十八撫女守節

庠生韓鍾岳妻朱氏

方伯用女年十八守節岳弟夫婦早亡氏代撫遺孤際泰成立列明經蒙旌

王好仁妻謝氏

歸匪歲寡撫遺腹夔卿入庠旌

庠生李可實妻魏氏

十九守節六十年旌

都御史張松繼妻關氏

松死氏二十四奉姑孝撫三子入庠以節旌卒配曹節婦祠

孫政妻周氏

年十七撫孤任娶李氏又寡旌雙節

訓導陳璿妻馬氏

賊陷城欲官璿璿自刎未絕爲賊所囚子三錫奪父歸氏恐賊辱與女三姐投河死

庠生何錫如妻王氏

十九守節撫孤壽終

庠生劉九宮妻賈氏

守節五十年旌

郭永歷妻楊氏

太僕興言媳隨夫避亂夫歿子復失氏痛絕投崖以救得不死還家十年子歸教之有成

列女

舉人來秉衡母劉氏

封安人城陷秉衡抗節死婦吳氏亦罵賊被殺劉痛哭大詈擊斃之

知州張其瑾妻劉氏

進士廷芳女孫隨夫官濮州遇土寇亂其瑾不屈死氏先期別至姑投井死

李尙德妻刁氏

安徽藩使學裕之大母青年守節壽九十三終

庠生何川如妻董氏

年二十夫亡刎頸未殊家人奔救氏急自探氣喉斷之乃絕

以上見洛陽志

吳瀛妻某氏

吳本妻李氏

葉儒妻陳氏

王銓妻孟氏

黃泳妻李氏

以上五人舊志失載據貞節坊補

管應平妻董氏

孟陳舜繼室季氏

張黃道妻劉氏

任棟妻劉氏

薛維城妻子氏

王九經妻孟氏

劉保妻王氏

劉進朝妻趙氏

喬允進妻蔡氏

尤湄妻劉氏

李賓妻熊氏

韓晉宏妻畢氏

劉廷試妻蘇氏

沈某妻某氏

王陞妻周氏

名姓關

以上十五

人據邑生董文炳所錄  
曹節婦祠碑題名補

國朝

王國柄妻郭氏

撫孤成立順治十七年旌

劉可大妻魏氏

夫故守節康熙三年旌

庠生商元印妻董氏

夫歿氏年十八守節五十年康熙四十八年旌

范九玉妻康氏

因饑夫于田遇張五欲犯之氏堅拒不從五用鎌刀殺之康熙五十七年旌

張景齡妻韓氏

夫亡年十八撫遺腹子逾年母家欲改適氏絕粒七日死雍正八年旌

殷長祚妻裴氏

十九夫死孝親撫幼以節旌

傅養賢妻劉氏

夫歿青年守節至老奉旌

莊景輝妻董氏

守節撫孤雍正十二年旌

朱漢雯妻魏氏

撫孤守節四十年孑立自給

以上見省志

陳午孫妻李氏

年十九夫亡  
自縊蒙旌

楊文耀妻梁氏

撫二幼成  
立蒙旌

孫耀雲妻李氏

守節撫姪入  
泮蒙旌

王慎妻李氏

夫亡  
自縊

生員楊濟瀛妻王氏

夫亡守節事舅姑喪訖  
日吾事畢矣不食死

秦啟召妻崔氏

夫亡視含殮畢  
自縊蒙旌

李紹聖妻戴氏

夫亡絕  
粒死

生員孟拱極妻葉氏

撫二孤成  
各蒙旌

董從心妻陳氏

夫亡  
守節

郭維揚繼妻李氏

十九守節撫  
前妻子壽終

劉養純妻苗氏

夫亡無子奉  
姑立嗣守節

張惟一妻劉氏

甘貧守志教子  
孫入庠蒙旌

庠生邱岑妻李氏

撫孤守節  
蒙旌

黃世學妻潘氏

夫故家貧撫三子  
成立蒙旌

秦偉妻王氏

家貧事姑撫  
孤守節旌

庠生溫爾培妻陳氏

十九撫孤  
守節旌

朱謙吉妻張氏

二十守節孝  
慈兼至縣旌

庠生胡際泰妻宋氏

守節教子入庠旌

李一蘭妻范氏

苦節事上撫孤有司旌節

知州董爾性妻百氏

治家教子守節旌

王世榮妻馮氏

撫幼子矢志守節五十年

庠生李業新妻馮氏

奉姑撫孤守節旌

李洪如妻顏氏

二十一守節四十七年

知府何玉如妻余氏

夫故訓子成家壽終

韓光祖妻申氏

夫故守節三十六年

庠生潘景辰妻劉氏

二十三守節子攻甫入庠卒妻董年二十二孀孫輝會妻温亦早孀稱三節旌

廩生董昌印妻秦氏

二十三守節三十年

許克明妻耿氏

撫遺腹守節有司表闕

庠生何鉞妻高氏

苦節六十三年事姑稱孝

王述曾妻張氏

撫週歲孤歷節四十餘年

庠生郭眉齡妻李氏

撫孤殤復撫姪入庠

晉國蘭妻趙氏

二十守節教子炳稱孝

庠生史嘉祥妻李氏

滋發女二十一守節翁病當穠以稱孝

廩生董駿發妻石氏

奉姑孝守節五十年

朱世朴妻劉氏

早寡撫二孤有成以壽終

貢生何錕妻師氏

監生何鈞妻周氏

以上二人善事  
翁姑以孝聞

陳惟敬妻方氏

十八撫孤成立  
守節四十二年

金延齡妻白氏

居土穴夫屢  
死撫孤守志

盧文斗妻魏氏

青年守節家貧  
奉翁姑致孝

王玠繼妻蘇氏

二十守節撫  
前妻子懸旌

孫修德妻石氏

子三省妻郭氏孫良相妻張氏  
三世皆以青年矢志稱完節

王應試妻邢氏

夫故年少斷髮  
誓志有司旌閭

李玉度妻劉氏

二十一寡事  
上撫孤縣旌

史譜妻孫氏

十九守節撫嗣子  
有成邑令匾旌

林朝龍妻周氏

二十撫孤守  
節六十一年

贈按察使李本質妻曹氏

夫早亡姑年逾九十多病氏孝奉  
不懈後以子學裕貴封淑人

郭基昌妻梁氏

夫死紡績撫遺  
腹守節五十年

魏國福妻馮氏

甘貧育子守  
節五十五年

韓瑁妻萬氏

夫死三子復逝與  
三孀媳撫孫同節

高臨妻孫氏

十九夫亡孝舅  
姑撫孤有成

韓國佑女

龐忙姐

黃璉女

司馬惠女

崔毛姐

陳學詩妻馬氏

以上六人皆貞不受辱自殉奉旌

宮瓊區妻谷氏

夫亡撫幼苦節五十載

胡敬聖妻王氏

孝親撫孤顯令同媳守節

胡顯令妻張氏

王氏媳以上三人乾隆元年旌

庠生張于默妻徐氏

守節事病姑以孝著

郭允苻妻孫氏

家貧守志撫孤有成

庠生董九苞妻劉氏

事後姑孝立嗣守節

王錫爵妻張氏

事舅姑撫幼子守節

貢生郭致大妻鄧氏

年十六歸郭甫三月夫亡事孀姑矢志以姪嗣以上五人二年旌

王愷妻李氏

事親撫孤歷節四十五年

苗穉妻孫氏

二十守節事翁姑孝課子有成

朱麟妻馬氏

孝慈兼至三人俱三年以上旌

廖爾濬妻党氏

事姑孝教子入庠四年旌

貢生郭繼曾妻何氏

讀書明義四年旌

裴汝翼妻王氏

養親孝訓子慈六年旌

邢僖妻李氏

孝養無缺撫嗣有成

陳謙妻徐氏

事病姑盡孝訓嗣子有方

郭贊妻胡氏

早孀獨撫夫弟成立上三人七年旌

謝君愛妻蘇氏

律身甚嚴戶外罕窺其跡

許毓理妻張氏

歸甫期年孀立嗣孝舅姑

岳定妻王氏

矢志孝親撫孤存禮入太學

伏文鑄妻王氏

十八歲守節奉病翁以孝稱

來迎社妻張氏

撫幼子事孀姑苦節終身

董策妻李氏

夫亡翁衰姑失明氏事之盡孝見息

胡朝用繼妻吳氏

二十歲寡善撫嫡子

庠生周繹文妻黃氏

夫亡撫孀子又亡撫孫乾隆三十八年旌

以上八人俱八年旌

監生董嘉賴妻杜氏

事病姑孝愛妾子慈

凌選妻張氏

撫二孤成立以完節稱

張文明妻苗氏

孝事孀姑撫嗣成立

劉賓妻王氏

姑歿事舅克順甘貧撫孤

王者賓妻黃氏

孝翁姑立嗣守節

王宏毅妻胡氏

年十九寡撫孤事親稱孝

畢思聰妻陳氏

夫亡以姪銳嗣守節三十九年

苗觀生妻姚氏

夫亡事舅姑撫三子有成

庠生子依仁妻武氏

夫歿撫孤事親稱孝

畢星妻張氏

夫亡撫遺腹成立事舅姑盡禮



馬璐妻周氏

夫故事翁姑孝撫孤子成立

馬永正妻張氏

夫亡姑喪明氏節孝兩全

知縣郭如峩繼妻曹氏

夫卒守志

宋際升妻曹氏

夫亡事老姑撫孤子

庠生董樂天妻張氏

年二十夫故一子復病廢遭遇至苦堅志不移以上十五人九年旌

庠生王遐齡妻李氏

撫孤度入庠壽八十

孟長儒妻張氏

夫亡孝親撫孤壽逾八十

亢九思妻李氏

夫亡孝孀姑守節四十六年旌

黃克讓妻張氏

早孀苦節撫孤三十五年

王建統妻王氏

十七歲寡子三桂妻段氏亦早孀同姑守志

牛珮妻張氏

青年矢志撫孤已成進士壽八十八

史興祖妻韓氏

夫故撫姪守節五十一年

蕭瑢妻陸氏

年二十一孀撫二子有成邑令匾旌

姚可才妻景氏

夫死事親保孤壽九十二年

倪賓妻王氏

二十夫故遺子未週守志三十餘年

任光聲妻陳氏

青年撫孤守志五十年

焦文裕妻丁氏

早寡事親撫孤守節三十七年

劉佑妻馬氏

早寡翁姑老堅志守節五十年

徐朝遠妻寇氏

十九寡事上撫  
孤守節六十年

王岳齡妻鮑氏

二十孀孝舅  
姑守節四十年

庠生郭鍾秀妻閻氏

夫亡撫孤棟入太學又卒閻苦節  
五十九年棟妻張氏亦守節終身

常某妻吳氏

夫故苦節自誓子世名娶董  
又卒遺孫六月姑婦同操

郭承德妻胡氏

早寡家貧撫孤  
苦節五十二年

孔世英妻趙氏

青年夫故  
撫孤矢節

庠生劉應槐妻吳氏

年十九撫  
孤守節

楊克拔妻沈氏

二十孀事姑  
孝撫嗣守志

王寅妾汪氏

守節六十四年  
子仁遠庠生

陳珣妻盧氏

夫故撫子成家  
歷節六十二載

陳正星妻鄧氏

青年喪夫撫孤亢中成立娶麻  
氏又亡一門雙節邑令旌之

李仙植妻張氏

早寡事親育幼  
歷節四十年

宋連才妻辛氏

早寡事親撫  
孤邑令匾旌

范洪圖妻張氏

夫歿養老育穉  
守節三十年

邢士標繼妻蔡氏

早寡育前  
妻守節

王國棟妻蔣氏

早寡撫孤歷五  
十年邑令匾旌

黃國卿妻楊氏

夫故子幼  
守志不二

武世輔妻左氏

青年守節四十八年子統文妻高氏亦守節武世相妻陳氏守節四十三年稱一門三節

貢生喬起龍妻馬氏

十九夫亡守節六十八年楊汝琰妻張氏早寡撫子守節五十六年

亢爾讓妻張氏

夫亡親老子幼苦節四十四年董大祥妻張氏夫故立嗣守節六十年

庠生商嘉謨妻黃氏

二十一矢節撫孤以壽終魏克敬妻韓氏夫亡孝孀姑撫孤成立

楊爾彥妻周氏

十八笄八月夫故撫遺腹守節張毓瑞妻喬氏孝姑撫嗣守節六十一年

庠生李國璧妻王氏

苦節六十一年邑令旌張漢妻高氏漢卒孝舅姑守節不渝邑令旌

庠生李澄清妻孫氏

撫二子守節六十年楊鑑妻邢氏十九寡子彌月誓死守節

史調鉉妻石氏

夫故奉翁姑撫嗣守節三十年趙廷鏞妻段氏夫故無子撫嗣姪守節

李之蕃妻李氏

早孀奉老撫幼守節三十六年柳恒妻李氏十九寡無子甘貧守志依姪終

廩生韓彥妻劉氏

年十八寡無子食貧守志李衍繩妻姚氏二十一寡撫孤守節邑令旌

馬學信妻郝氏

年二十寡撫嗣  
孝舅姑邑令旌

劉浩妻張氏

青年守節事老  
撫幼邑令旌

曹朴妻子氏

青年矢志課子讀  
書守節四十年

曹嘉言妻孫氏

夫亡無子苦  
節四十六年

袁帝簡妻郭氏

年二十寡子自立妻王氏年十  
九歲孀撫數月孤姑媳同節

霍可傑妻潘氏

夫亡事二親苦  
節五十七年

梁清妻李氏

夫亡誓志撫子  
守節邑令旌

庠生邢煩妻李氏

夫亡撫遺腹  
守節邑令旌

王濂妻汪氏

夫亡事親撫孤  
守節四十五年

陳其璜妻韓氏

十八歲寡事衰  
親撫遺腹守節

翟士奇妻孫氏

克事老親撫  
三子有成

馬騰雲妻蕭氏

夫亡家貧矢志  
撫孤以苦節終

戴王祉妻張氏

養老撫孤守  
節四十三年

程明揚妻王氏

夫亡青年守節子其儒娶鄭氏又卒矢  
志如其姑姑年八十四鄭無子以姪嗣

朱緯妻張氏

二十一孀家極貧  
撫孤守志邑令旌

何應誌妻孫氏

夫亡撫子苦  
節五十二年

王溥妻張氏

夫亡矢志子官檜妻徐  
氏亦少寡守節如姑

李作新妻趙氏

二十寡姑老撫  
嗣歷節五十年

李鎮妻寇氏

夫故撫子苦節  
三十年邑令旌

袁世法妻朱氏

夫亡家貧奉姑  
撫子脩極艱瘁

李遵周妻姚氏

夫亡子甫五  
月撫之成立

明國輔妻蘇氏

奉七旬翁姑撫  
二齡子苦節終

翟遵陽妻韓氏

家貧仰事俯  
育苦節卒年

庠生鄭人傑妻劉氏

撫姪守節  
四十四年

葉雲沛妻趙氏

養老撫幼守  
志以壽終

子廷霖妻宋氏

夫亡孝舅姑訓  
子藜炤入庠

李循繩妻姚氏

年二十二夫  
亡撫孤守節

庠生董九徵妻王氏

守節四十  
年以姪嗣

朱倫彛妻賈氏

夫亡子方晬  
矢志守節

楊大邦妻陳氏

夫亡無子立嗣  
守節三十五年

彭直妻徐氏

年二十三夫亡  
苦節五十二年

倪成禮妻邵氏

夫亡撫孤苦節  
四十年邑令旌

李逢雲妻姚氏

夫故守節五  
十二年以姪嗣

胡宗舜妻方氏

夫亡守志善事  
翁姑始終如一

唐士龍妻宋氏

早寡事翁姑  
孝撫三子有成

龐獻一妻孫氏

二十寡孝翁姑撫  
遺子卒成其志

曾球妻黃氏

二十寡子方晬  
守節四十年

監生李復陽妻董氏

夫亡苦節撫孤以壽終

李秀妻盧氏

家貧夫死遺子未週堅志守節

王敷化妻范氏

夫亡撫六月孤辛勤以壽終

李之貴妻曹氏

夫亡撫孤守節五十二年

陳九疇妻史氏

青年夫亡守節五十二年學使旌

黃先聲妻黃氏

夫亡矢志守節以老

魏一鵝妻張氏

青年夫故撫孤守節六十年

張宏妻李氏

十八寡撫遺腹子苦志三十二年

呂承文妻張氏

廿一寡無子以織事孀姑稱孝

吳文煥妻王氏

廿二寡孤殤撫兄子矢志

白無飾妻趙氏

夫亡家貧孝親撫彌月孤有成

潘玉璉妻李氏

二十夫亡撫姪守節三十年

張福賢妻何氏

二十一守節事親撫孤四十年

孫顯祖妻徐氏

十九夫故撫孤守節四十年

庠生王楷妻常氏

年二十二夫亡撫遺腹既婚復亡與媳郭氏養遺腹孫人稱雙節

范岐妻李氏

二十夫亡苦志撫孤常以樹葉充飢

黃竒妻潘氏

二十二夫故撫孤守貞五十年

許碩儒妻宋氏

早寡孝舅姑撫三子成立以老

王蘭妻李氏

青年夫亡家貧撫孤歷五十年

李傑妻范氏

夫亡撫孤不以窮困改節歷五十年

齊良相妻邱氏

夫亡撫孤歷五十七年

朱延先妻高氏

夫亡撫孤四月孤既婚又卒撫孫

郭宸修妻馬氏

夫亡撫孤歷五十年

李鳴鳳妻畢氏

早寡姑老子幼以績紡供食蓄

田耀然妻曹氏

夫亡撫孤歷五十年

吳應試妻馬氏

早寡事親撫孤誓以死守子仁故

妻詹氏十九矢志如姑歷久不渝

劉景星妻趙氏

夫亡事親撫孤守節四十八年

侯輔臣妻孫氏

夫亡姑老子幼家貧守節

張應魁妻王氏

十七魁贅半載歿撫遺腹守貞

陳四妻程氏

夫亡撫子守節四十五年

龐敦業妻張氏

夫亡事上撫孤壽八十四學使旌

楊相妻謝氏

年十七夫亡矢志守節以姪嗣

楊文壽妻董氏

二十一孀立繼守節四十五年

郭元翼妻張氏

夫亡撫女孝姑歷節五十年

孫範妻李氏

十九夫歿子又殤家貧事親盡禮

蘇永祥妻柳氏

青年夫亡苦節四十五年

王德吾妻趙氏

夫故守志依姪守節四十六年

任瑤妻張氏

夫故事上撫孤守節四十六年

李懷珍妻王氏

青年夫故遺孤復亡立繼全節

李均妻劉氏

二十寡撫孤守節邑令旌

李雲妻孫氏

青年夫亡撫孤有成守節四十六年

李可貞妻張氏

苦志撫孤守節五十年

呂承武妻王氏

早孀家貧事上撫孤歷四十年

陳紹周妻馬氏

夫故嗜指自誓守節四十年

庠生郭允綺妻徐氏

事姑訓子守節至老

張王命妻李氏

撫孤有成守節四十四年

李有讓妻李氏

青年夫亡撫姪完節四十六年

朱克明妻張氏

撫彌月子守節子庠生

張恒崇妻李氏

夫故養孀姑撫孤守節五十年

張毓琮妻陳氏

夫歿孝養舅姑撫孤成立

監生董嘉名妻史氏

苦節自誓教子成名

范安祿妻姚氏

夫故翁姑老字幼一身肩之

梁玉瑄妻張氏

十八寡養老撫幼苦節五十年

張天祺妻劉氏

夫亡矢志撫孤歷四十年

鄧世英妻王氏

夫故姑沒撫夫弟守節四十二年

苗澤盛妻袁氏

夫亡撫孤守節四十五年

庠生郭金聲妻李氏

夫亡遺女矢志不移

王子夏妻徐氏

家貧無子守節終老



監生張無爭妻黃氏

夫亡撫姪孝親守節

李廷秀妻朱氏

夫亡截指誓守以苦節終

史應選妻曹氏

年十九夫亡撫孤守節四十年子早歿妻孫氏亦守節

劉思智妻魏氏

思信妻高氏姊姒同以節孝著信故高年十

王錫祿妻李氏

十九寡事姑撫幼守節五十年

許良宦妻孫氏

事翁姑撫子守節四十二年

谷振邵妻張氏

十八夫歿撫遺腹苦節三十年

馬明德妻張氏

家貧子幼守節四十四年

曹應祥妻趙氏

家貧子幼翁姑老守節終身

李淋妻馬氏

事姑盡禮撫幼成立

劉建邦妻馮氏

家貧養姑撫孤守節四十四年

朱性燹妻王氏

撫二歲孤守節四十四年

庠生高漢英妻李氏

養親撫孤守節六十年

劉作桂妻張氏

夫亡無子苦節四十年

張某妻黃氏

夫故苦志守節五十年子進忠

任至德妻梁氏

撫六月孤守節四十五年

施懷智妻李氏

家貧親老子幼苦節四十年

胡國佐妻楊氏

無子撫姪守節四十三年

監生董萬傑妻郭氏

立嗣守節四十四年

郭岱鎮妻董氏

十九夫亡立繼守節

葉雲高妻苗氏

夫亡子甫三日守節四十六年

鄧顯宗妻白氏

二十一孀守節四十三年

劉道源妻王氏

早寡守節四十四年子永寧娶劉永昇娶金兄弟皆死劉十九夫故金十八夫故稱三節

仇維世妻朱氏

二十寡撫孤成立守節五十年

張元因妻師氏

家貧立嗣守節四十年

董萬億妻龔氏

二十夫亡家貧苦節三十六年

朱朝斗妻孫氏

事翁姑撫孤子守節以終

孫佩璜妻張氏

二十孀孝親撫孤守節四十年

王富妻劉氏

家貧教子守節四十一年

李朝桂妻李氏

十九寡撫襁褓子守節四十二年

周賢祖妻左氏

矢志撫孤守節四十三年

王大仁妻王氏

二十寡苦志守節四十二年

王希儒妻王氏

撫二歲孤苦節三十五年

楊宗堯妻郭氏

夫歿撫孤守節四十一年

張林妻趙氏

撫三月孤守節四十三年

張濤妻溫氏

夫亡遺孤四月夫葬輻血死邑令旌

鄭有仁妻陳氏

矢志撫孤守節四十一年

廩生陳汲龍妻王氏

撫孤守節三十五年

史正行妻薛氏

家貧撫三子苦節四十年

王性智妻石氏

二十寡廿貧撫孤守節三十年

李典妻蔣氏

忍飢撫子守節四十二年

楊其璘妻馬氏

夫亡守志養老撫幼歷四十年

黃珏繼妻李氏

夫亡撫孤守節四十二年

楊登第妻席氏

十八喪夫撫孤守節三十六年

李名世妻栗氏

堅志撫孤守節四十年

孟長貴妻徐氏

撫遺腹守節四十年邑令旌

沈苞妻陳氏

夫亡立嗣守節四十年

庠生莊繼武妻何氏

孝事翁姑撫孤守節

傅華妻孫氏

孝養繼姑撫二子守節

李士仁妻楊氏

二十三寡養親撫嗣歷四十年

劉文藜妻唐氏

二十寡撫孤守節四十年

王國彥妻王氏

十七夫殤善事翁姑立嗣守節

王學泉妻李氏

養親撫孤守節三十一年

牛新炳妻楊氏

十八寡矢志事親撫孤成立

金璧妻杜氏

十九寡孝事舅姑守節四十年

庠生邱瓊妻寧氏

事孀姑訓嗣入庠守節

李永吉妻馬氏

三十夫亡育孤守節

馬驥妻馮氏

年十九寡矢志孝養苦節四十年

劉元妻韓氏

青年夫亡子亦殤矢志不二

董珍妻許氏

夫歿子栢林娶韓氏及抱孫子亦故許守節三十五年韓侍姑以老

陳嘉言妻王氏

夫亡守節孝親撫孤邑令旌

牛傑妻王氏

二十一寡孝慈兼至歷四十年

張元英妻章氏

廿二守節撫孤孤兆隆入庠

范秀妻陸氏

年二十三夫亡無子甘貧勵志

趙克顯妻李氏

夫亡守節卅餘年長子昱故未幾次子芝又故長婦吳年廿一次梅年十九同勵水操

李廷棟妻孫氏

青年夫故事舅姑孝遺子榮娶潘氏而死孫守節四十年潘氏事姑以孝聞

王良相妻劉氏

年二十八夫亡家貧勤織紡奉舅堂上撫子成立守節三十八年

庠生何鎮妻呂氏

夫歿三日不食以身殉

陳餘慶妻張氏

撫子女成立守節四十年

劉士華妻張氏

二十九夫故子女幼誓死守節

張彪妻吳氏

夫故奉姑立嗣守節不二

文妻尙氏

夫亡無子誓死守節

方汝彥妻賈氏

夫亡奉姑誓死守節

楊瑞生妻馬氏

苦節撫孤三十餘年邑令旌

田葵妻楊氏

矢志守節三十七年

湯無恠妻任氏

事老撫幼守節三十年邑令旌

田蕙妻陳氏

二十二夫亡守節三十七年

唐士鳳妻左氏

孝親撫孤守節四十年邑令旌

史常妻曹氏

十九寡立繼守節邑令旌

陳啟仁妻張氏

守節孝孀姑撫孤子廷瑞入庠

方遇恒妻常氏

撫孤守節三十九年

葛永祥妻劉氏

夫亡子僅七日翁老堅志守節

賈英妻倪氏

夫亡守節三十八年

李文華妻董氏

二十三寡撫孤守節三十七年

解自成妻郭氏

夫亡奉姑撫孤歷四十年

李國檉妻朱氏

廿二夫故奉兩代姑以節孝稱

黃璽妻王氏

夫亡續紡事孀姑撫孤守節

司馬雲妻申氏

事舅姑撫孤子守節三十七年

石萬壽妻范氏

夫亡守節二十九年

監生甯依仁妻郭氏

青年守節孝慈並至

李某妻黃氏

夫亡守節四十三年

吳謙益妾李氏

撫子女成人守節三十七年

郭聰妻李氏

二十三寡事姑撫孤守節至老

張世福妻蘇氏

年二十二夫亡守節三十二年

向端妻劉氏

年二十一夫歿守節三十七年

宋有成妻朱氏

十六夫亡事親撫子稱完節

郭自興妻范氏

二十寡事上撫孤以節終

宋國良妻井氏

十七夫死家極貧撫遺腹守節

蕭祿生妻方氏

夫故撫孤守節三十七年

揣自強妻高氏

夫亡事姑撫孤守節三十七年

喬鐸妻陳氏

夫亡撫嗣守節三十六年

陳希賢妻林氏

二十孀事上撫孤矢志守節

熊權妻楊氏

十九夫亡撫遺孤守節學使旌

袁文運妻呂氏

子歸兩月夫亡及夫塋一慟死

余富壯妻關氏

事親撫孤守節三十六年

田宗武妻薛氏

二十五歲夫亡守節三十六年

石玉妻張氏

夫亡年二十一守節三十餘年

史恭恒妻金氏

十九寡翁姑老撫三月子守節

蘇景延妻呂氏

夫故撫遺腹成立以孝稱

貢生袁昌瑞妻宋氏

夫亡守節兼盡孝養

孫玳妻宋氏

孝翁姑撫子士傑入庠

周學台妻黃氏

夫亡撫孤苦節三十二年

曹鳳翥妻張氏

十七笄未暮寡撫嗣守節

范安世妻任氏

十九夫亡無子  
守節三十五年

李漳妻尤氏

夫歿矢志撫孤  
守節三十六年

高元錫妻趙氏

夫歿事親撫孤  
守節三十五年

高元度妻王氏

撫孤守節  
三十四年

牛克明妻張氏

夫歿事翁姑  
撫二子成立

邱峻妻李氏

夫故撫三子次  
第入庠學使旌

毛元善妻陳氏

年二十撫遺腹  
成立守節終老

黃文憲妻殷氏

夫亡紡績事  
翁撫嗣守節

吳居敬妻姚氏

夫亡守節孝舅  
姑人無間言

司馬孝妻申氏

二十寡事上立  
嗣紡織以老

李文煥妻何氏

年十八寡事老  
姑孝撫孤有成

韓養妻張氏

夫亡奉養姑盡  
孝撫四子成立

監生黃珣妾劉氏

二十三守節  
撫夫嗣成立

王榮環妻楊氏

夫歿撫一歲  
子誓死守節

姚化國妻張氏

十九夫亡姑老  
家貧立嗣守節

董萬方妻來氏

夫歿遺孤亦  
殤撫姪守節

陳見可妻李氏

夫故遺孤方晬  
守節撫之成立

董裕妻詹氏

裕卒二子幼績  
紡苦守以節終

呂瑗妻倪氏

年十九寡撫姪  
守節三十五年

陳元拔妻姚氏

夫亡撫子有  
成以苦節著

姬文孝妻王氏

家貧守節事親  
歷四十年

黃紹武妻王氏

廿三夫歿守  
節三十四年

王士俊妻邢氏

夫幼無子  
夫歿撫孤成立

劉世昌妻楊氏

家極貧事親  
撫孤守節終

青拔妻張氏

弟揚妻齊氏  
夫歿撫孤成立  
夫歿無子撫嗣

方璋妻韓氏

夫歿撫遺腹成立  
守節四十五年

郭釗妻畢氏

夫亡無子撫嗣  
守節三十三年

董有敏妻馮氏

年二十夫亡守  
節三十三年

劉璜妻李氏

夫亡守節  
三十五年

唐紹端妻王氏

夫亡守節  
三十五年

王珮妻李氏

夫亡守節三  
十年蒙旌

田爾佐妻潘氏

二十一寡家貧  
子幼堅操益著

徐大仁妻張氏

青年撫孤苦  
節三十三年

劉元輔妻魏氏

二十夫亡孝事  
孀姑撫孤成立

王子仲妻秦氏

夫亡無子守  
節三十三年

李可仁妻張氏

青年夫故撫孤  
守節四十年

傅中顯妻王氏

青年守寡苦  
節三十二年

伏文定妻李氏

二十守節事老  
撫幼矢志不移

李文發妻張氏

夫亡撫孤守  
節四十一年



李文聚妻趙氏

二十夫亡孝養舅姑撫孤守節

林宗秀妻蔡氏

早寡無子守節三十三年

庠生董溶妻邢氏

二十夫亡守節孝親至老

溫大興妻李氏

夫亡撫孤守節三十三年

段九德妻劉氏

十七寡無子孝孀姑守節六十年

楊宏妻劉氏

十七夫亡撫孤守節五十五年

庠生張朝選妻子氏

撫嗣守節四十年

曹自行妻何氏

夫亡子幼績紡守節

殷宏祥妻王氏

夫亡撫遺腹子守節三十三年

張元祐妻宋氏

年二十撫孤成立守節

趙生蕙妻曹氏

十九寡養親撫孤歷三十三年

溫如楷妻李氏

二十三寡事上撫嗣守節

李如桂妻任氏

夫亡撫孤成立守節三十四年

周曰瑞妻鄭氏

二十一寡無子立嗣守節

黃夢鰲妻岳氏

二十二夫亡撫嗣守節三十年

董自超妻邢氏

超卒氏年十八撫嗣守節

黃夢蛟妻玉氏

年十九夫亡守節三十八年

黃夢豸妻董氏

夫亡守志歷三十八年

監生朱鴻雲妻董氏

夫故守節三十三年

王天祿妻段氏

年二十夫故守節三十七年

耿國棟妻蔡氏

二十一寡孝親撫嗣勤劬備至

趙恒泰妻王氏

二十寡撫孤守節邑令旌

王維高妻陳氏

夫歿舅姑亦逝守節邑令旌

朱健妻王氏

夫亡孝孀姑守節三十二年

張元佩妻崔氏

二十夫亡撫嗣守節邑令旌

李秉均妻楊氏

夫歿守節養姑育幼無憾

葉炳星妻邢氏

二十寡事兩世孀姑撫子入庠

劉國傑妻方氏

年二十六寡守節三十二年

張嵩年妻郭氏

十九夫亡孝親撫嗣守節終身

黃仁妻王氏

夫亡事親撫孤守節三十三年

郭一鶴妻董氏

二十二寡績紡養姑撫姪成宗

孫應辰妻楊氏

夫亡親老子幼堅志守節

李永興妻周氏

年十九守節親撫孤三十二年

石瑀妻葛氏

十八夫亡撫孤守節三月

孫鍾英妻李氏

事孀姑撫幼子守節三十二年

郭景泰妻張氏

夫亡事翁姑撫孤有成

監生溫爾圻妻李氏

養姑撫孤守節至老

劉詢妻周氏

二十二夫歿撫孤守節

監生王先登妻商氏

八寡無子姑守節

霍俊妻喬氏

俊歿二子俱幼家貧績紡守節

錢考祥妻張氏

早寡事孀姑撫子入庠學使旌

魏繼聖妻秦氏

無子撫姪守節邑令旌

董朝奎妻郭氏

子歸三載夫歿請姑立嗣既葬奠墓三日抱十八遺書焚之是夕自縊死邑令旌

周尙斌妻黎氏

十九歲嫁無子翁姑老疾奉養

蘇克讓妻張氏

遺腹邑令旌

范安曾妻張氏

夫亡事親撫孤守節三十三年

曹持妻劉氏

夫亡孝事翁姑守節三十二年

庠生張敬臣妻沈氏

夫故無子立嗣守節

李松齡妻王氏

二十寡苦節三十二年

趙廷銓妻呂氏

夫故二子及叔皆幼守節撫養

李檀質妻潘氏

夫亡無子苦節三十二年

張永壽妻王氏

年十六寡孝翁姑守節蒙旌

蕭鳳妻張氏

撫孤守節三十二年

李耀太妻梁氏

廿一寡養老撫幼守節三十二年

郭一士妻馬氏

二十二寡守節三十二年

張賢行妻李氏

十九夫亡撫嗣守節邑令旌

翟大道妻李氏

夫亡撫孤守節三十二年

石天爵妻裴氏

早寡撫遺孤守節三十二年

曾魯會妻董氏

夫亡撫孤守節三十二年

魏永貴妻馬氏

十九寡事姑撫幼守節三十七年張錦妻孫氏十九歲夫亡撫孤守節三十七年

郭俊妻陳氏

二十二守節翁姑俱歿育幼叔成立

楊從智妻張氏

十八歲守節撫遺孀成立

楊夢熊妻董氏

十七夫亡無子奉親守節四十年

于禮妻林氏

二十夫亡撫孤守節三十二年

監生石鈺繼妻張氏

二十夫亡事姑守節

張夢麟妻石氏

二十夫亡事老撫幼稱完節

尙廷惠妻高氏

廿二寡事姑撫孤守節三十二年

孫鉢妻楊氏

十八夫亡無子立嗣

王憲德妻王氏

二十夫亡無子撫女守節學使旌

董爾相妻竇氏

夫歿忍死撫孤邑令匾旌

蕭登賢妻呂氏

十八夫亡撫孤守節三十二年

張元禮妻張氏

二十夫亡撫孤守節三十二年

陳廷獻妻張氏

夫故苦節三十年

韓性成妻梁氏

十九夫亡撫孤守節

庠生張燦妻李氏

早寡矢志歷節三十一年嗣姪培源既娶源死鰥王氏事李孝撫孤有成邑令旌

廩生王翼繼妻屠氏

夫亡守節撫孤成立

王敏修妻張氏

十九寡養親撫孤守節

董悅心妻秦氏

十八寡孝姑姑  
殺叔幼撫成立

魏宜良妻安氏

夫亡守節  
三十一

監生董金壽妻孟氏

二十二寡  
撫孤守節

王建府妻申氏

十九夫亡守  
節三十一年

李相洛妻葉氏

夫亡家極貧事  
親育孤入庠

宋良魁妻楊氏

夫亡守節  
三十一年

高于凌妻唐氏

廿一守寡事姑  
撫嗣歷三十一年

王拱妻何氏

撫孤守節  
三十一年

權爾倫妻劉氏

夫故年二十一  
事親撫孤守節

朱純妻孫氏

二十一夫亡守  
節三十一年

張其謙妻高氏

十九寡撫子守  
節艱難備嘗

韓國用妻魏氏

夫亡守節  
三十二年

杜彥芳妻郭氏

夫歿于外撫  
子事親守節

韓一鶴妻師氏

十七歲寡撫  
孤歷三十年

岳鍾璉妻李氏

年二十二夫  
亡立嗣守節

王顯武妻曹氏

夫亡無子守  
節邑令旌

楊文魁妻崔氏

夫亡一子失  
明甘貧守節

李九奏妻姚氏

夫亡撫孤  
學使旌

貢生李良璧妻季氏

撫三月孤守  
節邑令旌

朱文斗妻袁氏

夫亡無子  
奉翁守節

李世顯妻賀氏

夫故遺孤彌月忍死守節

岳惟詔妻李氏

十九夫死撫嗣守節

牛養麟妻董氏

夫亡與妾張矢志撫嗣稱雙節

張其右妻李氏

夫亡事舅姑撫三子成立

王秉義妻王氏

年二十寡無子食貧事姑值歲荒得食奉病姑氏竟餓死鄉里義之具棺殮邑令表閭

貢生甯存仁繼妻潘氏

夫亡撫孤守節

張撫妻殷氏

翁病氏割股肉奉翁病旋愈

劉廷望妻趙氏

夫亡家貧孝舅姑教子入國學

尤廷輔妻何氏

夫亡養舅姑撫幼守節

袁昌裔妻張氏

十八夫歿子一歲事舅姑稱孝

李朝輔妻宮氏

夫亡姑瞽子幼矢志靡他

劉世寶妻李氏

年二十寡或以無子諷氏曰姑老矣敢有他志耶遂立嗣守節

張宗孟妻馬氏

十七歸張期年夫歿無子守節

沈如楷妻李氏

夫亡撫孤守節

朱天福妻陳氏

夫亡事孀姑撫孤子守節終身

張彭齡妻馬氏

夫亡撫姪守節

任克己妻張氏

年十八寡事老撫幼守節以終

黃通妻王氏

十七子歸未期夫歿撫遺腹守節

監生袁昌譜妻郝氏

十七夫亡無子守節

董文炳妻王氏

夫亡守節

庠生郭珍妾王氏

夫故無出撫嫡室三幼子守節

王嗣妻牛氏

年十八夫亡廿七守節

袁鎬妻郭氏

十八夫亡無子事老親守節

尤世重妻王氏

夫亡撫孤守節

劉光先繼妻趙氏

年十九夫亡守節

張懷璧妻魯氏

夫亡守節

監生張兆齡妻王氏

十七寡無子守節蒙旌

毛世英妻周氏

夫亡年二十一守節

聶文元妻秦氏

十九夫亡事老姑撫嗣守節

李永燦妻姬氏

夫亡無子苦志守節

孫雲從妻宮氏

夫故立嗣及墓痛哭嘔血而絕

魏景明妻賀氏

忍死撫孤守節成志

袁名麒妻谷氏

夫故撫遺腹子以食貧守節

董大智妻高氏

夫亡孝舅姑撫二子成立

潘宏勳妻齊氏

姑病刲股肉愈之郡守張旌門

焦錦妻黃氏

家極貧姑病割股肉和藥得痊

蔡世魁妻劉氏

十九寡矢志養老撫孤邑令旌

梁心智妻傅氏

二十三夫故撫孤守節

溫紹武妻方氏

十九夫亡無子  
矢志養親守節

史守建妻郭氏

夫亡撫遺  
孤守節

黃克孟妻呂氏

爲黃養媳年十五尙未婚姑以胃痛叫號七  
晝夜氏割股肉和藥以進姑立瘥邑令旌之

李金式妻田氏

早寡矢志撫  
嗣邑令旌

楊崑生妻趙氏

夫歿矢志  
守節至老

何永昌妻李氏

十九夫亡  
矢志守節

蘇景新妻子氏

夫亡家貧  
撫孤守節

耿王訓妻王氏

二十一夫故無  
子矢志守節

郭傑妻范氏

姑病割膈肉  
愈姑令旌之

魏繼珍妻梁氏

拒暴不辱自縊  
乾隆八年旌

胡三元妻楊氏

割股療  
姑病

王鳳楚妻馬氏

姑病割膈肉煎  
藥病愈邑令旌

姚琚妻蔡氏

年十七琚故奉  
舅姑撫孤守節

許珮妻李氏

夫卒誓從地下刎頸  
死姑病復割股肉和藥病旋愈以節孝終

仝坤妻韓氏

夫亡守節姑病割  
肉奉之愈邑令旌

胡勢妻張氏

無子女苦節  
事親守節

王氏女

張白驢聘妻三歲養子張未成婚而白驢出外氏依  
孀姑姑病割股愈之或勸其改適不應堅志如初



金坦然妻李氏

廿三寡無子撫姪守節孝翁姑

范某妻李氏

廿三天亡撫孤事姑歷五十六年

孫義妻吳氏

夫亡夫弟將逼之改適氏縊林柱死邑令龔崧林有傳

王獻圭妻許氏

姑病割股肉療之病立瘥令旌

以上見洛陽志

李大受妻郭氏

二十三夫故遺一女無子孝翁姑守節三十七年

王璲妻李氏

十九夫故撫三月孤紡織養翁姑守節三十五年

王儀妻楊氏

十八夫亡孝翁姑甘貧守節四十二年

方得安妻楊氏

十九夫亡事親撫孤守節三十五年

董玉模妻丁氏

夫故孝翁姑撫幼女立嗣守節

董滄妻黃氏

二十夫亡無子孝翁姑甘貧守節

董九州妻陳氏

十八夫亡奉親立嗣苦節三十二年

丁德睿妻徐氏

二十一夫歿孝翁姑撫孤守節五十六年

苗仲行妻孫氏

二十一夫故孝翁姑歷節三十五年

孫瑜妻李氏

夫瑜故以姪嗣紡織奉翁姑苦節四十二年

范震妻段氏

二十一夫亡子甫匝月家貧孝翁姑撫子成立守節至老

范洪保妻董氏

二十夫故遺一女孝孀姑苦節四十四年

虞生吳升妻任氏

夫故事姑教子元銘入庠

梁九鶴妻范氏

十六子歸南三月鶴亡家貧紡績孝姑守節三十三年

金永貞妻賈氏

二十夫亡孝翁姑撫姪養親守節四十餘年

倪肇本妻趙氏

年十九夫亡守節乾隆十三年旌郭琿妻高氏夫歿氏年二十

甯恕行妻張氏

夫亡守節三十餘年

王永祿妻張氏

夫亡守節

石建妻張氏

夫亡守節以上三張比姊妹同志

廖唐臣妻朱氏

青年守節十三年旌

閻耀妻王氏

青年守節四十四年十三年旌

呂行正妻寇氏

世夫歿守節十四年旌

郭閏妻董氏

拒暴自縊十六年旌

范文魁妻崔氏

二十三守節十八年旌

王敏修妻張氏

十八夫歿守節十九年旌

許玉有妻胡氏

拒暴自縊十九年旌

孫簡臣妻張氏

夫亡守節六十年十九年旌

晉二舉妻邢氏

拒暴自縊十九年旌

趙富聘妻孫氏女

幼字富富故痛哭歸姑家堅志守節二十四年旌

郝禮招妻曹氏

胡瑜妻張氏

潘輝曾妻溫氏

以上三人夫亡守節

二十九年旌

羅士敏妻耿氏

夫歿守節三十五年旌

王篤妻劉氏

侯振魁女

以上二人皆拒暴自縊三十五年同旌

鄭天緒妻孫氏

拒暴自縊三十六年旌

賈長庚妻鄭氏

趙德妻張氏

宋良上妻楊氏

黃永妻吳氏

以上四人皆夫

亡苦節三十  
八年同旌

董彬繼妻李氏

夫歿殉節三十九年旌

李思讓妻季氏

夫亡孝孀姑撫  
子成立守節

喬作聖妻楊氏

夫亡事親撫  
孤甘貧守節

吳永壽妻齊氏

夫亡孝孀姑撫  
孤堅志守節

符應辰妻苗氏

二十夫歿  
立嗣守節

孫永正妻尙氏

二十三夫故養翁姑撫  
二十子守節六十四年

李兆祥妻張氏

夫歿撫三子成立  
苦節五十五年

李成妻孫氏

二十夫亡  
撫孤守節

張志信妻商氏

夫亡家貧寄居母  
家撫孤子瑜守節

庠生張金河繼妻章氏

十八入子歸結褵半載夫  
歿越四日從容自經

監生山仁妻劉氏

二十一寡事親撫  
孤守節五十一年

山如恒妻宮氏

十八夫亡堅志  
事姑撫子守節

吳曰寬妻王氏

夫亡越七日  
遂絕飲食死

張朝士妻劉氏

二十一夫亡孝舅姑立嗣守節

潘琳妻何氏

十八夫亡立嗣守節五十七年

張如載妻王氏

二十夫亡事親教子守節三十五年

李三經妻張氏

廿一夫故孝翁姑立嗣守節三十六年

溫憲祖妻徐氏

二十夫亡堅志守節翁憐其幼欲令改適遂自縊

葉墜林妻阮氏

廿五夫亡撫女守節三十一年

張越妻章氏

二十一夫亡自縊以殉

胡珍妻韓氏

二十五夫故孝翁姑撫孤成立守節六十年

李性生妻田氏

二十守節事翁姑撫嗣子乾隆四十一年旌

周逢庚妻梅氏

夫歿投繯殉節四十年旌

霍文鳳聘妻王氏

許字文鳳未及歸而文鳳死氏堅志守貞舅姑爲立嗣以老四十一年旌

鄧國璉妻鄭氏

夫亡孝孀姑撫二子甘貧守節

崔懷周妻李氏

十九夫亡撫孤興成立苦節四十一年

崔尙雅妻李氏

二十夫故孝翁姑撫幼子守節四十年

崔尙勇妻李氏

廿三夫故堅心守節孝親撫孤歷四十一年

王舉妻李氏

青年寡孝姑姪百歲爲嗣娶白氏未幾百歲亦卒白年二十一姑媳同心矢志

以上見採訪印冊

監生董重輪妻郭氏

二十二孀孝親撫孤苦節四十六年

董之鑄妻傅氏

廿三夫歿撫孤守節三十三年

董之鎔妻劉氏

二十夫歿無子絕食死

州同張興業妻王氏

二十寡撫孤麟書娶董氏越兩載書又亡與姑同心守志

生員趙羣炎繼妻鄭氏

青年夫歿孝舅姑立嗣守節三十六年

郭又庚妻陳氏

二十寡守節養姑日夜勤紡績以孝稱後死於火里人惜之

張捷妻劉氏

夫故紡織奉姑  
守節四十八年

李生梅妻陶氏

二十三撫  
孤守節

盧嘉祉妻郭氏

夫故撫三子成立  
苦節四十七年

董士勉妻麻氏

十九夫亡取姪模爲嗣娶盧氏  
模又亡復撫孫盧亦守節如姑

郭特繼妻李氏

十九守節姑  
病癱以孝稱

任恭妻梁氏

十九寡撫遺腹  
苦節七十餘年

楊翰邦妻劉氏

幼養夫家未合鬻夫亡氏年十五矢  
志守節夫兄憐而立嗣有司旌之

陳讚妻莫氏

廿二寡撫孤守節七  
十餘年見曾元卒

郭壬辛妻邢氏

二十夫亡孝舅姑取姪麟  
標爲嗣苦節四十七年

司馬敬妻何氏

十九夫亡撫嗣成立守  
節五十年郡伯王匾旌

金萬福妻高氏

二十五歲  
夫故守節

李中行妻金氏

十九歲夫  
故守節

閻朝佐妻朱氏

夫亡撫週歲孤  
守節三十七年

邢素位妻曹氏

夫故教  
子守節

以上曹營採訪

劉興妻錢氏

二十二夫亡撫孤成立守節四十年

曹營續訪

生員李龍書妻方氏

青年夫亡撫嗣守節

李蓉妻潘氏

青年夫亡撫孤月孤甘貧守節

郭鴻儒妻董氏

十七夫亡撫姪守節六十五年

許燧珍妻楊氏

青年寡撫孤成立以節終

張凌霞妻李氏

夫亡孝翁姑守節三十四年

周明妻鄧氏

十九夫亡孝姑守節

段護蘭妻周氏

十七歸段夫亡繼姑欲其改嫁氏不從待之益虐年二十四忽整衣瞑目而逝蓋潛不飲

食者已十餘日矣

胡永發妻周氏

青年夫亡守節四十餘年

王起麟妻劉氏

廿三夫亡撫遺腹成立守節四十年

以上見董文炳貞烈攷補

趙克基妻段氏

二十二夫故無子守節十年翁姑憐其貧苦將嫁之氏聞卽自縊



楊鵬霄妻穆氏

廿四夫歿撫孤成立守節五十年

郭人文妻馬氏

十八夫亡撫弱守節

庠生周景濂妻郭氏

夫卒視含殮畢投繯死

葉行遠妻潘氏

夫亡守節邑令旌

監生董克明妻李氏

十九夫亡子殤遂絕食死

朱蓬姐

字白瑄瑄卒請父母往弔遂不歸孝舅姑以姪嗣

梁文耀妻沈氏

夫故孝孀姑守節四十年

閻星拱妻韓氏

十九夫亡矢志守節三十三年

李松妻劉氏

青年夫亡守節三十五年

龐天瑞妻王氏

十七夫亡矢志守節紡績養親

庠生寧瑗妻邢氏

十八夫故孝翁姑守節

監生杜甲裁妻鄭氏

夫亡守節四十七年

王超祖妻蕭氏

夫亡守節

袁昌德妻張氏

二十寡撫姪辛輔食餼守節

王汝科妻袁氏

十七夫亡撫孤守節

董道心妻姜氏

夫亡守節五十餘年

董敬心妻宋氏

青年夫故守節

杜雙燕妻王氏

青年夫歿撫妾子成立

武希堯妻董氏

夫亡以苦節終

監生董天德妻甯氏

夫歿遺孤  
殤撫嗣守節

董自新妻許氏

夫亡  
守節

王文彪妻王氏

青年守節家貧  
紡績奉養翁姑

鄧瑞珩妻田氏

夫歿堅  
志守節

姚燧妻李氏

廿四寡撫孫入  
庠守節七十年

李可賢妻張氏

夫亡守節  
四十餘年

監生姚良相妻黃氏

二十夫亡撫遺腹  
守節五十五年

姚璿妻張氏

二十二寡事親撫  
孤守節五十六年

馬如駙妻王氏

十九夫故撫  
遺孤成立

姚士敏妻徐氏

十七夫故守  
節五十六年

許敬妻黃氏

夫亡守節  
四十年

王簿黃文燧妻董氏

孝翁姑撫  
孤成立

郭廷玉妻趙氏

十八夫歿  
孝翁守節

胡琰妻令狐氏

十九夫亡守節三  
十五年郡守匾旌

魏宗禹妻聶氏

夫亡孝姑守  
節三十年

郭孝女

進士世奇女隨父化州任父病篤  
女年十三割股肉以進人稱其孝

殷化家妻劉氏

割股和藥  
姑病卽愈

董文聲妻何氏

青年夫歿  
紡績撫孤

王懷瀆妻董氏

二十寡撫孤守節六十五年

董士鑑妻楊氏

青年夫故孝親撫孤

李忠貞妻魏氏

青年夫亡撫孤守節

董法言妻魏氏

夫亡守節四十四年

李如枝妻季氏

青年夫亡守節三十年

魏宏禮妻范氏

十九夫歿撫嗣守節

金月新妻李氏

十九寡孝翁姑守節

李興俊妻董氏

弟興敏妻董氏與國妻苗氏皆以青年夫亡同心矢志稱一門三節

范徵福妻姚氏

十六夫亡撫嗣守節三十八年

關全妻張氏

廿一寡孝翁姑守節四十三年

葛從堯妻周氏

二十一夫亡孝親撫孤守節

陳起祿妻牛氏

二十一夫亡立志守節

李國弼媳金氏

二十夫亡苦志守節三十二年

李繼聖妻張氏

二十夫歿守節

王金鰲妻陶氏

十九夫故孝翁姑撫嗣守節

宋景儒妻賈氏

二十寡姑老子幼甘貧守節

王命輔妻安氏

夫亡守節

王忌義妻楊氏

夫亡以苦節終

王命以上見玉志

王金

李國瑞

葛

葛